

لِنْجِيلُ نْ مَرْقُسْ

إِفْرِ إِزْوَارْنْ

^١ تَبْرَاتْ نِ لِنْجِيلُ نْ يَسُوعْ لِمَسِيحُ يُوسُنْ رَبِّي، ^٢ تَبْدَا سِ عَمْكُلَى نِيتْ إِتِّيُورَانْ غُ وَرَانْ نِبِي إِشْعَائِيَا لِيغْ إِنَّا: «هَيِّ رَانْ زُوَارْ أَزْنَخْ أَرْقَاصْ إِنُو لِي رَادَاكْ إِسَسْتُوا أَغَرَاسْ نُكْ». ^٣ إِكَا لِبْرِيَحْ نِيَانْ أَبْرَاهِيْخْ غُ لَخْلَا أَرْ إِتِّي: إِوْجَدَاتْ أَغَرَاسْ إِسِيدِيَتْتَخْ تَسَسْتُوا مْ أَسْ إِغَرَاسْ نِسْ». ^٤ إِكَ لَحَالْ مِيَكَا سَدْ إِبَايِنْ يُوْحَنَانْ لَمَعَدَانْ غُ لَخْلَا أَرْ يَقِرَأْ إِمْدَنْ أَدْ أَصْنُونْ سِ أَغَرَاسْ نِرِبِّي، عَمْدَنْ غُ وَمَانْ فَادْ أَسْنْ إِغْفَرْ رَبِّي دَنُوبْ نِسْنْ. ^٥ أَرْدَ دَارَسْ تَفَوْغَنْ مَدَنْ لِي كُلُو لَانِينْ غُ تَمَزِرْتْ نِ لِيَهُودِيَا دَأَيْتْ أُورْشَلِيمْ، أَرْ كُلُو دَارَسْ تَعْمَادَنْ غُ وَمَانْ نِ وَسِيفْ نِ لَرْدُنْ، أَرْ تَقْرُونْ سِ دَنُوبْ نِسْنْ. ^٦ إِكْتِينْ يُوْحَنَانْ أَرْ إِلْسَا لُوبِرْ نِ إِرْعَمَانْ، أَرْ إِتِّكَاسْ سِ تَأَكَسْتْ نِ إِلْمْ، أَرْ إِشَّتا تَمُورْغِي دَتَمَنْتْ نِ لَخْلَا. ^٧ أَرْ إِتِّبَشَارْ مَدَنْ أَرَاسْنْ إِتِّي: «هَتِي رَايِدْ إِضْفُورْ يَانْ يُوكِرِي غُ لَجَهْدْ، نِكِينْ أُورْ سَتَهَلَّاخْ حَتَّا أَدْ كُنُوخْ أَدَاسْ فَسِيخْ إِفَلَانْ نِ تُورِزِيَيِنْ نِسْ. ^٨ نِكِينْ هَيِّ عَمْدَخْكَنْ سِ وَمَانْ، نِتَانْ رَاكَنْ إِتَعْمَادْ سِ رُوحْ لَقْدُسْ».

^٩ أَسَانْ أَنْ نِيتْ أَغْدِ يُوشَكَا يَسُوعْ غُ تَمَزِرْتْ نِ نَاصِرَا نِ لِجَيلْ إِتَعْمَدْ غُ وَمَانْ غُ دَارْ يُوْحَنَانْ غُ وَسِيفْ نِ لَرْدُنْ. ^{١٠} أَيْلِيغْدِ إِفْغَ يَسُوعْ غُ وَمَانْ سِ أَيْتَتَايِ إِكْنُوَانْ نُورِزْمَنْ، إِكْرَدْ فَلَاسْ رُوحْ لَقْدُسْ زُونْدْ كَرَا نِ أَتِّيَرْ. ^{١١} إِكْدِ يَانْ وَوَالْ إِكْنُوَانْ أَرْ إِتِّي: «كِيَيِنْ أَيْكَانْ يُوِي يُعْزَانْ، كِيَيِنْ أَفْ رَضِيخْ». ^{١٢} غَكُودَانْ نِيتْ أَتْ إِسْوَفْغْ رُوحْ لَقْدُسْ سِ لَخْلَا، ^{١٣} بِلِينْ كِيسْ سِينْ إِدَ عَشْرِينْ نِ وَاسْ غُ كُرْ لَوْحَاشْ، أَرْتْ إِتْجَرَابْ إِلْبِيسْ أَرْتْ صَنْضِيقَنْتْ لَمَلَائِكَا.

^{١٤} لِيغْ إِتِّيَمَازْ يُوْحَنَانْ سِ لَحْبِسْ يَاشِكْدِ يَسُوعْ سِ تَمَزِرْتْ نِ لِجَيلْ أَرْ إِتِّبَشَارْ مَدَنْ سِ لِنْجِيلُ نِ تَكْلِيدِتْ نِ رَبِّي، ^{١٥} أَرْ إِتِّي: «إِكْمَلْ أَزْمَزْ تَأَزْدْ تَكْلِيدِتْ نِ رَبِّي. أَصْوِيَادْ سِ أَغَرَاسْ، تَامِنْ سِ تَبْرَاتْ نِ لِنْجِيلُ». ^{١٦} لِيغْ أَيْرِكِيزْ يَسُوعْ غُ إِكِي نِ أَمْدَا نِ لِجَيلِ، سَانْ إِتَتَايِ سِينْ إِنْكَمَارْنْ، سِمعَانْ دَ كِمَاسْ أَنْدَرَاوُسْ لُوْحِنِينْ أَكَانْ شَبَكْتْ غُ أَمْدَا. ^{١٧} إِنَّا يِسْنِ يَسُوعْ: «أَشْكَادْ ضَفُورَتِيِّ أَكَنْ كَخْ دَ إِنْكَمَارْنْ نِ مَدَنْ». ^{١٨} غَكُودَانْ نِيتْ أَدْ فَلَنْ شَبَايِكْ نِسْنْ، ضَفُورُنْتْ. ^{١٩} أَرْدَ إِزْكِيزْ يَانْ إِمِيكَ، سَانْ إِتَتَايِ يَعْقُوبْ يُوسْ نِ زَبَدي دَ كِمَاسْ يُوْحَنَانْ غُ أَغْرِيَبُو أَرْ تَعْدَالَنْ شَبَايِكْ. ^{٢٠} إِغْرِ أَسْنْ، نَكْرِنْدْ غُ تَسَاعْتْ أَنْ نِيتْ فَلِنِينْ بَابَاتِسْنْ زَبَدي دَ إِخْدَامْ نِسْ غُ أَغْرِيَبُو ضَفُورُنْتْ.

كُشْمَنْ إِلْمَا سْ تَمَرْتُ نْ كَفَرَنَاحُومْ. لَيْغِ إِلْكُمْ وَاسْ نْ سَبْتُ، إِكْشِمْ نِيتْ يَسُوعْ سْ أَكْرَاوْ نُسْنْ أَرْتُنْ²¹
إِسْلَمَادْ. ²² أَرْ تَعْجَابْ غْ الْمُودْ نُسْ أَشْكُو أَرْتُنْ إِسْلَمَادْ زُونْدْ كَرَا نْ يَانْ إِطَافْ لَجَهْ إِكْوْتُنْ أُورْدْ زُونْدْ
إِسْلَمَادْنْ نْ شَرْعْ. ²³ يِلِي غْ أَكْرَاوْ نُسْنْ يَانْ أَرْكَازْ إِلَّا كِيسْ يَانْ لَجَنْ، إِنْكْرِ إِكْ تَغُوْبِيتْ²⁴ أَرْ إِتْنِي: «وَا
يَسُوعْ أُونَاصِرَا مَادِيدَكْ نَشْرَكْ؟ إِسْدْ تُوشْكِيتْ أَدَاخْ تَتْغَتْ؟ هَتِي نِكِينْ سَنْخَكْ، سَنْخْ إِزْدْ لَقْدُوسْ نْ رَبِّي
أَتِكِيتْ!» ²⁵ أَرْتْ إِطَرِي يَسُوعْ إِنَّايسْ: «فِيسْ! تَفَعْتْ كِيسْ!» ²⁶ إِلْوَحْ لَجَنْ لَيْ أَرْكَازْ أَنْ إِكْسْ يَاتْ تَغُوْبِيتْ
إِجْهَدْنْ إِفْعْ إِلْمَا كِيسْ. ²⁷ أَرْ كُلُو تَعْجَابْ مَدْنْ أَنْ، أَرْسَقْسَانْ إِنْكَرَاتْسْنْ أَرْتِتِينْ: «مِيَگَا مَيَادْ؟ مَتَا الْمُودْ أَدْ
لَيْ حَرَادْ إِكْرَانْ؟ أَشْكُو لَادْنْ نُسْ أَسْ إِتَّامْ حَتَّا إِلْجُنُونْ أَرْ سَرْسْ سَفْلِيدْنْ!» ²⁸ تِزِي يَانْ نِيتْ أَدْ فَعْنْ
لَاخْبَارْ نُسْ لَكْمَنْ كُلُو تَمَرْتُ نْ لَجَلِيلْ.

²⁹ غَمْكِلِيدْ فُوغْنْ غْ أَكْرَاوْ لَيْ كُشْمَنْ نِيتْ سْ تَكْمِي نْ سَمْعَانْ دْ أَنْدَرَأُوسْ، إِمُونْ دِيدْسْنْ يَعْقُوبْ دْ يُوحَنَّا.
³⁰ تِلِي غِينْ تَضْكَالْتْ نْ سَمْعَانْ تَكْنِ غْ إِبْرَدَانْ أَشْكُو تَوْمَزْتْ تُولَا، كَسْنْ نِيتْ لَاخْبَارْ نُسْ يَسُوعْ.
إِلْكَمْنَنْ يَامْرْ أَفُوسْ نُسْ إِسْبِيَّتْ. تَفَعْتْ تُولَا غْ تَسَاعْتْ أَنْ، تَتْكَرْ أَرْتُنْ سُولْ تَصْنِصِيفْ. ³² تَدْكَاتْ لِيغْنْ
تَضْرِنْ تَفُوكْتْ، أَوِينْ أَسْدْ مَدْنْ كَرَا دَارْسْنْ نْ إِمْضَانْ دْ إِمْجَانْ. ³³ مُونْدْ كُلُو أَيْتْ تَمَدْنَتْ أَنْ غْ إِمِي نْ
تَكْمِي لَيْ. ³⁴ إِجْجِي كِيَگَانْ دْ مَدْنْ لَيْغْ لَانْ لَرْهَاضْ نْ تَمُوضَانْ، إِسْوَغْ لَجَنُونْ گُوتِتِينْ، أُورْتُنْ يُوجِي
أَفْلَاسْ سَوَالْنْ أَشْكُو نَتِتِي سَنْ مَيَگَا.

³⁵ لَيْدَ أَزْكَا، إِنْكِرْدْ أُورْتَا إِفَاؤْ لَحَالْ، إِفْعْ إِدُو سْ يَانْ لَخْلَا أَرْكِيسْ إِطْرَلَّ. ³⁶ إِنْكْرِ سَمْعَانْ دْ وَلِي دِيدْسْ
لَانِينْ أَرْتْ سَكِيلْنْ. ³⁷ لِيغْتْ أَفَانْ نَانْ أَسْ: «هَانْ أَرْكْ كُلُو سَكِيلْنْ مَدْنْ!» ³⁸ إِنَّايسْ يَسُوعْ: «رَوَاحْتْ أَنْدُو
سْ مَنِي يَصْنِينْ، سْ لَمَوَاضِيعْ أَدْ قَرْبَنِينْ أَكِيسْنْ تَبْشَارْخْ أَلَا نَتِتِي، أَشْكُو مَيَانْ أَفْدْ فُوغْخْ». ³⁹ إِدُو أَرْ إِنْبَشَارْ
غْ إِكْرَاوْنْ نَسْنْ غْ تَمَرْتُ نْ لَجَلِيلْ كُلُوتْ، أَرْ إِسْوَفُوغْ لَجَنُونْ غْ مَدْنْ.

⁴⁰ يَاشْكَدْ دَارْسْ يَانْ أَنْجَدَامْ، إِحْرُورْمُوتْ إِسْجَدْ أَسْ إِنَّايسْ: «إِغْ تَرِيتْ تَرْضَارْتْ أَيْ تَسْعَوْسْتْ». ⁴¹ إِحْنُو
كِيسْ يَسُوعْ إِكْنْ أَفُوسْ نُسْ إِكْرِ أَسْ إِنَّايسْ: «هَيْ رِيخْ، غَلَادْ غُوسْ!» ⁴² غَمْكِلِي سَرْسْ إِسَأَوْلْ، لَا حَاسْ
لَجَدَامْ لَيْ يَعْسْ نِيتْ. ⁴³ يِرَنْتْ يَسُوعْ إِعْلَمْتْ يُوصُوتْ، ⁴⁴ إِنَّايسْ: «سَمُوقْلْ، هَانْ مَيَادْ أَتْ أُورْ تَتِتِتْ إِيَانْ،
وَلَائِنِي زَائِدْ مَلْ إِخْفْ نَكْ إِونْبَدَادْ تَقْكَنْ فْ أَغُوسْ نَكْ أَيْلِي فْ يُوصَانْ مُوسَى، أَيْسْنْ إِكْ مَيَانْ تُوكَّا»
وَلَائِنِي نَتَّانْ إِدَّا أَرْ إِنْكَسْ لَاخْبَارْ نُسْ غْ إِنَّا كَا إِلْكُمْ، أَيْلِيغْ سُولْ أُورْ يُوفِي يَسُوعْ أَيْكِشْ سْ كَرَا نْ تَمَرْتْ
بَلَا سْ تَتَّلَا. إِنْكْرِ أَرْنْ إِنِّي غْ بَرَّا غَلِيغْ أُورْ إِلِي يَانْ، أَرْتِتِينْ إِلْمَا سَرْسْ لَكْمَنْ مَدْنْ غْ كُرَايْكَاتْ تَسَكَّا.

إِفْرُ وِيسَ سِينٌ

^١ لِيغْ زَرِينْ يَانْ مَنْاوْ أُسَانْ، بِورِيدْ يَسُوعْ سْ تَمَرِتْ نْ كَفِرَنَاحُومْ، أَوِينْ مَدْنْ لَاخَبَارْ إِسْ إِلَا غْ تَكْمِيْ.

^٢ أَرْنْ تَمُونْ مَدْنْ أَيْلِيغْ إِعْمَرْ غِينْ إِعْمَرْ إِمِيْ نْ تَكْمِيْ لِي. إِنْكْرْ أَرَاسْنْ إِسْوَالْ فْ وَالْ نْ رَبِّي. ^٣ إِمِيكْ أَشْكَنْ دَارْسْ كَرَا نْ مَدْنْ مُونْدْ دْ يَانْ أَكْشَامْ أَسْتِنْتِيْ دِيَانْ كُوْزْ. ^٤ لِيغْ أُورْ رِضَارْنْ وِلي أَتْ سَلْكَمْنْ يَسُوعْ أَشْكُو إِكْوْتْ زَحَامْ، نَكْرْنْ كَنْدْ أَزُورْ لِنْ فْ إِكْيِي نْ غِيلِيغْ إِلَا لَمَسِيْحْ، زُوكْرِنِينْ كِيسْ أَكْشَامْ لِي غَمْكَلِي يَكْنْ غْ إِبْرِدَانْ نَسْ. ^٥ لِيغْ إِزْرَا يَسُوعْ لِيمَانْ نَسْ إِسَاوْلْ سْ أَكْشَامْ لِي يَنِيَسْ: «زَايِدْ أَيْوِي، هَانْ تَيَوْغَفَارْنْ أَكْ دَنْتُوبْ نَكْ!» ^٦ كَرَا نْ إِسْلَمَادْنْ نْ شَرْغْ لِي كَوْرِنِينْ غِينْ أَرْ سُونْكِيمْ دْ إِخْفَالْنْ نَسْ أَرْتِتِيْنْ: ^٧ «مَاخْ أَيْلِيغْ أَيْسَوَالْ غَوَادْ سْ لَجَهَالْتْ؟ مَتَا غَوَانْ إِرْضَارْنْ أَيْغَفَرْ دَنْتُوبْ أَبْلَا رِبِّي وَحَدُوتْ؟» ^٨ تَسَاعْتْ أَنْ نَيْتْ أَغْ إِسْنْ لَمَسِيْحْ سْ رُوْخْ نَسْ أَلِيَيْ سُونْكِيمْ دْ إِخْفَالْنْ نَسْ إِسْقَسَاتْ: «مَاخْ أَيْلِيغْ أَسْوُونْكِيمْ مِيَادْ دْ إِخْفَالْنْ نُونْ؟» ^٩ مَائِرْخَانْ، أَتِتِيْتْ إِوكْشَامْ: هَانْ تَيَوْغَفَارْنْ دَنْتُوبْ نَكْ، نَغْدَ أَيْسْ تَتِيْتْ: نَكْرْ تَسِيتْ إِبْرِدَانْ نَكْ دَنْتُوبْ؟ ^{١٠} وَلَائِنِي رِيخْ أَتَسَانْ إِسْ إِلَا لَادْنْ دَارْ بِوْسْ نْ أَفْكَانْ أَيْتَغَفَارْ دَنْتُوبْ غْ إِكْيِي نْ وَكَالْ». إِسَاوْلْ سْ أَكْشَامْ لِي إِنِيَسْ: ^{١١} «نَيْخْ أَكْ: أَسِي إِبْرِدَانْ نَكْ دَنْتُوبْ سْ تَكْمِيْ نَكْ!» ^{١٢} تَرِي يَانْ نَيْتْ أَيْنِكْرْ أَرْكَازْ لِي، أَرْتْ كُلُو سُموْقُولْنْ مَدْنْ أَيْلِيغْ يُوسِي بِيرِدَانْ نَسْ إِدُو. أَرْ كُلُو تَعْجَابْنْ وِلي أَرْ تَمْجَادْنْ رِبِّي أَرْتِتِيْنْ: «أَجُونْدْ نَكِيْ أَيْزِرَانْ زُونْدْ مِيَادْ!»

^{١٣} بِورِيدْ يَسُوعْ سْ تَمَا نْ أَمْدَا، أَشْكَنِينْ كُلُو دَارْسْ مَدْنْ، إِنْكْرْ أَرْتِنْ إِسْلَمَادْ. ^{١٤} لِيغْدْ إِزْرِي سَانْ إِتَّايْ لَأَوِي بِوْسْ نْ حَلْفَى إِكَلَوْرْ أَكَانْ غَلِيغْ أَيْتَامَزْ تَتَكَاسْتْ، إِلْكَمِتِينْ إِنِيَسْ: «ضَفُورِيْ!»، إِنْكْرْ نَيْتْ إِصْفُورْتْ. ^{١٥} لِيغْ إِكَلَوْرْ يَسُوعْ أَيْشَتَّا غْ تَكْمِيْ نْ لَأَوِي، ضَفُورِتِيْنْ سَرْسْ كِيَكَانْ دْ إِنْكَاسْنْ دْ وِلي فَغْنِينْ أَغَرَاسْ كَلَوْرْنْ دِيدِسْ أَرْ دِيدِسْ شَتَّانْ نَتَّانْ دْ إِمْحَضَارْنْ نَسْ. ^{١٦} لِيغْ زَرِانْ إِسْلَمَادْنْ نْ شَرْغْ دْ لَفَرِيَسِيَّنْ يَسُوعْ أَرْ إِشَتَّا دْ إِنْكَاسْنْ دْ وِلي فَغْنِينْ أَغَرَاسْ نَانْ إِيمْحَضَارْنْ نَسْ: «مَاخْ أَيْلِيغْ أَيْشَتَّا أَرْ إِسَا دْ إِنْكَاسْنْ دْ وِلي فَغْنِينْ أَغَرَاسْ؟» ^{١٧} إِسْقَلْدْ أَسْنْ يَسُوعْ إِنِيَسْ: «إِمْضَانْ أَيْحَجَانْ سْ أَضْبِيبْ أُورْدْ وِلي صَحْنِينْ، وِلي فَغْنِينْ أَغَرَاسْ؟»

^{١٨} يَانْ وَاسْ أَرْوَمْنْ إِمْحَضَارْنْ نْ يُوْحَنَا دْ لَفَرِيَسِيَّنْ أَشْكَنْ دْ سَرْسْ رَارْخْ أُورْدْ وِليتْ نَيْتْ كِينِينْ. ^{١٩} إِنْكِيغْ أَتَرْوَمْنْ إِمْحَضَارْنْ نْ يُوْحَنَا دْ وِينْ لَفَرِيَسِيَّنْ، وِينِكْ أُورْ أَتَرْوَمْنْ؟» ^{٢٠} إِواجِيدْ يَسُوعْ إِنِيَسْ: «إِسْ رِضَارْنْ أَيْتْ تَمْغَرَا أَدْ أَرْوَمْنْ إِغْ دِيدِسْنْ إِلَا أُسْلِي؟ مَاحَدْ إِلَا سُولْ دِيدِسْنْ أُسْلِي أُورْ رِضَارْنْ أَدْ أَرْوَمْنْ. وَلَائِنِي رَادْ أَشْكَنْ أُسَانْ لِيغْ رَا إِتَّيُورْقَاعْ أُسْلِي غْ كَرْتِسْنْ، غَكُودَانْ تَرُومَنِيتْ غْ أُسَانْ لِنْ: أُورْ إِلِي مَائِيْكُونْ تَبْرِدِيتْ لَجَدِيدْ فْ تَمْلِسِيتْ إِبَلَانْ، أَدْ أُورْ تَبِّي تَبْرِدِيتْ لَجَدِيدْ غْ تَمْلِسِيتْ تَقْدِيمْتْ يُوسْعُو إِلِي

أُشْرِيكْ. ²² أُورْ إِلَيْ مَايْتَكَانْ شَرَابْ لَجْدِيدْ غْ إِيْدِيْدِنْ إِقْدِيمِنْ، أَدْ أُورْ إِيْيِ شَرَابْ لَجْدِيدْ إِيْدِيْدِنْ أَنْ إِفِيْ شَرَابْ حَصْرِنْ إِيْدِيْدِنْ. وَلَا يَنِي أَغْ تَكَانْ مَدَنْ شَرَابْ لَجْدِيدْ دْ إِيْدِيْدِنْ لَجْدِيدْ!»

²³ يَانْ وَاسْ نْ سَبْتْ إِزْرِيدْ يَسُوعْ غْ كَرْ إِكْرَانْ نْ إِمْدِي، نَكْرْنْ إِمْحَضَارْنْ نَسْ لَيْغْ أَرْكِيزْنْ أَرْ تَكَسْنْ تَبِيْدِيرِينْ. ²⁴ سَاوْلَنْدْ لَفْرِيسِيْنْ سْ يَسُوعْ نَانْ أَسْ: «سَمُوقْلْ إِمْحَضَارْنْ نَكْ سَلَانْ دْ أَلِيْ يَحْرَمْنْ غْ وَاسْ نْ سَبْتْ!» ²⁵ إِنَّا يَسْنْ يَسُوعْ: «إِزْدْ أُورْ جُونْ تَغْرِيمْ أَلِيْ يَسْكُرْ دَأْوَدْ دْ إِسْمُونْ نَسْ لَيْغْنْ يَاغْ لَازْ حَتْجَانْ؟» ²⁶ لَيْغْ إِكْشْ سْ تَكْمِي نْ رَبِيْ غْ أُسَانْ نْ لَبِيَا تَارْ لِي يَكَانْ أَرِيَا سْ نْ إِنْبَادَنْ، إِشْ أَغْرُومْ إِتِّيْقَدَسْنْ لِي أُورْ إِخْلَيْنْ إِيَانْ أَبْلَا إِنْبَادَنْ وَحَدْوَتْنْ، إِفَكْ سُولْ كِيسْ إِيْسَمُونْ نَسْ». ²⁷ إِنَّا يَسْنْ إِلْمَا: «أَسْ نْ سَبْتْ إِسْكُرْتْ رَبِيْ لَوْفَكَانْ، أُورْدْ أَفْكَانْ أَيْسَكُرْ إِوَاسْ نْ سَبْتْ.» ²⁸ هَيْ يَوْسْ نْ أَفْكَانْ إِكَا حَتَّا بَابْ نْ سَبْتْ».

3

إِفْرِ وِيسْ كِرَاضْ

¹ إِكْشْ دَاخْ لَمَسِيْخْ سْ أَكْرَأْوْ لِي يَافِنْ كِيسْ يَانْ إِكُوشْ أَسْ أَفْوَسْ. ² ضُوفَنْتْ إِسْ رَاتْ إِجْجِي غْ وَاسْ نْ سَبْتْ أَسَرْسْ أَشْكَانْ. ³ إِسَاوْلْ سْ أَرْكَازْ أَنْ لِي مِ إِكُوشْ أَفْوَسْ إِنَّا يَسْ: «نَكْ تَبِيْدَتْ غْ لَكْدَامْ نْ مَدَنْ!» ⁴ إِسْقَسَاتْنْ يَسُوعْ: «مَايْحَلَانْ أَتْ إِسْكُرْ يَانْ غْ وَاسْ نْ سَبْتْ إِزْدْ أَفُوكِي نَعْ دَكَارْ؟» إِزْدْ أَتْجَنْجَمْتْ تُودْرَتْ نْ كَرَانْ يَانْ نَعْ دَأْتْ تَنْغَتْ؟» فَسَانْ كُلُو. ⁵ إِسْمُوقْلْ غْ وَلِي يَاسْ سُوتْلَنْيَنْ سْ إِرِيَنْ إِغَمَا كِيسْ لَحَالْ فْ سَبْتْ نْ تَغَارْتْ نْ وَلَأَوْنْ نَسْنْ إِنَّا يَسْنْ إِلْمَا إِوْرَكَازْ لِي: «مَدِيدْ أَفُوسْ نَكْ!» إِمْدِي يَسْتِينْ، إِجِي يَضُو إِكْ زُونْدْ أَفْوَسْ أَنْ يَضْتِينْ. ⁶ فَغَنْدْ نِيتْ لَفْرِيسِيْنْ دْ لَنْصَارْ نْ هِيرُودُسْ أَرْ فَلَاسْ تَمْشِوِيرْنْ أَتْ نَعْنْ.

⁷ إِنْكْرْ يَسُوعْ إِفْتو نَتَانْ دْ إِمْحَضَارْنْ نَسْ سْ أَمَدَا نْ لَجَلِيلْ صَفُورْنْتْ إِكْنُودَنْ نْ مَدَنْ لِيدْ أَشْكَنْيَنْ غْ تَمْزِرْتْ نْ لَجَلِيلْ دْ لَيْهُودِيَا، ⁸ دْ أُورْشَلِيمْ دْ دَأْوَمِيَا دْ وَلِيدْ أَشْكَنْيَنْ غْ أَكْمَاصْ أَنْ نْ وَسِيفْ نْ لَرْدَنْ، دْ غِلِي إِسْوُتْلَنْ إِتْمَرْتْ نْ صُورْ دْ صَيْدَا. إِكْوْتْنْ بَهْرَا مَدَنْ أَنْ أَشْكُو سَقْلَنْ فْ أَلِيْ يَسْكَارْ يَسُوعْ أَشْكَنْدْ دَارْسْ. ⁹ إِنَّا يَسْنْ يَسُوعْ إِيمْحَضَارْنْ نَسْ أَدَاسْ إِوْجَادَنْ يَاتْ تَنَّاوتْ مَرِيَنْ، أَتْ أُورْ زَاهْمَنْ مَدَنْ لِينْ مُونِينْ، ¹⁰ أَشْكُو إِكْوْتْ مَائِيجِي أَلِيْغْ أَنْ كَا سُولْ فَلَاسْ إِطَارْ كُولْ مَاعْ تَلَّا كَرَا نْ تَمْضُونْتْ أَدَاسْ إِكْرْ. ¹¹ وَلِيغْ لَانْ لَجْنُونْ غَدْ نَتِي إِغْتِينْ ثَرَانْ أَرَاسْ تَسْجَادَنْ أَرْ سَعْوِيُونْ أَرْتِينْ: «كِيْنْ أَيْكَانْ يَوْسْ نْ رَبِيْ!» ¹² وَلَا يَنِي نَتَانْ يُوْصَاتْنْ مَنَاؤْتْ تَوَالْ أَدْ أُورْ سَبَابِيَنْ إِيَانْ مَيْكَا.

¹³ إِغْلِي يَسُوعْ سْ يَانْ أُورِيرْ إِغْرْ إِوْلِي يُرَا دُونْ دَارْسْ. ¹⁴ إِسْتِيْ كِيسْنْ سِينْ دْ مَرَاوْ أَدِيدْسْ إِلِينْ أَتَنْ إِتَازْنْ أَدْ تَبِسَارْنْ، ¹⁵ إِفَكْ أَسْنْ لَادَنْ مَاسْ طَيْنْ لَجْنُونْ جِيْنْ إِمْضَانْ. ¹⁶ كَنْ سِينْ دْ مَرَاوْ أَدْ: سِمعَانْ لِي مِ إِكَا سْ إِسْمْ بُطْرُسْ، ¹⁷ دْ يَعْقُوبْ دْ كَمَاسْ يُوْحَنَّا لِي كَنِينْ تَرْوَا نْ زَبَدِي إِكْ أَسْنْ سْ إِسْمْ بُوْأَنَارْجِسْ، إِكْ لَمْعَنَا نَسْ تَرْوَا نْ إِكِيْكْ، ¹⁸ دْ أَنْدَرَاوُسْ، دْ فِيلِيْسْ، دْ بَرِثُولَمَاءُسْ، دْ مَتَى، دْ تُومَا، دْ يَعْقُوبْ يَوْسْ نْ

حَفْيٌ، دَ تَدَاوُسْ، دَ سِمْعَانْ بُوسِيْعُرْ، ¹⁹ دَ إِلْمَا يَهُوْذَا لِسْخَرِيُّوتْ لِي سُولْ إِزْنَازْ لَمْسِيْحْ. أَشْكَنْدْ إِلْمَا سْ تَكْمِيْ.

²⁰ ثَمُونْدْ دَأْخْ فَلَاسْ نُوكْتَنْ مَدْنَ أَيْلِيْغْ أَسْ أُورْ سَكْرُنْ نَثَانْ دَ إِمْحَضَارْنْ نَسْ حَتَّا مَنْكْ شَتَّانْ. ²¹ لَيْغْ سَفْلَدْنْ أَيْدَارْسْ فَمِيَانْ أَشْكَنْدْ أَتْ أَمْرَنْ أَشْكُو نَانْ: «غُواْدْ، إِسْ إِفْغْ إِخْفْ نَسْ». ²² أَمَّا إِسْلَمَادْنْ نْ شَرْغْ لِيدْ كُوْزِنِينْ غْ أُورْشَلِيمْ أَرْتِتِينْ: «هَانْ أَدِيدْسْ إِلَانْ دَ بَعْلَزَبُولْ! أَرِيَاسْ نْ لَجْنُونْ أَسْ إِطَايْ لَجْنُونْ». ²³ إِغْرْ أَسْنْ إِلْمَا يَسْوَعْ إِسَاؤْلْ سَرْسْنْ سْ لَمْعَنَا إِنَّا يِسْنْ: «مَمْنَكْ أَسْ إِرْضَارْ لَجْنْ أَيْطَايْ وَيَاضْ؟ ²⁴ إِغْ تَبْضَا كَرَانْ تَكْلِيدِيتْ فَإِخْفْ نَسْ أُورَرَا سُولْ تَغْمَا، ²⁵ إِغْ تَبْضَا كَرَانْ تَكْمِيْ فَإِخْفْ نَسْ أُورْ تَرْضَارْ أَتِيدِيدْ. ²⁶ إِغْ إِمَاعْ إِيلِيسْ دَ إِخْفْ نَسْ إِيْصُو أُورْ إِرْضَارْ أَيْغَما، إِسْ رَاتْ لَاحْ. ²⁷ أُورْ إِرْضَارْ يَانْ أَيْكَشْمْ أَيَّاكْرْ لَيْلِي يَلَانْ غْ تَكْمِيْ نْ كَرَانْ يَانْ إِدُوسْنْ إِغْ زَوَارْ أُورْ إِكْرَفْ بَابْ نْ تَكْمِيْ يَانْ لَيْ إِدُوسْنْ، فَادْ إِلْمَا أَيَّاكْرْ تَكْمِيْ نَسْ. ²⁸ لَحَقْ أَدَأْوَنْ تَتِيخْ: تَتُوبْ دَ وَوَالْ نْ لَجْهَالْتْ رَادْ تَيُوْغَفَارْنْ إِمْدَنْ. ²⁹ وَلَائِنْيَيْ ولَيْ إِرْكَمَنْ رُوحْ لَقْدُسْ أُورْ سَارْ دَارْسْ إِلَيْ لَغْفَارَانْ، إِسْ رَأْ فَلَاسْ إِتُوتْ لَحُوكْمْ أَشْكُو لَمْعَصِيتْ نَسْ تَگَا تِينْ وَبَدَانْ». ³⁰ أَوَالْ أَدْ أَسَاسْنْ إِوَاجْبْ أَشْكُو أَرْتِتِينْ: «إِلَا دِيدْسْ لَجْنْ!»

³¹ يَانْ إِمِيكْ تَاشْكَدْ دَارْسْ مَاسْ دَ أَيْتَمَاسْ بَدِنِينْ غْ بَرَانْ تَكْمِيْ لَيْ أَزْنْ سَرْسْ مَادْ أَسْدْ يَقَرَانْ. ³² يَسْوَعْ نَثَانْ إِكَلَورْ نِيتْ سُوتْلَنْ أَسْ مَدْنَ لَيْنْ مُونِينْ، سَاسْ نَانْ: «هَانْ مَاكْ دَ أَيْتَمَاكْ غْ بَرَانْ أَرْ سَرْكْ سَكِيلْنْ». ³³ إِوَاجْبْ أَسْنَدْ: «مَيِّكَانْ إِمَّيْ دَ أَيْتَمَا؟» ³⁴ إِسْمُوقْلْ غْ وَلَيْ كَوْزِنِينْ سُوتْلَنْ أَسْ إِنَّا يِسْنْ: «غُويْدْ أَيِّكَانْ إِمَّيْ دَ أَيْتَمَا! ³⁵ أَشْكُو وَنَا إِسْكَارْنْ سْ أَيْلِي إِرَارْبِيْ أَيِّكَانْ كَمَا دَ أُولَنْمَا دَ إِمَّيْ».

4

إِفْرْ وِيسْ كُوْزْ

¹ بِوْرِيدْ يَسْوَعْ أَرْ دَأْخْ إِسْلَمَادْ مَدْنَ غْ تَمَانْ أَمْدَا، أَرْدْ دَارْسْ تَمُونْ مَدْنَ، أَيْلِيْغْ كَا سُولْ إِغْلِي سْ أُغْرِبُو إِكَلَورْ كَيِسْ غْ إِكْيَيْ نْ وَامَانْ، كَلَورْنْ إِلْمَا مَدْنَ كُلُوتْنْ سْ وَكَالْ غْ تَمَانْ أَمْدَا.

² إِنْكَرْ أَرَاسْنْ إِمَالْ كَيِّكَانْ تَغْوُسِيْنْ سْ لَمْعَنَا. إِنَّا يِسْنْ غْ الْمُودْ نَسْ: ³ «سَقْلَدَاتْ! يَانْ وَاسْ إِفْغَدْ يَانْ أَمْكَرَازْ أَيْلُوحْ أَمُودْ. ⁴ لَيْغْ أَيْلُلُوحْ أَمُودْ، إِضْرْ كَرَا كَيِسْ غْ أَغْرَاسْ، أَشْكَنْدْ إِكْضَاصْ نْ إِكْنَوَانْ كَرْنَتْ. ⁵ إِضْرْ كَرَا كَيِسْ غْ كَرْ إِزْرَانْ لَيْغْ إِدْرُوسْ وَكَالْ، إِمْغِيدْ سْ يَانْ ضُورْ، أَشْكُو أُورْتْ إِدْلْ وَكَالْ إِكْوَنْ. ⁶ مَشْ لَيْغْ تَرْغَا تَقْوَكْتْ إِجْدَرْ، سْ لَيْغْ أُورْ إِطَافْ أَزُورْ يَغَارْ. ⁷ إِضْرْ كَرَا كَيِسْ غْ كَرْ إِسْنَانْ، غَلِينْدْ إِسْنَانْ لَيْ سَخْسِينْتْ، أُورْ سُولْ إِفْكِي لَغَلتْ. ⁸ إِضْرْ وَيَاضْ غْ وَكَالْ إِفُولْكِينْ، إِمْغِيدْ يَمْغُورْ إِفَكْ لَغَلتْ، إِفَكْ يَانْ عَشْرِينْ دَ مَرَاوْ نْ أَحْبُوبْ، وَيَاضْ إِفَكَا كَرَاصْ إِدَ عَشْرِينْ، وَيَاضْ مِيَّا». ⁹ إِنَّا يِسْنْ إِلْمَا: «وَنَا دَارْ إِمْكَانْ مَاسْ إِسْقَلِيدْ أَرْ إِسْقَلِيدْ».

لِيغْ إِكَّا يَسُوعْ وَحْدُوتْ، سَقْسَانْتْ إِمْحَضَارْنْ نَسْ لَيْ كَنِينْ سِينْ دْ مَرَاوْ نُتْتِي دْ وَلَيْ يَاسْ سُوْنَتِنِينْ فْ مَاسْ رَاتْ يِنِي سْ لَمْعَنَا أَنْ، ¹¹ إِنَّا يِسْنْ: «كَنِي إِنْكَالِيُونْ أَتَسَانْ سَرْنْ تَكْلِيدِتْ نْ رَبِّي. وَلَائِنِي أَيْتْ بِرَا كَرِيَكَاتْ تَغُوسَا أَرَاسْ سَفْلِيَنْ سْ لَمْعَنَا. ¹² مَقَارْ أَكَا تَتَأَيْنْ أُورْ أَزْرَانْ، مَقَارْ أَكَا سَفْلِيَنْ أُورْ أَنْفَهَامْنْ، فَادْ أُورْ أَصْنُونْ تَيَوْغَفَارْنْ أَسْنْ دَنْوَبْ نَسْنْ». ¹³ إِنَّا يِسْنْ: «إِزْدْ أُورْ تَفَهَّمْ لَمْعَنَا أَدْ؟ مَمْنَكْ زَا أَسْ رَأْ سُولْ تَفَهَّمْ كَرَا نْ لَمْعَنَا يَضْنِينْ؟ ¹⁴ أَمْكَرازْ إِكَّا زُونْدْ وَلَيْ يَسْكُفُوسْنْ أَوَالْ نْ رَبِّي. ¹⁵ كَرَا غْ مَدْنْ زُونْدْ أَمْوَدْ لَيْ يَضْرِنْ غْ أَغْرَاسْ، مَكْنَا سَفْلِيَنْ إِوَالْ نْ رَبِّي سَدْ يُوشْكَا إِلْلِيسْ إِكْسْ أَوَالْ أَنْ لَيْ يَضْرِنْ غْ أَوْلَوْنْ نَسْنْ. ¹⁶ كَرَا نْ مَدْنْ زُونْدْ أَمْوَدْ لَيْ يَضْرِنْ غَلِيغْ إِلَا أَمْحَجْرْ، مَكْنَا سَفْلِيَنْ إِوَالْ نْ رَبِّي قَبْلَنْتْ نِيتْ سْ لَفْرَخْ، وَلَائِنِي أُورْ دَارْسْنْ أَزْورْ غْ إِخْفْ نَسْنْ، إِسْ أَكَا تَكَانْ يَانْ إِمِيكْ إِغْدْ تُوشْكَا كَرَا نْ تَسَاسْتْ نَغْدَ كَرَا نْ تَرْقُوفَنْتْ فْ سَبَّتْ نْ وَالْ نْ رَبِّي ضَرْنْ نِيتْ غْ تَزِي يَانْ. ¹⁸ كَرَا غْ مَدْنْ زُونْدْ أَمْوَدْ لَيْ يَتِكْرُزْنْ غْ كَرْ إِسْنَانْ أَرْ سَفْلِيَنْ إِوَالْ نْ رَبِّي، ¹⁹ وَلَائِنِي لَهْمُومْ نْ دُونِيتْ دْ لَغْرُورْ نْ لَمَالْ دْ شَهَوَاتْ نْ كَرِيَكَاتْ تَغُوسَا أَرْ كَشْمَنْ سْ أُوكَنْسْ نَسْنْ سَخْسِينْ أَوَالْ نْ رَبِّي أُورْ سُولْ أَيْكَا لَغْلَتْ. ²⁰ كَرَا غْ مَدْنْ زُونْدْ أَمْوَدْ إِنْكَرُزْنْ غْ وَكَالْ إِفُولْكِينْ، أَرْ سَفْلِيَنْ إِوَالْ نْ رَبِّي قَبْلَنْتْ أَرْ أَكَانْ لَغْلَتْ: كَرَا كَيْسْنْ إِفَكَا عَشْرِينْ دْ مَرَاوْنْ أَحْبُوبْ، كَرَا كُرَاصْ إِدْ عَشْرِينْ، وَيَاضْ مِيَّا».

²¹ إِنَّا يِسْنْ: «إِسْ إِلَا مَادْ إِتَوْيِنْ لَفْنَدِيلْ إِحْضُوتْ غْ دُو لَعْبَرْتْ نَغْدَ غْ دُو سَرِيرْ؟ مَاخْ أُورْدَ مَنِي يَتُوينْ أَفَاتْ إِسْرُوسْ أَيِّسَقاوْ؟ ²² أَشْكُو كُولْ مَانْ إِنْتَلْ رَادْ سُولْ إِيَابِينْ، كُولْ مَانْ إِحْضَانْ رَأْ سُولْ إِتِيوْسَانْ. ²³ وَنَا دَارْ إِمْرَكَانْ مَاسْ إِسْفَلِيدْ أَرْ إِسْفَلِيدْ!»

²⁴ إِنَّا يِسْنْ: «رَرَاتْ لَعْقَلْ سْ أَيْلِي مْ تَسْقَلِيدْ! هَانْ لَعْبَارْ لَيْ سْ أَتَعْبَارْمْ أَسْ رَأْيُونْ إِتِيوْعَبَارْ يَقْوِيَأْوَنْ سُولْ أَغْوِيدْ سَفْلِيَنْ. ²⁵ أَشْكُو وَنَا دَارْ كَرَا رَأْيَسْ إِقْكَ أَكَارْ. وَنَا دَارْ أُورْ يَاتْ، أَيْلِي نِيتْ دَارْسْ أَرْأِيسْ إِتِيوْكَاسْ».

²⁶ إِنَّا يِسْنْ: «تَكْلِيدِتْ نْ رَبِّي تُكَانْ زُونْدْ إِغْ إِلْوَحْ يَانْ أَمْوَدْ غْ وَكَالْ نَسْ. ²⁷ أَرْ إِكَانْ ضَنِيَضْ إِنْكَرْدْ أَزَالْ، أَمْوَدْ لَيْ أَرْدْ أَكَانْ إِتَمْغَايْ أَرْ إِتَمْغُورْ، نَنَانْ أُورْ أَكَ إِسْنْ سْ مَمْنَكْ. ²⁸ أَشْكُو أَكَالْ إِخْفْ نَسْ أَغْ يَكَا لَغْلَاتْ، أَرْدْ إِسْمَعَايْ أَكْلَاسْ إِكْ إِمِيكْ سْ إِصِي تَيَدِرْتْ، إِكْ كَرَا سْ تَصْلَحْ تَيَدِرْتْ لَيْ تَعْمَرْ سْ إِرَدْنْ. ²⁹ إِغْ تَنْوَا لَغْلَتْ يَازْنْ مَاتْ إِمْكَرْنْ أَشْكُو تَلْكُمْ تَمْكَرَا».

³⁰ إِسَاوَلْ دَاخْ إِنَّا يِسْنْ: «مَاتِرَوَاسْ تَكْلِيدِتْ نْ رَبِّي؟ نَغْدَ مَانْ لَمْعَنَا أَسْ رَاسْتْ نَمَثْ؟ ³¹ تُكَانْ زُونْدْ أَحْبُوبْ نْ كَرِكَازْ إِغْتْ نَلُوحْ غْ وَكَالْ، نَنَانْ أَكَلُو إِمْرَيْنْ غْ وَمُودْ لَيْ يَلَانْ غْ إِكِي نْ وَكَالْ، ³² وَلَائِنِي كُونَنَاتْ نَلُوحْ إِمْغِيدْ أَرْ كُلُو إِنَّا كَرْ تُرْزُوتِينْ، إِسْكُرْ إِسْكِيَضْنْ مَقْوَرْتِينْ أَرْدْ أَسْكَارْنْ إِكْضَاصْ إِكْدَفَانْ غْ أَمْلُو نَسْ». ³³ أَرْ سَرْسَنْ إِسَوَالْ يَسُوعْ سْ تُوكْتْ نْ إِدْ لَمْعَنَا زُونْدْ غَوِيدْ سْ غُونْشِكْ لَيْ مِرْضَارْنْ أَسَرْسْ

فَهُمْنَ. ذُ أُورْ أَسْرِسْنْ إِسَوَالْ أَبْلَا سْ لَمْعَنْ. إِغْ إِلْمَا إِكَا وَحْدُوتْ نَتَانْ ذِ إِمْحَضَارْنْ نَسْ أَرَسْنْ إِنْفَسَارْ كُرِيْغَاتْ تَغَوْسَا. ³⁴

³⁵ لَيْغْ ثَلْكُمْ ثَدَكَاتْ نِ وَاسْ أَنْ، إِنَّا يِسْنْ إِيمْحَضَارْنْ نَسْ: «رِزْكَرْاتْ أَخْ سْ أَكْمَاضْ أَنْ نِ أَمْدَا». ³⁶ صَافْدُنْ مَدْنْ لِيْنْ مُونِينْ مُونْ ذِ يَسُوعْ نَتَانْ إِلَّا نِيتْ غْ أَغْرِبُو. مُونَتْ دِيدَسْنْ كَرَا نِ تَنَاوِينْ يَصْنِينْ. ³⁷ إِمِيكْ تَلِيدْ كَرَا نِ تَسْهَجَائِتْ نِ وَضُو بَهْرَا إِخْشِنْ، أَرْ كَنْتَنْ تَضَنْكُوينْ أَغْرِبُو لِي أَيْلِيْغْ عَلَيْنْ أَيْتَكُورْ سْ وَمَانْ. ³⁸ يَسُوعْ نَتَانْ إِكْنْ أَكَانْ فِ يَاتْ تُوصَاتْ غْ تَغْرِصِينْ نِ أَغْرِبُو. فَتُونْ سَنْكَرْنِتِيدْ نَانْ أَسْ: «أَسِيدِي، إِزْدْ أُورْتَ أَكْ گِينْخْ تَوِيتْ أَرْ نِيتْ نَتَنَاتْ؟» ³⁹ إِنْكْرِ يَكِيدْ فِ وَضُو إِسَاوْلْ سْ وَمَانْ نِ أَمْدَا لِي بِنَيَسْنْ: «هَدَابِتْ نَقْسَامْ!» إِبْيَنْ إِلْمَا وَضُو تَبِي لَحْسَ. ⁴⁰ إِسَاوْلْ سْ إِمْحَضَارْنْ نَسْ إِنَّا يِسْنْ: «مَاخْ أَيْلِيْغْ تَكْسُوضْمْ سْ غُمْكَادْ؟ إِسْ نِيتْ سُولْ كِيُونْ إِلَّا لِيمَانْ؟» ⁴¹ كُشْمَنْتَنْ إِلْمَا تَكْصَاضْ گُوتِينْ أَرْ سَقْسَانْ إِنْكُرَاتِسْنْ: «مَيْكَا غُوَادْ؟ حَتَّا لَمَانْ نِ أَمْدَا أَلَا أَضُو أَرْ سَرْسْنْ سَقْلِيدِنْ!»

5

إِفْرُ وِيسْ سَمُوسْ

¹ رِزْكُنْ سْ أَكْمَاضْ أَنْ نِ أَمْدَا سْ تَمَرِرتْ نِ لَجَرِيَنْ. ² مُكْلِيدْ إِكْرِ يَسُوعْ غْ أَغْرِبُو، إِلْمُقُورْتِينْ يَانْ أَرْكَازْ غْ إِلَّا لَجْنْ إِفْغَدْ غْ لَقْبُورْ. ³ إِكتِينْ إِزْدْغْ أَكْ غِينْ، أُورْ إِزْضَارْ يَانْ أَتْ إِكْرَفْ مَقَارِدْ سْ إِسْكَرَافْ نِ وَرَّالْ. ⁴ أَشْكُو إِنْكَرْفْ يَادْ مَنَاؤْتْ تَوَالْ سْ لَكِيدْ ذِ إِسْكَرَافْ نِ وَرَّالْ، إِبِي إِسْكَرَافْ لِي إِزْزْ لَكِيدْ، أُورْ إِزْضَارْ يَانْ أَكِيسْ إِحْكَمْ. ⁵ إِكتِينْ أَرْ بَدَا إِتْلِي غْ لَقْبُورْ ذِ إِدْرَارْنْ ضَيْيِضْ دِ أَزَالْ، أَرْ إِسْغُويُو أَرْ إِتَالْكَسْ إِخْفْ نَسْ سْ إِزْرَانْ. ⁶ لَيْغُنْ إِزْرَا يَسُوعْ غْ تُكُوْكْتْ، يَازْلْ دَارْسْ إِسْجَدْ أَسْ، ⁷ إِصْعِيْضْ سْ كَرَا دَارْسْ إِلَانْ إِنَّا يِسْنْ: «مَايَلَانْ غْ كِري دِيدَكْ أَيْسُوعْ بِوْسْ نِ رَبِّي أَمْتَوي؟ گِيخْ سَرْكْ رَبِّي، أَدِي أُورْ تَسْرُفوْفَنْتْ!» ⁸ أَشْكُو إِنَّا يِسْنْ يَسُوعْ: «فَغْ لَجْنْ غْ أَرْكَازْ نَا!» ⁹ إِسْقَسَاتْ إِلْمَا يَسُوعْ إِنَّا يِسْنْ: «مَايَسْمْ نَكْ؟» إِنَّا يِسْنْ: «إِسْمْ إِنُو لَحْرُكْتْ، أَشْكُو نَكُوْتْ». ¹⁰ إِحُورْمُوتْ لَجْنْ لِي مَنَاؤْتْ تَوَالْ أَتَنْ أُورْ إِسْوُفْغْ سْ بَرَانْ تَمَرِرتْ أَنْ. ¹¹ تِلِي يَاتْ تَوَلَا إِكُوتِنْ نِ لَحْلَافْ تَكْسَا أَكَانْ غْ تَمَا نِ ادْرَارْ. ¹² ضَالِيلْ كُلُو لَجْنُونْ لِي يَسُوعْ نَانْ أَسْ: «أَزْنَاخْ سْ لَحْلَافْ أَنْ أَتَنْ نَكْشِمْ». ¹³ إِفَكْ أَسْنْ نِيتْ لَادْنْ. فَغْنَدْ لَجْنُونْ غْ أَرْكَازْ لِي كَشْمَنْ سْ لَحْلَافْ، أَرْدْ إِلْمَا تَرِيلْ تَوَلَا لِي نِ لَحْلَافْ غَمْنْ أَفَا نِ اكْسَارْ أَرْ أَمْدَا تَخْسِي كُلُو غْ وَمَانْ. گَنْ لَحْلَافْ أَنْ كَرَا نِ سِينْ وَلْفِيُونْ. ¹⁴ إِمْكَسَاوْنْ نِ لَحْلَافْ لِي نَتَنِي دَانْ سَفْكَنْ كُلُو لَأَخْبَارْ إِلْمَوْضِيْعْ أَلَا لَمَدَائِنْ، فَغْنَدْ مَدْنْ أَذْ ژِرْنْ مَايْجَرَانْ. ¹⁵ أَشْكَنْدْ سْ دَارْ يَسُوعْ أَرْ تَنَائِنْ أَرْكَازْ لَيْغْ تِينْ كَانْ لَجْنُونْ إِكَاوْرْ أَكَانْ غِينْ إِلسْ تَمَلِسِيتْ نِسْ يِلِي دِ إِخْفْ نَسْ. إِكْصَاصِنْ إِلْمَا وِلي. ¹⁶ مُلْنْ أَسْنْ وِلي حَصْرِنِينْ أَيْلِي يَجْرَانْ إِوْمَجْنُونْ أَنْ ذِ لَحْلَافْ لِي. ¹⁷ نَكْرُنْ أَرْ تَضَالِيلْ يَسُوعْ أَيْقَغْ تَمَرِرتْ نَسْنْ. ¹⁸ لَيْغْ إِرَا يَسُوعْ أَيْغُلِي سْ أَغْرِبُو، إِصَالِبْتْ وَلَيْغْ تِينْ

كَانْ لِجُنُونْ أَدِيْسْ إِمُونْ، ¹⁹ مِشْ أُورْتْ يُو جِي يَسُوعْ، إِنَّا يِسْ: «زَايْدْ سْ تَكْمِي نُكْ دَارْ أَيْدَارْكْ، تَمْلَتْ أَسْنْ أَيْلِي يَاكْ كُلو إِسْكَرْ رَبِّي دْ مَمْنُكْ أَسْ كِيكْ إِحْنَا». ²⁰ إِلُو أَرْكَازْ لِي أَرْ إِنْكَسْ لَا خَبَارْ سْ غْ مَرَاوْتْ لَمْدَائِنْ فَأَيْلِي يَاسْ كُلو إِسْكَرْ يَسُوعْ. أَرْ كُلو تَعْجَابْ مَدْنَ.

²¹ لَيْغْ دَاخْ إِزْكَرْ يَسُوعْ سْ أَكْمَاصْ أَنْ، تَمُونْ دَارْسْ تُوكْتَنْ مَدْنَ لَيْغْ إِلَا غْ تَما نْ أَمْدَا. ²² إِمِيكْ هَادْ يَانْ غْ إِرْيَاسْنْ نْ أَكْرَاوْ إِسْمْ نِسْ يَايرْسْ يُوشْكَادْ. لَيْغْ إِزْرَا يَسُوعْ إِسْجَدْ غْ تَما نْ إِصَارَنْ نِسْ، ²³ إِحْوَرْمُوتْ إِنَّا يِسْ: «إِلِي لِي مَرِينْ عَلَيْنِ أَتَمْتْ. لَهُورْمَانْكْ رُواحْ أَفَلَاسْ تُسْرَسْتْ أَفُوسْ نُكْ، أَتْجِي تَدَرْ!» ²⁴ إِمُونْ دِيدْسْ يَسُوعْ ضَقْوَرْنَتْ كِيكَانْ دْ مَدْنَ سَكْرَنْ فَلَاسْ زَحَامْ.

²⁵ تَلِي غِينْ يَاكْ تَمْغَرْتْ أَرْدْ كِيسْ تَقِينْ إِدَامَنْ كَرَا نْ سِينْ دْ مَرَاوْنْ أَسْكَاسْ، ²⁶ سَرْفُوفَنْتْ إِضْبِيْنْ، تَفْكْ أَسْنْ كُلو مَادَارْسْ إِلَانْ سُولْ أُورْ تَجِي، إِسْوُلْ تَرُويْدْ. ²⁷ لَيْغَدْ تَوِي لَا خَبَارْ نْ يَسُوعْ، تَشْكَدْ تَكَاسْنْ تِغْرِصِيْنْ غْ كَرْ زَحَامْ تَكَرْ إِتَمْلِسِيْتْ نِسْ، ²⁸ أَشْكُو تَتَّا دِإِخْفْ نِسْ: «إِغْ كَا كَرْخْ مَقَارِدْ إِتَمْلِسِيْتْ نِسْ رَادْ جِيْخْ». ²⁹ تَسَاعْتْ أَنْ نِيتْ أَغْنَ كِيسْ بَيْنْ إِدَامَنْ، تَفَاقْ إِيْخْفْ نِسْ إِسْ تَجِي غْ وَطَانْ. ³⁰ غَكُودَانْ أَنْ إِكْلَبْ يَسُوعْ إِسْمُوقْلْ غْ مَدْنَ أَشْكُو إِفَاقْ إِسْنَ كِيسْ إِفُوغْ كَرَا نْ لَجْهَدْ، إِسْقَسَانْ إِنَّا يِسْ: «مَايِكَرْنْ إِتَمْلِسَا نُو؟» ³¹ نَانْ أَسْ إِمْحَضَارْنْ نِسْ: «أَرْ نِيتْ تَنَاهِيْتْ مَدْنَ سَكْرَنْ فَلَاكْ زَحَامْ أَرْ سُولْ تَنَاهِيْتْ: مَايِيْ يِكَرْنْ؟» ³² وَلَائِنِي نَتَانْ أَرْ أَكَانْ إِسْمُوقْلْ غْ كَرْ مَدْنَ أَيْزْرْ تَلِي يَسْكَرْنْ مَيَانْ. ³³ تَمْغَرْتْ لِي تَكْصُوضْ إِلَمَا أَرْ تَرْكِيْكِيْ تَاشْكَدْ دَارْسْ، أَشْكُو تَسَنْ مَادَاسْ إِجْرَانْ، تَسْجَدْ أَسْ تَمْلَ أَسْ كُلو أَيْلِي يَاسْ إِجْرَانْ غَمْكَلِي يِكَانْ. ³⁴ إِنَّا يِسْ: «زَايْدْ أَيْلِي هَانْ لِيمَانْ نِمْ أَكْمْ إِجْجِيْنْ. زَايْدْ أَدِيْدَمْ تَمُونْ سَلَامَتْ تَجِيْتْ غْ وَطَانْ نِمْ.»

³⁵ أَرْ نِيتْ سُولْ إِسْوَالْ سْ هَادْ كَرَا نْ مَدْنَ أَشْكَانْدْ غْ تَكْمِي نْ أَرِيَاسْ نْ أَكْرَاوْ نَانْ أَسْ: «هَانْ إِلِيكْ تَمُوتْ، أَدَاكْ سُولْ أُورْ تَسْيِحَلْتْ أَسْلَمَادْ». ³⁶ أَيْلِيغْ إِسْقَلْدْ يَسُوعْ إِوَوَالْ أَنْ، إِنَّا يِسْ إِورِيَاسْ نْ أَكْرَاوْ: «أَدْ أُورْ تَكْصَاطْ! أَمْنَ كَا كِيْ». ³⁷ وَلَائِنِي أُورْ يُو جِي يَسُوعْ حَتَّا يَانْ أَدِيْسْ إِمُونْ أَبْلَا بُطْرُسْ دْ يَعْقُوبْ دْ يُو حَّا كَمَاسْ نْ يَعْقُوبْ. ³⁸ لَيْغَدْ إِلْكَمْ تَكْمِي نْ أَرِيَاسْ نْ أَكْرَاوْ، يَافِدْ مَدْنَ سَنْكَرْنْ صَضَاعْ أَرْ أَلَانْ أَرْ تَكَسْنْ تَعْوِيْتِيْنْ. ³⁹ إِكْشِمَنْ إِنَّا يِسْ: «مَاخْ أَثَلَامْ شَنْكَرْمْ صَضَاعْ؟ هَانْ تَحْشِمِيْتْ أُورْ تَمُوتْ، إِسْ كَا ثَكَنْ!» ⁴⁰ أَرْكِيسْ ضَصَانْ. إِنْكَرْ نَتَانْ إِسْوَفَغْدْ كُلو مَدْنَ، إِمُونْ دْ بَابَاسْ دْ إِنَّا سْ تَحْشِمِيْتْ أَنْ دْ وَلِيدْ إِمُونْ إِكْشِمْ سْ غَلِيْغْ تَكَنْ تَحْشِمِيْتْ لِي. ⁴¹ يَامِرْدْ تَحْشِمِيْتْ لِي غْ أَفُوسْ إِنَّا يِسْ: «طَلَيْثَا، قُومِيْ!» إِگْ لَمْعَنَا نِسْ: وَأَ تَحْشِمِيْتْ نِيْخْ أَمْ: نِكَرْ! ⁴² تَرِي يَاكْ أَتَكَرْ تَحْشِمِيْتْ لِي أَرْ تَرْكِيْكِيْزْ. نَتَاتْ لَانْ دَارْسْ سِينْ دْ مَرَاوْ نْ أَسْكَاسْ. أَرْ كَا سُولْ تَعْجَابْ وَلِي. ⁴³ أَرْتَنْ إِتَوْصُو يَسُوعْ أَتْ أُورْ إِنِينْ إِيَانْ، إِنَّا يِسْ إِلَمَا أَيْسْ فَكْنْ مَاتَشَّتا.

إِفْرُ وِيسَ سُضِيصَ

^١ إِفْغَدْ يِسُوعْ غِينِ إِلُو سْ تَمَرِرْتُ نِسْ ضَقُورُنْتُ إِمْحَضَارْنِ نِسْ. ^٢ أَسَّ نْ سَبَّتْ إِلُو سْ أَكْرَاوْ أَرْكِيسْ إِسْلَمَادْ. لَيْغَ أَسْ سَقْلَنْ كِيَگَانْ دْ مَدْنْ أَرْ تَعْجَابْنْ غْ وَوَالْ نِسْ أَرْتِتِينْ: «مَنِيدْ إِكَا مَيَادْ سْ غُوَادْ؟ مَتَّا لَحْكَمَا دَأْ أَسْ إِتَّفَكَانْ أَيْلِيغْ أَيْسُكَارْ لَمُعْجَزَاتْ أَدْ؟ ^٣ إِزْدْ أُورْدْ أَنْجَارْ لِي أَيَادْ، بِوْسْ نْ مَرِيمْ دْ گُمَاسْ نْ يَعْقُوبْ دْ يُوسِي دْ يَهُوَذَا دْ سَمْعَانْ؟ إِزْدْ أُورْدْ إِسْتَمَاسْ أَيَادْ دَارْتُخْ إِلَانْ غِيدْ؟» إِسْتَكَرَاتْنْ مَيَادْ دْ أَسَرْسْ أَمْنَ. ^٤ إِنَّا يِسِنْ يِسُوعْ: «أُورْ جُونْ إِرْمَزِيْ كُرَا نْ نِبِي أَبْلَا أَيْتْ تَمَرِرْتُ نِسْ دْ أَيْدَارْسْ دْ أَيْتْ تَكْمِي نِسْ». ^٥ أُورْ إِرْضَارْ أَسُولْ إِسْكُرْ حَتَّا يَاتْ لَمُعْجَزَا غِينِ، أَبْلَا إِسْ كَا إِسَرْسْ أَفْوَسْ نِسْ فْ يَانْ مَنَاؤْ إِمْضَانْ إِجْجِينْ. ^٦ أَرْ إِتَّعَجَابْ غْ مَدْنْ أَنْ أَشْكُو أَكِينْ أَسَرْسْ أَمْنَ. إِلُو إِفْكْ إِلَمَوَضِيعَ أَنْ لِي سُوتَلِنِينْ إِغِينْ أَرْ إِسْلَمَادْ.

^٧ إِغْرِدْ إِلَمَا إِسِينْ دْ مَرَاوْ نْ أَمْحَضَارْ لِي، إِنْكَرْ أَرْتِنْ إِصْفِيصَنْ سِينْ سِينْ، إِفْكْ أَسْنْ لَجْهَدْ أَدْ طَائِنْ لَجْنُونْ. ^٨ يُوصُوتْنْ أَدْ أُورْ أَسِينْ حَتَّا كُرَا نْ تَعْوَسَا إِوْغَرَاسْ أَبْلَا يَانْ أَكُورَايْ، دْ أَدْ أُورْ أَسِينْ تَوْلَكْتْ أَلَا أَغْرُومْ، أَلَا أَسِينْ دِيدَسْ إِقْرِيصْنْ غْ إِقْرَبَانْ نِسْنْ. ^٩ لَسْنْ تُورْزِيِينْ، مِشْ أَدْ أُورْ لَسْنْ أَكَارْ نْ يَاتْ تَمَلِسِيتْ. ^{١٠} إِنَّا يِسِنْ: «إِغْ تَكْشِمْ سْ كُرَا نْ تَكْمِي، تَلِيمْ گِيسْ أَرْكِيغْ نَقْغُمْ غِينْ». ^{١١} إِنَّا غَكْنْ أُورْ قَبْلَنْ أَلَا سَقْلَنْ گِيسْ إِيْوَلِيُونْ نُونْ، تَقْعِمْدْ گِيسْ تَسُوسْمْ أَكْضَرُورْنْ دُو إِصَارَنْ نُونْ أَفَلَاسْنْ إِكْ مَيَانْ تُوكَأ. لَحَقْ أَدَأْوَنْ تَتِيخْ رَا سُولْ يِفَسَاسْ لَعَقَابْ نْ تَمَرِرْتُ نْ سَدُومْ دْ عَمُورَا غْ وَاسْ إِكْرَانْ فْ وَيِنْ تَمَرِرْتُ نَا!» ^{١٢} فَعَنْدْ إِمْحَضَارْنْ لِي أَرْ تَبَشَّارْنْ مَدْنْ أَدْ وُورِيِنْ سْ أَغَرَاسْ نْ رَبِّي. ^{١٣} سُوفَغْنْ كِيَگَانْ دْ لَجْنُونْ غْ مَدْنْ، ژَغْرَنْ كِيَگَانْ نْ إِمْضَانْ سْ زَيْتْ جِيَنْتِنْ.

^{١٤} إِسْقَلْدْ هِيرُودُسْ فْ يِسُوعْ، أَشْكُو إِنْتِيُوسَانْ إِلَمَا بَهْرَا إِسْمْ نِسْ. كُرَا أَرْ إِتِي: «يُوْحَنَا لَمَعْدَانْ أَيَانْدْ إِنْكَرْنْ غْ كَرْ وِلِي مُوتِتِينْ، غَانْ أَفْ إِسْكَارْ لَمُعْجَزَاتْ». ^{١٥} وِيَاضْ أَرْتِتِينْ: «نِبِي إِيلِيَا أَيَانْ»، وِيَاضْ نَانْ: «أَيَّكَا دْ كُرَا نْ نِبِي نَغْدْ زُونْدْ يَانْ غْ لَانِيَّا لِي زَرِنِينْ». ^{١٦} وَلَائِيَّ هِيرُودُسْ لِيغْ إِسْقَلْدْ إِمَيَانْ إِنَّا يِسِنْ: «يُوْحَنَا لِي مِ بَيْخْ إِخْفْ أَيَانْ، إِسْدْ إِنْكَرْ غْ كَرْ وِلِي مُوتِتِينْ!»

^{١٧} أَشْكُو هِيرُودُسْ أَدْ نِيتْ أَيُوزْنْ مَائِنَامَرْنْ يُوْحَنَا إِكْتِينْ غْ لَحْبَسْ فْ سَبَّتْ نْ هِيرُودِيَا لِي يَتَاهَلْ تَكَأَ نِيتْ سُولْ تَمَغْرَتْ نْ گُمَاسْ فِيلِيُسْ. ^{١٨} أَشْكُو إِكْتِينْ يُوْحَنَا أَرْ إِتِي إِهِيرُودُسْ: «أُورَاكْ إِحْلِي أَتَوِيتْ تَمَعَرْتْ نْ گُمَاكْ». ^{١٩} غَانْ أَفْتْ بَهْرَا تَحْشَا هِيرُودِيَا تِري أَتْ تَتَغْ وَلَائِيَّ أَورَاسْ تُوفي، ^{٢٠} أَشْكُو هِيرُودُسْ يُوقَرْ بَهْرَا يُوْحَنَا أَرْ فَلَاسْ إِتَّحْصَارْ، أَشْكُو إِسْنْ إِزْدْ بَنَادْمْ إِصْلَحْنْ أَيَّكَا إِكْ وِينْ رَبِّي. مَقَارْ أَيِّسْ إِسْكَارْ وَوَالْ نِسْ تَكُوْضِي إِعْرَأَا دَارْسْ إِغَايِسْ إِسْقَلِيدْ. ^{٢١} أَسَّ نْ لَعِيدْ نْ تَلَلِيَتْ نْ هِيرُودُسْ تُوفَا هِيرُودِيَا أَزْمَزْ، لَيْغْ إِسْكَرْ يَانْ إِمْنِسِي إِيْنِمْغُورْنْ نْ تَكَلِّدِيتْ نِسْ دْ لَقْيُودْ نْ لَعْسَكْرْ دْ أَدْمَاءُنْ مَقْوَرْتِينْ نْ لَجَلِيلْ. ^{٢٢} تَكْشِمْنْ إِلِيِّسْ نْ

هِيَرُودِيَا تُرْكُزْ أَسْنُ، تُسْفِرْخَ بَهْرَا هِيرُودُسْ دِ إِنْبِكِيُونْ نُسْ. إِنَّا يُسِنْ إِلْمَا أَكْلِيدْ إِقْرُوْخْتْ لِي: «ضَالْبَ أَيْنَا تَرِيتْ أَدْ أَمْتْ فَكْخْ». ²³ إِكَالْ أَسْ تَكْلِيتْ نُسْ إِنَّا يُسِنْ: «كُولَخَامْ أَكُولْ مَاتِرِيتْ أَبْلَا إِغْ أَمْتْ فَكِيخْ، إِكِيتْ حَتَّا مَناصَنْ نْ ثَكْلِيتْ إِنُو!» ²⁴ نَفْعَدْ خَلَّي تَسْقَسانَ مَاسْ تَنَّا يُسِنْ: «مَارَادْ ضَالْبَخْ؟» تَنَّا يُسِنْ: «أَكِيُونْ نْ يُوْحَنَا لَمَعْمَدَانْ!» ²⁵ تَحَرُّو تَكْشِمَنْ دَارْ أَكْلِيدْ تَضَالْبَ أَسْ تَنَّا يُسِنْ: «رِيْخَ أَدِيْدْ تَوِيتْ غَلَادْ أَكِيُونْ نْ يُوْحَنَا لَمَعْمَدَانْ غْ كَرَا نْ تَسْكَوْتْ!» ²⁶ إِغَما بَهْرَا لَحَالْ غْ أَكْلِيدْ، وَلَا يَنِي فْ تَكْلِيتْ لِي يِكُولْ غْ لَكَدَامْ نْ إِنْبِكِيُونْ نُسْ، أُورْ إِرِي أَسْتْ إِرَارْ. ²⁷ إِنْكِرْ نِيتْ إِصَافَضْ يَانْ أُسِيَافْ إِنَّا يُسِنْ أَدْ يَوِي أَكِيُونْ نْ يُوْحَنَا. ²⁸ إِدُو وَلَي بَيْبِيدْ إِخْفْ إِيُوْحَنَا غْ لَحْبَسْ، إِكْتِيدْ غْ يَاتْ تَسْكَوْتْ، إِفْكَتْ إِقْرُوْخْتْ لِي تَوِيتْ إِمَاسْ. ²⁹ لَيْغْ سَفَلْدَنْ إِمْحَضَارْنْ نُسْ إِمَيَانْ، أَشْكَنْدْ أَوِينْ دَاتْ نُسْ گَنْتِينْ غْ لَفَبَرْ.

³⁰ أَصْنُونْدْ إِرْفَاقَصْ لِي دَارْ يَسُوعْ، مَلْنْ أَسْ كُولْ مَادْ سَكْرَنْ دْ كُولْ مَادْ سَلْمَدَنْ إِمْنْ. ³¹ إِنَّا يُسِنْ يَسُوعْ: «أَشْكَادْ كَنِي وَحْدُوكْنْ سْ كَرَا نْ لَخَالْ أَنْسُونْفُومْ يَانْ إِمِيكْ». أَشْكُو گُونْنْ مَدَنْ لِي تَدَانِينْ أَرْدْ تَشْكَانْ أُورْ سُولْ أَسْنْ سَكْرَنْ حَتَّا مَمْلُكْ شَتَّانْ. ³² نَكْرَنْ سُودُونْ أَغْرِبَوْ سْ يَانْ لَخَالْ گَنْ وَحْدُوتْنْ. ³³ ژَرْتَنْ مَدَنْ لَيْغْ دَانْ، أَكْرَنْ يَسُوعْ. گَنْ أَسْدْ أَصَارْ غْ كَرِيَّكَاتْ تَمَدِنْتْ، أَرْ تَزَالْنْ زُوُورْتَنْتِينْ سْ غِينْ. ³⁴ لَيْغْ إِكْرْ يَسُوعْ غْ أَغْرِبَوْ، إِزْرْ تُوكَتْ نْ مَدَنْ إِحْنُو گِيسْنْ أَشْكُو گَانْ زُونْدْ أُولِي لِي دَارْ أُورْ إِلِي أُومُكْسَا، إِنْكِرْ أَرَاسْنْ إِسْلَمَادْ كِيَكَانْ تَغَوْسِوِينْ. ³⁵ لَيْغْنْ إِحَاوْلْ وَاسْ، أَشْكَنْدْ دَارْسْ إِمْحَضَارْنْ نُسْ نَانْ أَسْ: «هَتِي إِدَانْ وَاسْ، إِكْ غِيدْ لَخَالْ، ³⁶ صَافِدْ مَدَنْ أَدْ دُونْ سْ إِكْرَانْ دْ لَمَوَاضِيعْ أَدَاخْ سُوتَلِينْ أَدْ سُغْنْ مَنْشَا أَشْكُو أُورْ دَارْسْنْ إِلِي». ³⁷ إِوْاجِبْدْ إِنَّا يُسِنْ: «فَكَاتْ أَسْنْ كَنِي نِيتْ مَادْ شَتَّانْ». نَانْ أَسْ: «إِزْدْ إِسْ تَرِيتْ أَندُو أَدْ سُغْنْ أَغْرُومْ سْ سَنَاتْ إِدْ مِيَا نْ أَدِينَارْ نَفَكْ أَسْنْ أَدْ شَنْ؟» ³⁸ إِنَّا يُسِنْ: «مَنْشَكْ نْ تَنْكُولْتْ أَدَرُونْ إِلَانْ؟ زَيَدَاتْ سَمُوقَلَاتْ». لَيْغْ أَكَانْ نَانْ أَسْ: «سَمُوسْتْ تَتَكَالْ دْ سَنَاتْ تَسْلَمِينْ». ³⁹ إِنَّا يُسِنْ: أَكْلُو سَكَوْرَنْ مَدَنْ فْ تُوكَأَ گَنْتِنْ تَغَمَتِنْ: ⁴⁰ كَأَوْرَنْ سَكْرَنْ تَغَمَتِنْ، هَا مِيَكَانْ مِيَا هَا مِيَكَانْ سِيَنْ إِدْ عَشَرِينْ دْ مَرَاوْ. ⁴¹ يَسِيدْ سَمُوسْتْ تَتَكَالْ دْ سَنَاتْ تَسْلَمِينْ لِي، يَالَّ أَلَّ نَسْ سْ إِكْنُواْنْ إِشْكَرْ فَلَاسِنْتْ رَبِّي، إِيْضُو تَتَكَالْ لِي إِفْكَنْتْ إِيمَحْضَارْنْ نُسْ أَنْتَتْ فَكْنْ إِمْدَنْ، إِيْضُو يَاسِنْ كُلُو سَنَاتْ تَسْلَمِينْ لِي. ⁴² شَنْ كُلُو مَدَنْ أَلِيْغْ شَبْعَانْ. ⁴³ سَمُونْ سِيَنْ دْ مَرَاوْتْ نْ تَرِيَالْتْ نْ إِفْرَايِي نْ أَغْرُومْ دْ إِسْلَمَانْ. ⁴⁴ كِنْ وَلِي شَنِينْ غْ أَغْرُومْ لِي سَمُوسْ وَلَفِيُونْ نْ أَرْكَازْ.

⁴⁵ تَرِي يَانْ نِيتْ أَيِسْنْ إِنَا إِيمَحْضَارْنْ نُسْ أَدْ سُودُونْ أَغْرِبَوْ دُونْ زُوَارْنْ سْ أَكْمَاضْ أَنْ سْ تَمَرْتْ نْ بَيْتْ صَيَّدا، سْ أَيَّنَا غْ إِصَافَضْ مَدَنْ. ⁴⁶ لَيْغْنْ إِصَافَضْ، يَاوْنْ سْ يَانْ أُورِيرْ أَيْزَالْ. ⁴⁷ لَيْغْ تَلْكَمْ تَنْكَاتْ، إِلْكَمْ أَغْرِبَوْ تَرْوَمْتْ نْ أَمْدَا، يَسُوعْ إِغَمَادْ وَحْدُوتْ غْ تَغَارْتْ. ⁴⁸ أَرْتَنْتِينْ إِتَّنَايْ مَاعَنْ أَكَانْ دْ أَغْرِبَوْ أَرْ كَاتَنْ سْ تَكْلَا أَشْكُو أَرْتَنْدْ إِتَّرَارَا وَضُو تَغَرْضِينْ. أَغُورِي إِدُو دَارْسْنْ، أَرْنْ إِزْكِيزْ فْ وَمَانْ أَلِيْغْ عَلَائِينْ أَتَنْ إِزْرِي. ⁴⁹ لَيْغْتْ ژَرَانْ أَرْ إِتَّيُو فْ وَمَانْ غَالْنْ إِزْدْ كَرَا نْ لَمْلُكْ، كَسْنْ تَغَوِيَّتْ. ⁵⁰ أَشْكُو ژَرَانْتْ كُلُونْ

إِكْسَاصُنْ. تِرِي يَانْ نِيْتْ أَغْدْ سِرْسْنِ إِسَاوْ إِنَّايسْنِ: «عَقَدَاتْ هَانْ نِكِينْ أَيَادْ، أَدْ أُورْ تِكْصَاصْمْ». ⁵¹ إِغْلِينْ دَارْسْنِ سْ أَغْرِبُو إِبِينْ وَضُو، أَرْ كَا سُولْ تَعْجَابْ دْ إِخْفَاؤْ نِسْنِ، أَشْكُو أُورَاسْنِ تِكِي لِمُعْجَزَا نْ تَنْكَالْ لِي لَعْقَلْ، فْ سِبَّتْ نْ تَغَارِتْ نْ أُولَاؤْ نِسْنِ. ⁵² لِيْ زَكْرُنْ أَشْكَنْ سْ وَكَالْ نْ جَنِيسَارَتْ صَرْصُونْ كِيسْ أَغْرِبُو. ⁵³ مَكْلِيدْ فَغْنْ غْ أَغْرِبُو، أَكْزْنْ مَدْنِ يَسُوعْ. ⁵⁴ فَتُونْ أَرْتَكَانْ تَمِزَارْ أَنْ لِي كُلُو سُوتَلَنِينْ إِغِينْ، نَكْرُنْ مَدْنِ أَرَاسْنِ تَوَيْنِ إِمْضَانْ نِسْنِ أَسِينَتَنْ دْ إِبِرْدَانْ نِسْنِ سْ إِنَّا سَفَلْدَنْ إِسْ كِيسْ إِلَّا. ⁵⁵ إِنَّا إِكْشْمْ غْ لَمُوضِيعْ أَلَا لَمَدَائِنْ أَلَا إِكْرَانْ، أَوِينْ أَسْدِ إِمْضَانْ سْ إِسُوبِيَاسْ، أَرْ تَضَالِبَنْ أَكَا كَرْنْ مَفَارِدْ إِتَمَا نْ تَمْلَسَا نِسْ. كُولْ مَائِسْ إِكْرَنْ إِجْيِ.

7

إِفْرْ وِيسْ سَا

¹ مُونْدِ دَارْسْ لَفَرِيسيَّنْ دْ كُرَا نْ إِسْلَمَادِنْ نْ شَرْعْ لِيدْ أَشْكَنِينْ غْ تَمْدِنْتْ نْ أُورُشَلِيمْ. ² لِيْ زَرَانْ كُرَا غْ إِمْحَضَارْنِ نِسْ أَرْ شَتَانْ أَغْرُومْ سْ إِفَاسْنِ أُورْ غُوسْتِينْ، زَعْمَا وِيدْ بَهْرَا أُورْ أَرْدَنِينْ، أَرْتَنْ تَلْمَانْ. ³ أَشْكُو لَفَرِيسيَّنْ دْ وُدَائِنْ كُلُوتْنْ أُومَرْنْ غْ لَعَدَاتْ نْ لَاجْدُودْ نِسْنِ، أُورَادْ شَنْ إِغْ زُوْرَ أُورْ سِيرْدَنْ إِفَاسْنِ نِسْنِ أَدْ عَدْلَنْ. ⁴ إِغْدْ وَرِينْ غْ سُوقْ أُورَادْ شَنْ أَبِلَا إِغْ سَعْوُسْنِ إِفَاسْنِ نِسْنِ: إِلِيْنِتْ كِيْكَانْ تَغُوسِوِينْ يَضْنِينْ لِيدْ كُوسَانْ أَمَرْنْ كِيسْنِتْ، زُونْدْ أَغْوُسْنِ لَكْسَانْ دِ إِدْ لَبْرِيقْ دِ إِفْسَكَانْ نْ وَنَاسْ دِ إِدْ سَرِيرْ. ⁵ سَقْسَانْتْ إِلْمَا لَفَرِيسيَّنْ دِ إِسْلَمَادِنْ نْ شَرْعْ نَانْ أَسْ: «مَاخْ أَوْرْ سَكَارْنْ إِمْحَضَارْنِ نَكْ سْ لَعَدَاتْ نْ لَاجْدُودْ نَخْ، أَرْ شَتَانْ أَغْرُومْ سْ إِفَاسْنِ أُورْ غُوسْتِينْ؟» ⁶ إِوْاجِبْدِ إِنَّايسْنِ: «إِغْزَانْ نِيْ إِشْعَيَا لِي يِزْوَارْنْ إِسْ فَلَأَوْنْ إِكَاشْفْ، الْمُونَفِقِينْ! غَمْكُلِي يِتْتُورَانْ: مَدْنِ أَدْ إِمِي نِسْنِ كَا أَسِيْ تَعْبَادْنِ، أَمَا أُولَاءُنْ نِسْنِ أَكْوَكِنِينْ بَهْرَا فَلِي. ⁷ لَعِبَدَا نِسْنِ أُورْتْ تِكِي أَشْكُو لُوْصِيَاتْ نْ مَدْنِ كَا أَدْ سَلْمَادِنْ. ⁸ أَشْكُو تَقْلُمْ لُوْصِيَيْتْ نْ رَبِّي تَغِيمْ غْ لَعَدَاتْ نْ مَدْنِ: أَرْ تَسْرِيدْمْ لَكْسَانْ دِ إِدْ لَبْرِيقْ، أَرْ تَسْكَارْمْ كِيْكَانْ تَغُوسِوِينْ يَضْنِينْ زُونْدْ خَتِيدْ». ⁹ إِنَّايسْنِ: «إِشْوا! تُوكِيمْ لُوْصِيَيْتْ نْ رَبِّي فْ أَتَامِرْمْ غْ لَعَدَاتْ نُونْ! ¹⁰ أَشْكُو مُوسَى إِنَا: طَهْلَأْ غْ بَابَاكْ دِ مَاكْ، وَنَا إِرْكَمْ بَابَاسْ نَغْدَ مَاسْ، تَتَعْمَتْ. ¹¹ وَلَائِنِي كَنِي أَرْ تَتِيمْ: إِغْ إِنَا كُرَا كَتُونْ إِيْبَابَاسْ نَغْدَ مَاسْ: هَانْ أَيْلِي يَاكْ أَكَاخْ إِكَا أَسَكْمُورْ، زَعْمَا إِفْكَاتْ إِرْبِيْ، ¹² أُورْ سُولْ أَتْ تَجَامْ أَيْفَكْ يَاتْ إِيْبَابَاسْ دِ إِنَّاَسْ. ¹³ أُكَانْ أَرْ طَرْزَامْ أَوَالْ نْ رَبِّي سْ لَعَدَاتْ نُونْ لِيدْ تَكُوسُومْ. إِلِيْنِتْ كِيْكَانْ تَغُوسِوِينْ زُونْدْ خَتِيدْ لِي تَسْكَارْمْ». ¹⁴

إِغْرْ يَسُوعْ إِولِينْ مُونِينْ إِنَّايسْنِ: «سَقْلَادَاتِي كُلُوكْنْ تَفْهَمْ مَيَادِ: ¹⁵ هَانْ أَيْلِينْ إِنْكَانْ بَرَا نْ أَفَكَانْ أُورْ إِرْضَارْ أَتْ إِلَسْ إِغْ سِرْسْ إِكْشِمْ، وَلَائِنِي أَتْ إِنْلَسْنِ دِ أَيْلِيدْ كِيسْ إِنْقَعْنْ. ¹⁶ وَنَا دَارْ إِمَرْكَانْ مَاسْ إِسْقَلِيدْ أَرْ إِسْقَلِيدْ!» ¹⁷ لِيْغْ إِيْضَا دْ مَدْنِ يُورِيدْ سْ تَكْمِي، سَقْسَانْتْ إِمْحَضَارْنِ نِسْ فْ لَمْعَنَا أَنْ، ¹⁸ إِنَّايسْنِ: «إِزْدْ حَتَّا كَنِي أُورْ نَفَهَمْ يَاتْ؟ إِزْدْ أُورْ تَسْتَمْ إِسْ أُورْ تَرْضَارْ كُرَا نْ تَغُوسَا لِينْ إِكَانْ بَرَا نْ بَنْادِمْ إِغْ سِرْسْ تَكْشِمْ

أَتْ تَلَسْ،¹⁹ أَشْكُوْ أُورْ أَنْكَشْ سْ وُولْ نْسْ، وَلَائِنِيْ أَحْلِيْغْ نْسْ أَسْ تَكْشْ، تَفَعْدْ إِلْمَا سْ بِرَا!» غَانْ أَفْ كُلُّ حَلَانْتْ تِرَامْ.²⁰ إِزَايْدْ إِنَايِسْنْ: «هَانْ أَيلِيدْ إِنْقَغْنْ غْ بَنَادْمْ أَتْ إِنْلَسْنْ،²¹ أَشْكُوْ أَكْنْسْ، غْ أُولَوْنْ نْ مَدْنْ، أَغْدْ تَفَغْنْ گَارْ إِسْوِنِكِيمْ زُونْدْ: زَنَا، دْ لُفْسْقْ، تَتْغِيْ،²² تَمْخَارْتْ، دْ طَمْعْ، دْ گَارْ، دْ لُغْشْ، دْ لَفْسَادْ، دْ لَحْسَادْ، دْ تَرْگَامْ، دْ لَكِيْرْ، دْ أُونَوْلْ.²³ گَارْ لَمْسَايِلْ أَدْ كُلُوتْتْ أَكْنْسْ نْ بَنَادْمْ أَغْدْ تَفَغْنْتْ أَرْتْ تَلَسْنْتْ.»²⁴

إِنْكْرْ نِيتْ إِفلَنْ غَيْنْ إِدوْ سْ تَسْكِيْوْ نْ تَمْزَرْتْ نْ صُورْ دْ صَيَداً، إِكْشْ سْ يَاتْ تَكْمِيْ أُورْ إِريْ أَيَسَانْ يَانْ إِسْ كِيسْ إِلاً، وَلَائِنِيْ أُورْ يُوفِيْ أَيرْكِسْ.²⁵ أَشْكُوْ تَسْقَلْ فَلَاسْ يَاتْ تَمْغَرْتْ دَارْسْ يَاتْ إِلِيسْ كِيسْ كِرا نْ لَجْنْ، تَاشْكَدْ نِيتْ تَسْجَدْ غْ دَارْ إِصَارَنْ نْسْ.²⁶ تَمْغَرْتْ أَنْ تَگَانْ غْ لَكْنُوسْ، تَگْ سْ لَاصْلْ تَفَنِيقِيْتْ نْ تَمْزَرْتْ نْ سُورِيَا. تُحُورْمُوتْ أَيْسُوفْ لَجْنْ لَيْ يَلَانْ غْ إِلِيسْ.²⁷ وَلَائِنِيْ يَسُوعْ إِنَايِسْ: «أَجْ تَرْوَا لَرْوَارْ شُبَعَانْ، أَشْكُوْ أُورْ إِفُولْكِيْ أَيْكِسْ يَانْ أَغْرُومْ إِتَرْوَا إِلْوَحْتْ إِيِيْضَانْ.»²⁸ تَوَاجْدْ تَمْغَرْتْ لَيْ تَتَّايسْ: «يَا هَاسِيْديْ، وَلَائِنِيْ حَتَّا إِيِيْضَانْ أَرْ شَتَانْ غْ دُو لَمْرَفْعْ إِبْرُزَايْ لَيْ طَرَنِينْ إِتَرْوَا!»²⁹ إِنَايِسْ إِلْمَا: «فْ سَبَّتْ نْ وَوَالْ نْمْ، رَايْدْ، هَانْ لَجْنْ إِفْغْ غْ إِلِيمْ.»³⁰ تَدُو سْ تَكْمِيْ نْسْ، تَافَنْ إِلِيسْ إِفْغَتْ لَجْنْ تَكْنْ أَكَانْ غْ إِبْرَدَانْ.

إِفْغَدْ دَاخْ يَسُوعْ غْ تَمَانْ صُورْ دْ صَيَداً، إِزْرِيدْ غْ إِكْلِيُونْ نْ مَرَاوَتْ لَمَدَائِنْ، يَاشْكَدْ سْ أَمْدَا نْ لَجَلِيلْ.³¹ أَوِينْ أَسْدْ يَانْ أَكَنَاوْ إِكَانْ أَضْرَضُورْ، ضَالْبِنْ أَسْ أَفْلَاسْ إِسْرَسْ أَفُوسْ نْسْ.³² إِسْمَتِيَّيْتِيْنْ يَسُوعْ غْ كِرْ مَدْنْ، إِكْنَ إِضْضَانْ نْسْ غْ إِمْرَكَانْ نْ ولَيْ، إِسْوَفْ فْ إِضْضَانْ نْسْ إِكْرْ سَرْسَنْ إِلِيسْ نْ ولَيْ.³³ يَالْ أَنْ نْسْ سْ إِكْنُواَنْ، إِكْسْ يَانْ أَسْكُونْفَسْ إِنَايِسْ: «إِفَثَا!» إِكْ لَمْعَنَا نْسْ رَزْمْ.³⁴ تَرِي يَانْ نِيتْ أَدْ نُورَرْ مَنْ إِمْرَكَانْ نْسْ، إِرْزَمْ إِلِسْ نْسْ، أَرْ إِسْوَالْ يَسْتَوَا إِلْمَا وَوَالْ نْسْ.³⁵ يُوصُوتْنْ أَتْ أُورْ إِنِينْ إِيَانْ، وَلَائِنِيْ كِرا سَاتِنْ إِتُوْصُو كِرا سَا إِلْمَا بَهْرَا سُوفُونْ لَأَخْبَارْ نْسْ.³⁶ أَرْكَا سُولْ تَعْجَابِنْ أَرْتِتِيْنْ: «غُواهْ كُولْ مَائِسْكِرْ أَفُولْكِيْ أَكِيسْ إِسْكِرْ! إِرْوَرَا إِضْرَضَارْ أَرْ سَقْلِيَّيْنْ، إِرَارْ إِكَنَاؤْنْ أَرْ سَوَالَنْ.»³⁷

8

إِفْرْ وِيسْ تَامْ

¹ أُسَانْ أَنْ تَمُونْدْ دَاخْ تُوكْتْ نْ مَدْنْ، سْ دَارْسْنْ أُورْ إِلِيْ مَادْ شَتَانْ، إِغْرْ يَسُوعْ إِيِمْحَضَارْنْ نْسْ إِنَايِسْنْ: ² «غَمَانْ كِيْيِيْ مَدْنْ أَدْ، أَشْكُوْ كُرَاضْ أَسَانْ أَيَادِ دِيدِيْ كَانْ، أُورْ سُولْ دَارْسْنْ مَادْ شَتَانْ.³ إِغْنْ صَافَاضْخْ سْ تَكْمِا نْسْنْ أَرْوَمْ رَايِيْ لَجَهْدْ نْسْ غْ أَغْرَاسْ، أَشْكُوْ إِلاً كِيسْ مَادْ يُوشَكَانْ غْ تُوكْتْ.»⁴ وَاجْبَدْ إِمْحَضَارْنْ نْسْ نَانْ أَسْ: «مَنِيْغْ رَادْ يَوِيْ يَانْ أَغْرُومْ إِقَدَانْ غُونْشَكَادْ دْ مَدْنْ غْ لَخْلَا يَاد؟»⁵ إِسْقَسَاتِنْ: «مَنْشَكْ نْ تَنْكُولْتْ أَدَرُونْ إِلَانْ؟» نَانْ أَسْ: «سَاتْ تَنَگَالْ.»⁶ إِسَاوْلْ سْ مَدْنْ أَدْ گَاوْرْنْ سْ وَكَالْ، يَسِيدْ سَاتْ تَنَگَالْ لَيْ يَسْكِرْ فَلَاسْنْتْ رَبِّيْ، إِبْصُوتْنْ إِفْكَتْتْ إِيِمْحَضَارْنْ نْسْ، بَصُونْتَنْتْ إِلْمَا إِمْدَنْ.⁷ إِلِينِتْ دَارْسْنْ كِرا نْ تَسْلَمِينْ مَزِينِينْ، إِسْكِرْ فَلَاسْنْتْ رَبِّيْ إِنَايِسْ أَتَتْ بَصُونْ أَلَا نَتَّتِي إِمْدَنْ.⁸ شَنْ مَدْنْ أَيْلِيْغْ

شُبَعَانْ، سُمُونْ سَاتْ تَرِيلِينْ نْ إِفْرَايْ لِيدْ شَضْنِينْ. ⁹ كُنْ وَلِي شَنِينْ كُرَا نْ كُوژْ وَلَفِيونْ. إِصَافَتْنْ إِلْمَا يَسُوعْ. ¹⁰ إِسُودُو نِيتْ أَغْرِبُو نَنَانْ دْ إِمْحَضَارْنْ نَسْ دُونْ سْ تَسْكِيُونْ نْ دَلْمَانُوشاً.

¹¹ فَعْنُدْ لَفَرِيسِيَّينْ أَرْ دِيدِسْ تَمْجِيْدِينْ إِرِينْ أَتْ جَرِينْ، ضَالِّبِنْ أَسْ كُرَا نْ تَمَارَتْ غِ إِكْنَوَانْ. ¹² إِكْسَ يَانْ أُسْكُونْفَسْ مُقُورْنْ إِنَّايسِنْ: «مَاخَ أَتْسِكِيلْ تَسُوتْ أَدْ تَمَارَتْ؟ لَحْقَ أَدَاوْنْ تَتِيْخْ: أُورْ رَادْ تَقْكَ كُرَا نْ تَمَارَتْ إِتَسُوتْ أَدْ!» ¹³

إِلْقَنْ إِكْشَمْ دَاخْ سْ تَنَاوْتْ إِزْكَرْ سْ أَكْمَاضْ أَنْ نْ أَمْدَا. ¹⁴ إِمْحَضَارْنْ نِتَتِي تُونْ أَدْ دِيدِسْنْ أَوِينْ أَغْرُومْ، أُورْ دَارْسْنْ إِلِي غِ تَنَاوْتْ أَبْلَا يَاتْ تَنَكُولْتْ. ¹⁵ يُوصُوتْنْ إِنَّايسِنْ: «ضُوفَاتْ! تَلِيمِنْ دْ تَخْمِيرْتْ نْ لَفَرِيسِيَّينْ دْ تَخْمِيرْتْ نْ هِيرُودُسْ!» ¹⁶ أَرْ سُونِكِيْمِنْ أَرْتِتِينْ إِنِّيْكَرْ أَتِسْنْ: «أَغْرُومْ لِيدْ أُورْ نُوي أَفْ إِسَوَالْ» ¹⁷ يِسَانْ يَسُوعْ مَادْ سُونِكِيْمِنْ إِنَّايسِنْ: «مَاخَ أَلِيلِيْغْ أَتِتِيْمْ أُورْ دَرُونْ إِلِي أَغْرُومْ؟ إِزْدْ أُورْتَانَا يَاكَ رَا تَفَاقْمْ أَلَا تَفَهْمْ؟ إِزْدْ سُولْ أَكَانْ قُورْنْ أُولَوْنْ نُونْ؟ ¹⁸ نُذْ دَرُونْ أَلَنْ أُورْ أَتْسِمُوقُولْمْ، إِلِينْ دَرُونْ إِمْرَكَانْ أُورْ أَتْسِقْلِيدِمْ أَلَا أَرْ تَيْكَتَائِيمْ؟ ¹⁹ لِيْغْ بَضِيقْ سُمُوْسْتْ تَنَكَالْ إِسْمُوْسْ وَلَفِيونْ، مَنْشَكْ نْ تَرِيَالْتْ إِعْمَرْنْ سْ إِفْرَايْ أَتْسِمُونْمْ؟» نَانْ أَسْ: «سِينْ دْ مَرَاؤتْ نْ تَرِيَالْتْ!» ²⁰ «إِمَّا لِيْغْ بَضِيقْ سَاتْ تَنَكَالْ إِكُوژْ وَلَفِيونْ نْ مَدْنْ، مَنْشَكْ نْ تَرِيَالْتْ نْ إِفْرَايْ أَتْسِمُونْمْ؟» نَانْ أَسْ: «سَاتْ تَرِيلِينْ!» ²¹ إِنَّايسِنْ: «إِزْدْ أُورْتَانَا أَكَ تَفَهْمْ؟»

²² يَاشْكَدْ سْ تَمَرِرْتْ نْ بَيْتْ صِيدَا، أَوِينْ أَسْدْ يَانْ أَبْكَاضْ ضَالِّبِنْ أَسْ دَاسْ إِكْرْ. ²³ يَامِرْ أَفُوسْ إِوبِكَاضْ لِي يَسُوفْغَتْ سْ بِرَّا نْ لَمُوضَعْ أَنْ، إِسُوفْسْ أَسْنْ غِ وَالَّنْ، إِسْرَسْ فَلَّاسْ إِفَاسْنْ نَسْ إِسْقَسَاتْ: «إِسْ أَتْسِمُوقُولْتْ كَرَا؟» ²⁴ إِسْمُوقَلْنْ إِنَّايسِنْ: «أَرْ سُمُوقُولْخْ مَدْنْ زُونْدْ أَصْغَارْ أَرْ تَدُونْ». ²⁵ إِسْرَسْ دَاخْ يَسُوعْ إِفَاسْنْ نَسْ فْ وَالَّنْ نْ أَرْكَازْ لِي، إِسْمُوقَلْ غِ أَمْتِيدْ نَسْ، إِجْيِ نِيتْ أَرْ إِتَّايْ كُرِيَكَاتْ تَغُوسَا غَمْكَلِي تَكَأْ. ²⁶ إِصْرَفْتْ يَسُوعْ سْ تَكْمِي نَسْ إِنَّايسِنْ: «أَدْ أُورْ تَكْشِمْتْ سْ لَمُوضَعْ، أَلَا تَتِيْتْ مَيَادْ إِيَانْ».

²⁷ إِدُو يَسُوعْ دْ إِمْحَضَارْنْ نَسْ سْ لَمُوضَعِيْغْ نْ قِيَصِرِيَا نْ فِيلِيُسْ. أَرْكِيزْنْ غِ أَغْرَاسْ إِسْقَسَا إِمْحَضَارْنْ نَسْ، إِنَّايسِنْ: «مَاسْ أَفْلِي تَتِينْ مَدْنْ گِيْختْ؟» ²⁸ وَاجْبَنْ أَسْ: «كَرَا أَرْ إِتِيْ: تَكِيْتْ يُوهَنَّا لَمَعْمَدَانْ، وِيَاضْ أَرْتِتِينْ: تَكِيْتْ إِيلِيَا، وِيَاضْ أَرْتِتِينْ: يَانْ غِ لَانِيَا». ²⁹ إِنَّايسِنْ: «إِمَّا كَنِيْ، مَاسْ أَفْلِي تَتِيمْ إِسْتْ گِيْخْ؟» إِوَاجْبَدْ بُطْرُسْ إِنَّايسِنْ: «كِيْبِيْنْ أَيْكَانْ لَمَسِيْحْ!» ³⁰ يُوصُوتْنْ إِلْمَا أَتْ أُورْ إِنِينْ إِيَانْ.

³¹ إِنْكَرْ أَرَاسْنْ إِسْلَمَادْ إِسْدْ إِقَانْ أَبَهْرَا إِرْقُوفْ يِوْسْ نْ أَفْكَانْ، أَكِينْتْ إِمْغَارْنْ دْ إِرِيَيَاسِنْ نْ إِنْبَدَادْنْ دْ إِسْلَمَادْنْ نْ شَرْعْ، نَغْنَتْ، إِغْ زَرِينْ كِرَاصْ أَسَانْ إِنْكَرْدْ إِلْمَا. ³² أَرْ إِتِيْ مَيَادْ أُورْتْ إِسْنَنْلْ. إِلِدِتِينْ بُطْرُسْ دَارْسْ أَرْتْ إِطْرِي. ³³ إِكْلِبِنْ يَسُوعْ إِسْمُوقَلْ غِ إِمْحَضَارْنْ نَسْ، أَرْ إِطْرِي دْ بُطْرُسْ، إِنَّايسِنْ: «إِتِيْنْ گِيْكِيْ أَيْلِلِيُسْ! أَشْكُو أُورْتْ تَوِيتْ غِ أَيْلِي يِكَانْ وَبِنْ رَبِّي، أَغْتَ تَوِيتْ دْ أَيْلِي يِكَانْ وَبِنْ بَنَادْمْ».

إِغْرِ إِمْدَنْ دِ إِمْحَضَارْ نَسْ، إِنَّا يُسِنْ: «وَنَا رَيْ إِصْفُورْ، إِنَّا كُرْ إِخْ فَنْسْ يَسِي صَلِيبْ نَسْ إِصْفُورِيْ.³⁴
 أَشْكُو وَنَا إِرَانْ أَيْجَنْجَمْ إِخْ فَنْسْ رَاتْ إِجْلُو، وَنَا فَلِي يِجْلَانْ إِخْ فَنْسْ إِجْلُوتْ فِ تِبْرَاتْ نِ لِنجِيلْ أَرْتْ³⁵
 إِجْنِجَامْ.³⁶ أَشْكُو مَانْ صَحَا إِلَانْ دَارْ أَفْگَانْ إِغْ كُلُو إِرْبِخْ دُونِيتْ إِجْلُو إِخْ فَنْسْ؟³⁷ نَعْدَ مَيْلَانْ دَارْ أَفْگَانْ
 أَدْ سَرْسْ إِفْدُو إِخْ فَنْسْ؟³⁸ أَشْكُو وَنَا سَرِي أُورْ إِرْضِينْ أَلَا إِرْضَا سْ وَوَالْ إِنُو غْ كَارْ تَسُوتْ أَدْ إِفْسِنْ،
 هَانْ يِوسْ نِ أَفْگَانْ أُورَا سَرْسْ إِرْضُو كُودْ نَادْ يُوشْكَا غْ لَمَجْدَنْ بَابَاسْ نَتَانْ دِ لَمَلَايَكَا تَيَوْقَدَسِنْينْ».

9

إِفْرِ وِيسَ طَرَّا

إِنَّا يُسِنْ: «لَحَقَّ أَدَأْوَنْ تَبِيخْ: لَانْ كَرَا نِ مَدَنْ لِي دِيدْنَخْ بَدَنِينْ غِيدَ أُورَادْ مَتَنْ أَرْدَ زَرْنْ تَكْلِيدِتْ نِ رَبِّي
 تُوشْكَادْ سِ لَجْهَدْ إِكُوتْنْ». ² لَبِغْ زَرِينْ صَنْضِيسْ أَسَانْ، إِمُونْ يَسُوعْ دِ بُطْرُسْ دِ يَعْقُوبْ دِ يُوحَنَّا وَحَدُوتْنْ
 سِ يَانْ أُدَرَارْ يَتُوينْ، سِ تَبْدَلْ صَيْفَتْ نَسْ غِ لَكْدَامْ نَسْنْ.³ أَصْنُونْتْ تَمْلَسَا نَسْ أَرْ سُوفُونْتْ إِمْلُونْتْ زُونْدَ
 أَدْفَلْ، أُورْ إِرْضَارْ حَتَّا يَانْ غِ إِكِي نِ وَكَالْ أَتَتْ إِكُو أَرْدَ إِمْلُونْتْ زُونْدَ غَمْكَانْ.⁴ إِمِيكَ سِ أَسَندَ إِيَائِنْ نَيِّي
 إِيلِيَا دِ مُوسَى، أَرْ سَوَالْنْ سِ يَسُوعْ.⁵ إِنَّا يُسِنْ بُطْرُسْ إِيَسُوعْ: «إِفُولْكِي أَسِيدِي، إِغْ نَلَّا غِيدَ. أَرَأِيتْ أَنْسُكْرْ
 كَرَاصْ إِحْشَاشْ: يَانْ نَاكْ، دِ يَانْ إِمُوسَى، دِ يَانْ إِيلِيَا».⁶ نَتَانْ أُورْ سُولْ إِسْنْ مَائِيَتْتِي أَشْكُو أَمْزَنْنَ
 تَكْصَاصْ.⁷ سَدْ فَلَاسْنْ تَلَّا يَاتْ تَمْدُلُوتْ تَسْكَرْ أَسْنْ أَمْلُو تَدْلَنْ، إِفْغَدْ يَانْ وَوَالْ غِ تَمْدُلُوتْ لِي أَرْ إِتِيْ:
 «غَوَادْ أَيْگَانْ يِوي يِعْرَانْ، نَتَانْ أَسْ أَتْسَقْلِيدِمْ!»⁸ إِمِيكَ سَمُوقَلَنْ غِ مَائِسْنْ إِسُونَنْ أُورْ سُولْ أَتَتَيْنْ حَتَّا يَانْ
 أَبْلَا يَسُوعْ وَحَدُوتْ لِي دِيدِسْنْ إِلَانْ.

لَيْغْ أَدْ تَكْغُوزْنْ غِ أُدَرَارْ، يُوصُوتْنْ يَسُوعْ أَدْ أُورْ إِنِينْ إِيَانْ أَيْلِي زَرَانْ، أَبْلَا إِغْدَ إِنْكْرْ يِوسْ نِ أَفْگَانْ غِ
 كَرْ وَلِي مُوتِنِينْ.⁹ أَمْزَنْ غِ لَوْصِيْتْ لِي سَاسْنْ إِنَّا أَرْسَقْسَانْ إِنْكَرَاتِسْنْ: «مَيْگَانْ إِغْدَ إِنْكْرْ يَانْ غِ كَرْ وَلِي
 مُوتِنِينْ؟»¹⁰ سَقْسَانْتْ نَانْ أَسْ: «مَاخَ أَدْ تَتِينْ إِسْلَمَادَنْ نِ شَرْعْ: إِقَانْدَ أَدْ زَوَارْ يَاشْكِ إِيلِيَا؟»¹¹ إِوَاجْبْ
 أَسَندْ: «إِصْحَا إِسْنْ رَادَ زَوَارْ يَاشْكِ إِيلِيَا إِسْنَدَكَارْ كَرِيْكَاتْ تَغُوسَا، غَمْكَانْ دِ يِوسْ نِ أَفْگَانْ مَاخَ أُورْ فَلَاسْ
 إِتِيُورَا غِ وَرَاتِنْ نِ رَبِّي إِسْ رَأْ بَهْرَا إِرْفُونْ إِتِيُوحْكَارْ؟¹² وَلَائِيَيِّ أَرَاوَنْ تَبِيخْ: هَانْ إِيلِيَا أَلَا نَتَانْ يُوشْكَادْ،
 سَكْرَنْ كِيِسْ أَيْلِي كَارَانْ، غَمْكَلِي فَلَاسْ إِتِيُورَانْ غِ وَرَاتِنْ نِ رَبِّي».

لَيْغْ يِورِي سِ دَارْ إِمْحَضَارْ أَنْ يَصْنِينْ، أَرْ إِتَّايِ كِيِگَانْ دِ مَدَنْ سُونَنْ أَسْنْ أَرْ تَمْجِيدِنْ دِ إِسْلَمَادَنْ¹⁴
 نِ شَرْعْ.¹⁵ أَيْلِيغْ زَرَانْ مَدَنْ لِيَنْ مُونِينْ يَسُوعْ تَلْفَنْ، أَرْ دَارِسْ تَرَالْنْ أَرْ فَلَاسْ تَسْلَامْنْ.¹⁶ إِسْقَسَا إِسْلَمَادَنْ
 نِ شَرْعْ إِنَّا يُسِنْ: «مَافْ أَدِيدِسْنْ تَمْجِيدِمْ؟»¹⁷ إِوَاجْبْ يَانْ غِ مَدَنْ لِي يِيَائِسْ: «إِلَيِّي أَسِيدِي، يَانْ لَجْنَ أَكْنَاوْ
 غِ يِوي، أَوِيْخْ أَكْتِيدْ،¹⁸ إِنَّاغْتْ يُومَرْ أَرْتْ إِتِلُوخْ إِفْكَاسْ الْوَفَ أَرْ إِسْقَجِيْ أَخْسَانْ يِغَارْ. لَيْغْ ضَالْبَخْ
 إِيمْحَضَارْنْ نَكْ أَتْ سُوفْغَنْ، أُورَا سْ رَضَارْنْ». ¹⁹ إِوَاجْبْ أَسْنْ يَسُوعْ إِنَّا يُسِنْ: «وَأَسْوَتْ غِ أُورْ إِلِي

لِيمَانْ، أَرْ مَانْ لُوقَتْ أَرْ أَكَا دِيدُونْ إِلِيْخْ؟ أَرْ مَانْ لُوقَتْ أَرَاكَنْ كَا أَسِيْخْ؟ أَوِيَّتِدْ سْ دَرِي!»²⁰ أَوِينْ أَسْتِيدْ.
 أَلِيلِيْغْ إِزْرَا لِجْنْ لِي يَسُوعْ، إِلُورْ أَحْشَمِيْ أَنْ غْ وَكَالْ أَرْ إِتاُوْضْ إِفْكْ أَسْ الْوَفْ.²¹ إِسْقَسَا يَسُوعْ بَابَاسْ نْ أَحْشَمِيْ لِي إِنَّايسْ: «مِشْكْ أَكِيْسْ إِكَا لِجْنْ أَنْ؟» إِنَّايسْ: «غَمْنْ لِيْغْ إِمْزِيْ.»²² مِنْشْكْ نْ ضُورْ أَتِينْ إِلُورْ غْ لِعْقِيْتْ أَلَا غْ وَمَانْ بِرِيْ أَتْ إِنْغْ. وَلَائِنِي إِغْ تَرْضَارْتْ أَداخْ تَاوْسْتْ هِيَاخْ حُنُو گِيْنِخْ».²³ إِنَّايسْ يَسُوعْ: «إِغْ تَرْضَارْتْ أَتَامْنْتْ، هَانْ كَرِيْكَاتْ تَغُوسَا إِرْضَارْ أَسْ أَمُومْنْ».²⁴ غَوْدَانْ أَيْكَا بَابَاسْ نْ أَحْشَمِيْ لِي تَغُوِيْتْ أَرْ يِلَا، إِنَّايسْ: «أَوْمَنْخْ أَسِيْدِيْ! أَوْسْ إِسْحَاحْتْ نْ لِيمَانْ إِنُو».²⁵ لِيْغْ إِزْرَا يَسُوعْ مَدَنْ أَرْدْ دَارْسْ تَرَالْنْ، إِكْلَبْ غْ لِجْنْ أَنْ إِنَّايسْ: «نِيْخْ أَكْ فَغْ كِيْسْ الْجَنْ أَكْنَاوْ أَصْرَضُورْ! فَغْ كِيْسْ، أَسُولْدْ سَرْسْ أُورْ تِبُورِيْتْ!»²⁶ إِكْسْ تَغُوِيْتْ إِلُورْتْ يَاتْ تَضُورِي إِحْسَنْ إِفْغْ إِلْمَا كِيْسْ. إِكْ زُونْدْ إِغْ إِمُوتْ، أَلِيلِيْغْ إِكُوتْ مَائِيْنَانْ: «هَانْ إِمُوتْ!»²⁷ يَامْزِدْ يَسُوعْ أَحْشَمِيْ لِي غْ أُفُوسْ إِسْتَكْرِتِيدْ، إِبِيدْ إِلْمَا.²⁸ لِيْغْ گَانْ سَلَاغْ نَنْتِي غْ تَكْمِيْ، سَقَسَانْ إِمْحَضَارْنْ نَسْ نَانْ أَسْ: «مَاخْ أَلِيلِيْغْ أُورْ تَرْضَارْ نَكِيْنِي أَتْ نَسُوفْغْ؟»²⁹ إِنَّايسْ: «أَنَّاُو أَدْ أُورَا إِتَقْوَغْ أَبْلَا سْ طَرْلَيْتْ دْ أُزُومْ».

³⁰ فَغَنْدْ غِينْ زُرِينْدْ غْ تَمَرِرْتْ نْ لَجْلِيلْ. أُورْ إِرِيْ أَدْ يَوِيْ يَانْ لَلَّا خَبَارْ،³¹ أَشْكُو أَرْ إِسْلَمَادْ إِمْحَضَارْنْ نَسْ، أَرَاسْنْ إِنْتِي: «هَانْ يَوْسْ نْ افْكَانْ رَا يَتِيْمَازْ سْ كَرْ إِفَاسْنْ نْ مَدَنْ نَعْنَتْ. إِغْتْ نَغَانْ، رَادْ إِلْمَا إِنْكْرْ غْ وَيِسْ كَرَاضْ أَسَانْ».³² وَلَائِنِي إِمْحَضَارْنْ نَسْ أُورْ فَهْمَنْ أَوَالْ أَنْ، إِكْسَاصَنْ إِغْتْ سَقَسَانْ فْ مَيَانْ.³³ يَاشْكَدْ سْ تَمَرِرْتْ نْ كَفْرَنَاحُومْ. لِيْغْ إِلَا غْ تَكْمِيْ يَسْقَسَانْ: «مِيْكَا غِيلِي فْ أَتَمْجِحِيدْ كَرْتُونْ غْ أَغْرَاسْ؟»³⁴ وَلَائِنِي فَسَانْ، أَشْكُو أَرْ يَدِلْلِي تَمْجِحِيدْ كَرَاتِسْنْ غْ أَغْرَاسْ فْ مَانُوا گِيْتِسْنْ إِكَانْ وَادْ كَلُو مَقْوَرْنْ.³⁵ إِكَاوْرْ إِغْرَدْ إِسِينْ دْ مَرَاوْ لِي بِيَنَّايسْ: «إِغْ إِرَا كَرَا نْ يَانْ أَيْكْ أَمْزُورُو، إِكَرُو كَلُو إِمَدَنْ إِكْ أَسْنْ كَلُو أَخْدَامْ».³⁶ يَامْزِدْ يَانْ أَحْشَمِيْ مَرِيْنْ، إِسْبِيْدَتْ غْ لَكْدَامْ نَسْنْ يَالَّتْ إِحْبَلْتْ غْ كَرْ إِفَاسْنْ نَسْ إِنَّايسْنْ: «وَنَا إِسْمَرْحَبَانْ سْ يَانْ زُونْدْ غُوِيدْ غْ تَرْوَا يَادْ مَرِيْنِينْ فْ سَبَّتْ إِنُو هَانْ إِسْمَرْحَبَا سَرِيْ، دْ وَنَا سَرِيْ يَسْمَرْحَبَانْ هَانْ أُورَدْ نَكِيْنِ أَسْ إِسْمَرْحَبَا، وَلَائِنِي أَسْ إِسْمَرْحَبَا دْ وَلِيَّدْ يُوْزَنْ».

³⁸ إِسَاوَلْدْ يُوْحَنَا إِنَّايسْ: «تَنْرَرَا إِكَانْ أَسِيْدِيْ يَانْ أَرْ إِطَّايْ لَجْنُونْ سْ إِسْمْ نَكْ نَسِيْدِتْ، أَشْكُو أُورْ گِيْنِخْ تِرِي يَانْ نِيْتْ أَفَلِي يِنِي كَرَا نْ كَارْ.⁴⁰ أَشْكُو وَنَا أُورْ إِكِينْ ضَيِّضْ نَخْ هَانْ إِلَا دِيدَنْخْ.⁴¹ هَانْ وَنَا يَوْنْ إِفْكَانْ يَانْ لَكَاسْ نْ وَمَانْ سْ إِسْمْ إِنُو أَشْكُو تَكَامْ وَبِنْ لَمْسِيْحْ، لَحَقْ أَدَوْنْ تَنْتِيخْ، أُورَادْ جَلُونْتْ تَغْرَاضْ نَسْ.

⁴² وَنَا إِكَانْ لَعْطَرْتْ إِكْرَا غْ غُوِيدْ مَرِيْنِينْ لِي سَرِيْ أَوْمَنِينْ، هَانْ يُوفْ أَسْ إِغْ يُوْكْلْ أَزْرُو نْ أَزْرُوكْ إِوْمَكْرَضْ نَسْ إِضْرَنْ غْ لَبْحَرْ.⁴³ إِغَاكْ إِسْغِيْ أُفُوسْ نَكْ أَتَعْصُوتْ، يُوفْ أَكْ أَتْكَشْمَتْ سْ تُودْرَتْ بَلَا نْ

يَانْ أَفُوسْ أَلَا دَارِكْ إِلَيْنْ سِينْ إِفَاسْنْ تُدُوتْ سْ جَهَنَّمَا دَارْ لَعْقِيْتْ أُورْ إِنْسَانْ.⁴⁴ غَلِيْغْ أُورْ تَمَّاتْ تُوكَا أَلَا أَرْكِيسْ تُنسَا لَعْقِيْتْ.⁴⁵ إِغاْكْ إِكَا أَصَارْ نَكْ لَعْطَرْتْ تَبِيتْ، هَانْ يُوفْ أَكْ أَنْكَشْمَتْ سْ تُودْرْتْ تُكْتْ بِصَارْ أَلَا لَانْ دَارِكْ سِينْ إِصَارْنْ تَضْرِيْنْ غْ جَهَنَّمَا غْ لَعْقِيْتْ لَيْ أُورْ إِنْسَانْ،⁴⁶ غَلِيْغْ أُورْ تَمَّاتْ تُوكَا نَسْنْ أَلَا أَرْكِيسْ تُنسَا لَعْقِيْتْ.⁴⁷ إِغاْكْ تُسْغِيْ تِيْطْ نَكْ أَتَعْصُوْتْ، تَسُوكْفَتْ تَيْدَ، هَانْ يُوفْ أَكْ أَنْكَشْمَتْ تَكْلِيْدِيْتْ نْ رَبِّيْ نَكْسَاكْ يَاتْ تِيْطْ أَلَا دَارِكْ سَنَاتْ تَوَالِيْنْ تَضْرِيْنْ غْ لَعْقِيْتْ نْ جَهَنَّمَا.⁴⁸ غَلِيْغْ أُورْ تَمَّاتْ تُوكَا نَسْنْ أَلَا أَرْكِيسْ تُنسَا لَعْقِيْتْ.⁴⁹ أَشْكُوْ كُونْ يَانْ رَأْيِيْ تِسْنِتْ سْ لَعْقِيْتْ، دَكُولْ تِغْرِصِيْ أَرْ تَلِيْ تِسْنِتْ سْ تِسْنِتْ تِسْنِتْ تَعْدَلْ، وَلَائِنِي إِغْتْ تَقْغْ تَسْمِيْ، مَاسْ رَأْيِتِيدْ تَرَارْمَ؟ أَوْ أَكْيُونْ تَلِيْ تِسْنِتْ تَلِيمْ غْ لَهْنَا گُرْتُونْ».⁵⁰

10

إِفْرِ وِيسْ مِرَاوْ

¹ إِنْكَرْدْ يَسُوعْ غَيْنِ يَاشْكَدْ سْ تَمَرِرْتْ نْ لَيْهُودِيَا إِكْدْ سَرْسْ غْ تَسْنَگَا يَانْ نْ وَسِيفْ نْ لُرْدُنْ، إِكْوْتَنْ دَاخْ مَدْنْ لَيْدَ دَارِسْ مُونِينْ، أَرْتَنْ إِسْلَمَادْ غَمْكَلِيْ يَدَلِيْ يِسْكَارْ.² أَشْكَنْدَ كَرَا نْ لَفْرِيْسِيْنْ إِرِينْ أَتْ جَرِينْ، سَقْسَانْتْ: «إِسْ إِحْلَّا إِورْكَازْ أَيْلَفْ إِتْمَغْرَتْ نِسْ؟»³ إِوَاجْدَنْ إِنَّايسْنْ: «مَا فَكْنْ يُوَصَا مُوسَى؟»⁴ نَانْ أَسْ: «مُوسَى يُودِنْ أَخْ أَنْرَا تَبِرَاتْ نْ لَفْرَا إِتْمَغْرَتْ، نَافْ أَسْ إِلَمَا».⁵ إِنَّايسْنْ يَسُوعْ: «هَانْ تَغَارْتْ نْ أُولَوْنْ نُونْ كَا أَفَاوِنْ يُورَا لُوْصِيْتْ نَا»،⁶ وَلَائِنِي لَيْغْ إِخْلَقْ رَبِّيْ كُولْ مَيْلَانْ، إِخْلَقْتْ إِكْتَنْ دَوْتَمْ دَتُوْتَمْتْ.⁷ غَانْ أَفْ إِفَالْ أَرْكَازْ بَابَاسْ دَمَاسْ إِزْدِيْ دَتْمَغْرَتْ نِسْ،⁸ زَدِينْ سِينْ لَيْ گَنْ يَاتْ دَاتْ. غَكُودَانْ أُورْ سُولْدَ سِينْ أَدْ كَانْ، وَلَائِنِي أَدْ كَانْ دَيَاتْ دَاتْ.⁹ هَانْ أَيْنَا إِسْمُونْ رَبِّيْ أُورَاتْ يَطَا أَفْكَانْ».¹⁰ لَيْغْ لَانْ غْ تَكْمِيْ، سَقْسَانْتْ دَاخْ إِمْحَضَارْنْ نِسْ فَمِيَانْ.¹¹ إِنَّايسْنْ: «وَنَا إِلَفْنْ إِتْمَغْرَتْ نِسْ إِتَاهَلْ تَيَاضْ هَانْ أَرْ فَلَاسْ إِتْرُونُو،¹² إِغْ تَلْفْ تَمَغْرَتْ إِورْكَازْ نِسْ تَتَاهَلْ وَيَاضْ هَانْ أَرْ تَرْنُو».

¹³ أَوِينْ أَسْدَ كَرَا نْ إِحْشَمِيْنْ أَفَلَاسْنْ إِسْرَسْ أَفُوسْ نِسْ، نُكْرُنْ إِمْحَضَارْنْ أَرْ طَرِيْنْ دَوْلِيْ يَسْتِتِنْ إِوِينِينْ.¹⁴ لَيْغْ يَنِيْ يَسُوعْ مِيَانْ تَطِيرْ أَسْ إِنَّايسْنْ: «أَجَاتْ إِحْشَمِيْنْ أَدْ دَرِيْ أَشْكَنْ أَتَنْ أُورْ تَحْصَارْمْ، أَشْكُوْ تَكْلِيْدِيْتْ نْ رَبِّيْ تِينْ زُونْدْ غُويْدْ أَتَكَا.¹⁵ لَحَقْ أَدَأْوِنْ تَتِيخْ، وَنَا أُورْ إِقْبَلْنْ تَكْلِيْدِيْتْ نْ رَبِّيْ زُونْدَ كَرَا نْ أَحْشَمِيْ أَهَانْ أُورَا سَرْسْ إِكْشَمْ».¹⁶ يَسِيْ إِحْشَمِيْنْ لَيْ سْ گَرْ إِفَاسْنْ نِسْ، إِسْرَسْ إِلَمَا فَلَاسْنْ إِفَاسْنْ نِسْ إِفَكَاسْنْ لِبْرَكَا نِسْ.

¹⁷ لَيْغْ رَأْ يِزْكِيْزْ غْ أَغْرَاسْ، يَازْلَدْ دَارِسْ يَانْ أَرْكَازْ إِسْجَدْ أَسْ إِسْقَسَاتْ إِنَّايسْ: «أَسِيدِيْ يِنَّا كَانْ وَادْ إِصْلَحْنْ، مَارَادْ سَكْرُخْ أَدْ كُوسُوخْ تُودْرْتْ إِدُونْ؟»¹⁸ إِنَّايسْنْ يَسُوعْ: «مَا خَ أَيْ تَقَرَاتْ سْ وَادْ إِصْلَحْنْ؟ أُورْ إِصْلَحْ يَانْ بَلَا رَبِّيْ وَحَدُوتْ.¹⁹ تِسْنِتْ لُوْصِيَّاتْ: أُورْ تَرْنُوتْ، أُورْ تَنَقَّاتْ، أُورْ تَكْرُتْ، أُورْ تَكَاتْ تُوكَانْ زُورْ، أُورْ تَغْوُشُوتْ يَانْ، طَهْلَا غْ بَابَاكْ دَمَاكْ».²⁰ إِوَاجْدَنْ إِنَّايسْ: «خَتِيَّنَا أَسِيدِيْ، غَمْ لَيْغْ مَرْيِخْ

أَكْلُو سِرْسِنْتْ سَكَارْخْ». ²¹ إِعْزُو دَارْ يَسُوعْ إِسْمُوقْلْ كِيسْ إِنَّايسْ: «تَعْمَا يِكْ سُولْ يَاتْ تَغُوسَا: زَائِدْ تَرْبَزْتْ أَيَّدَا نَكْ كُلُوتْ تَبْضُوتْ إِرَاوْشْ، أَدَارَكْ يِلِي لَكْنْ غْ إِكْنُوانْ، تَاشْكَدْ تَسِيتْ صَلِيبْ نَكْ، نَصْفُورْتِي». ²² إِغْمَا كِيسْ وَوَالْ أَنْ إِلُو نَطِيرْ أَسْ، أَشْكُو إِطَافْ أَيَّدَا إِكْوْنْ.

²³ إِسْمُوقْلْ يَسُوعْ غْ إِمْحَضَارْنْ نَسْ لَيْ يَاسْ سُوتَلَنِينْ إِنَّايسْ: «مُشْكَ أَسْ إِشْقَأْ أَدْ كَشْمَنْ إِدْ بُو لَمَوَالْ سْ تَكْلَدِيَتْ نْ رَبِّي!» ²⁴ أَرْ تَعْجَابْ إِمْحَضَارْنْ لَيْ غْ وَوَالْ نَسْ، إِسَاوْلْ دَاخْ إِنَّايسْ: «إِشْقَا بَهْرَا أَتَرْوَا نُو أَدْ كَشْمَنْ وَلِي تَكْلِينْ فْ لَمَوَالْ نَسْ سْ تَكْلَدِيَتْ نْ رَبِّي!» ²⁵ إِرْخَا سُولْ أَيْكُشْمُ أُورْعَمْ غْ تَبِيطْ نْ تَسْكِيَتْ فْ أَيْكُشْمُ بُو لَمَوَالْ سْ تَكْلَدِيَتْ نْ رَبِّي». ²⁶ أَرْ كَا سُولْ تَعْجَابْ أَرْ سَقَسانْ إِنْكَرَاتِسْ: «مَانُوا زَا إِرْضَارْنْ أَيْنِجْمْ؟» ²⁷ إِسْمُوقْلْ كِيسْ يَسُوعْ إِنَّايسْ: «مِيَادْ مَدْنْ أَيَّسْ أُورْ إِرْضَارْنْ أُورْدَدْ رَبِّي، أَشْكُو كَرِيَكَاتْ تَغُوسَا إِرْضَارْ أَسْ رَبِّي».

²⁸ إِسَاوْلْ بُطْرُسْ إِنَّايسْ: «هِيَاخْ نَكْنِي نَفْلْ كَرِيَكَاتْ تَغُوسَا نَصْفُورْكْ». ²⁹ إِوَاجِبْ يَسُوعْ إِنَّايسْ: «لَحَقْ أَدَوْنْ تَنِيَخْ: كُولْ مَانْ إِفْلَنْ كَرَا نْ تَكْمِي نَغْدَ أَيْتَمَاتِنْ نَغْدَ تَيَتَمَاتِنْ نَغْدَ بَابَاسْ نَغْدَ مَاسْ نَغْدَ تَمَغْرَتْ نَسْ نَغْدَ تَرْوَا نَغْدَ إِكْرَانْ فْ سَبَّتْ إِنُو دَنْبِرَاتْ نْ لَنْجِيلْ، رَا يَامِزْ غْ أَزْمِزْ أَدْ مِيَانْ نَكَالْ نْ تَكْمَا أَلَا أَيْتَمَاتِنْ أَلَا تَيَتَمَاتِنْ أَلَا إِدْ مَاسْ أَلَا تَرْوَا أَلَا إِكْرَانْ، أَلَا تَرْفُونْتْ، غِلِي يَدَاوِمْنْ رَا دَارْسْ كِيسْ تِلِي تُودِرْتْ إِدُومْنْ. وَلَائِنِي كِيَكَانْ دْ إِمْزُورَأَرْ أَيَّكْ إِمْكُورَأَرْ كِيَكَانْ دْ إِمْكُورَأَرْ أَيَّكْ إِمْزُورَأَرْ».

³² مُونْ دْ أَغْرَاسْ غِلِينْ سْ أُورُشَلِيمْ إِرْوُورْ أَسْنْ يَسُوعْ. ضِيقْنْ إِمْحَضَارْنْ نَسْ، إِكْصَاصْنْ وَلِيتْ ضَفْقُورْتِنِينْ. إِمَتِينْ دَاخْ غْ مَدْنْ نَنَانْ دْ سِينْ دْ مَرَاوْ لَيْ أَرَاسْنْ إِسَوالْ فْ أَيْلِي رَادَاسْ إِجْرُو، ³³ إِنَّايسْ: «هِيَاخْ رَا نَاؤْنْ سْ تَمَدِنْتْ نْ أُورُشَلِيمْ، يُوسْ نْ أُفْكَانْ رَا يَتِيَمَازْ سْ كَرْ إِفَاسْنْ نْ إِنْبَادِنْ دْ إِسْلَمَادِنْ نْ شَرْعْ، حَكْمَنْ فَلَاسْ سْ لَمُوتْ أَوِينْتْ إِلْكُنُوسْ». ³⁴ أَرْكِيسْ ضَصَانْ شَنْ أَسْ أَكُورَأَيْ أَرْ فَلَاسْ سُوفُوسْ نَغْنَتْ، وِيسْ كَرَاضْ أَسَانْ إِنْكِرْدْ».

³⁵ إِمَتِينْ دَارْسْ يَعْقُوبْ دْ يُوْحَنَّا، تَرْوَا نْ زَبَدِي، نَانْ أَسْ: «نَرَا كِيكْ أَسِيدِي أَدَاخْ تَسْكِرْتْ أَيَّنَا يِكْ نَضَالِبْ». ³⁶ إِنَّايسْ: «مَاتَرَامْ أَدْ أَوِنْتْ سَكْرُخْ؟» ³⁷ نَانْ أَسْ: «فَكْ إِيَانْ كَيِتِنْخْ أَيْكَلَوْرْ غْ أَفَاسِيْ نَكْ تَقْكَتْ إِوَيَّاضْ أَيْكَلَوْرْ غْ أَزْلَمَاضْ نَكْ غْ لَمَجْدَنْكْ». ³⁸ إِنَّايسْ يَسُوعْ: «أُورْ تَسْتَمْ مَاتِسْكِيلْمْ. إِسْ تَرْضَارْمْ أَتَسُومْ غْ لَكَاسْ نْ إِنْكَارِنْ لَيْغْ رَادْ سُوكْ، تَعْمَدْ سْ لَمَعْمُودِيَّا لَيْ سْ رَادْ عَمْدَخْ؟» ³⁹ نَانْ أَسْ: «نَرْضَارْ أَسْ». إِوَاجِبْ يَسُوعْ إِنَّايسْ: «لَكَاسْ لَيْغْ رَادْ سُوكْ رَا كِيسْ تَسُومْ، لَمَعْمُودِيَّا لَيْ سْ رَادْ عَمْدَخْ رَا سَرْسْ تَعْمَدْمْ.

⁴⁰ وَلَائِنِي إِكِبُورْ غْ أَفَاسِيْ إِنُو نَغْدَ أَزْلَمَاضْ إِنُو أُورْ أَفِيخْ أَتْ فَكْخْ، أَبْلَا إِولِي مِيتْ يَوْجَادْ رَبِّي».

⁴¹ لَيْغْ سَقْلَدِنْ مَرَاوْ إِمْحَضَارْنْ لَيْ يَصْنِينْ إِمَيَانْ، كُرْسْنْ فْ يَعْقُوبْ دْ يُوْحَنَّا. ⁴² إِغْرْ أَسْنْ يَسُوعْ إِنَّايسْ: «تَسْتَمْ إِرْيَاسْنْ نْ لَكُنُوسْ إِسْ أَكِيسْ صِيمِرْنْ، إِنْمُغُورْنْ نَسْ أَرْ فَلَاسْ تَصْلَاضْنْ». ⁴³ كَنِي أَكِيُونْ أُورْ يِلِي

میان، ونا گیون اران ایمغور ارکن اصنضیف.⁴⁴ ونا گیون اران ایگ امزورو، اگ اسمنگ اکریگات⁴⁵ یان.⁴⁶ اشکو یوس ن افگان الا ننان اورد یوشکی فات ستنضیف مدن، اف د یوشکا د ایسنضیف مدن اسبل فلاسن تودرت نس إفدوذ گیسن کیگان».

لکمند تمزرت ن اریحا. لیغ حراد گیس افوغ یسوع ننان د محضارن نس د یان اکبار ن مدن، یان ابکاض اسم نس برتیماوس یوس ن تیماوس إلا نیت غ تما ن اغراس اگلور ارگیس اتصالب.⁴⁷ لیغ اسلد ازد یسوع اونا صرا ایان، ار یقراس کرا دارس: «وا یسوع یوس ن داود، حنو گیگی!⁴⁸ اگون مدن لیت طرین ایقسا، ولاینی اس ایلما اسغیو س کرا دارس ن لجهه ار یقراء: «وا یوس ن داود، حنو گیگی!⁴⁹ ابد یسوع ایاسن: «غرات اسد!» غرند او بکاض لی نان اس: «عاقد اخف نک تکرت! هتین ار اک یقراء!⁵⁰ انکر الوحن اسلهام نس ادو س دار یسوع.⁵¹ اسقسات یسوع: «ماتریت اد اکت سکرخ؟» او اجد ابکاض لی بیاس: «ریخ اد اسقاوخ، اسیدی!⁵² ایاسن یسوع: «زاید! هان لیمان نک اک اججین». تری یان نیت آغ اسقاوخ ابکاض اصفور یسوع غ اغراس.

11

افر ویس یان د مراؤ

لیغ قربن اورشلیم لکمند لموضع ن بیت فاجی د بیت عنیا، غ تما ن اوریر ن ترین، یازن یسوع سین غ محضارن نس،² ایاسن: «زیدات س لموضع اذ ن لگدام نون، مکنان تکشم هتی ران تافم یان اسنوس اتکرف اور جون فلاس اسودی حتا یان، فسی یات اسد تو متید.³ اغ اون انا کران یان: ماخ ایس تقسیم؟ تیم اس: هتی سیدی اسرس احتجان، یان امیک هتی راتید ارار س غید.⁴ دون محضارن لی سین، افنین اسنوس لی ساسن انا اتکرف اکان غ برآ غ اغراس غ تما ن یات تفلوت، فسین اسد الاما.⁵ نان اسن کرا غ ولی بدنین غین: «ماینا تسكارم؟ ماخ انفسیم او سنوس؟»⁶ نان اسن غمکلی فتن یوصا یسوع، اجتنن الاما.⁷ اویند اسنوس لی ایسوع، سرسن فلاس تیمسا نس اسودو فلاس.⁸ اسیند کیگان د یسوع، اجتنن الاما. مدن تیمسا نس سونتنت غ اغراس، بیند ویاض اسکیپن غ اصغر سونتن گیس.⁹ ولی زوورین ایسوع د ولیتین ضقوربین اولن اوال نس ارتین: «لمجد اربی! امبارکی ایگا ولید یوشکان س اسم ن ربی!¹⁰ تمبارکیت اتگا تکلیت ن باباتخ داود لید یوشکان س اسم ن ربی! لمجد اربی غ وفاتن ن اگنوان!»

لیغ الکم یسوع اورشلیم، اکشم س لهیکل، اسموق کلو غ ایلی یاس اسوتلن غین. س یاغ بیض، افگد س بیت عنیا ننان د سین د مراؤ لی.¹² لید ازکا لیغ فعن غ بیت عنیا یغت لاز.¹³ س آن اتنا یات تزاروت غ تکوگت زگزاون اکان افراؤن نس، یاشکد ایژر اس تسکر کران لغلت. لیغتن الکم، اورن

گیسْ یوْفِی اَبْلَا إِفْرَاوْنُ، اَشْكُو اُورْتَا تَلْكُمْ لُوقْتُ نِإِكْرَارْنُ. ¹⁴ إِسَاؤْلُدْ يَسُوعْ إِنَّايسْ: «زَائِدْ اَسَارْ كِيمْ اُورْ إِشْ حَتَّا يَانِ إِكْرَارْنُ» إِمْحَضَارْنُ نَسْ اَرَاسْ نِيتْ سَقْلِيدْنُ.

¹⁵ اَشْكَنْدْ سِنْ اُورُشَلِيمْ، اِكْشِمْ يَسُوعْ سِنْ لَهِيْكَلْ اِنْكَرْ اِطَّايدْ وَلِيْ گِيسْ زَنْزَنِينْ اَرْ سَاغْنُ، اِسْكَلْبْ طَبَابِيْ نِ ولِيْ تَصْرِفَنِينْ اِقْرَيْضَنْ دِلْكَرْسَا نِ ولِيْ زَنْزَنِينْ اِتْبِيرْنُ، ¹⁶ اُورْ سُولْ يُوجِيْ حَتَّا يَانِ اَيْسِيْ كُرَا نِ تَغْوِسَا اَسْتَ اِزْرِيْ غِ اُوكْنِسْ نِ لَهِيْكَلْ. ¹⁷ اِنْكَرْ اَرْتِنْ اِسْلَمَادِ إِنَّايسْ: «إِزْدْ اُورْ اِتْيُورَا غِ وَرَا نِ رَبِّيْ: تِنْگَمِيْ نُو تِينِ طَرْلِيلِتْ اَتَگَا اِلْكَنُوسْ كُلُوتْن؟ كَنِيْ تَسْكِرْمْ گِيسْ اِفْرِيْ نِ اِمْخَارْنُ». ¹⁸ لَيْغْ سَقْلِيدْنُ اِسْلَمَادِنْ نِ شَرْعْ دِ اِرِيَّاسْنُ نِ اِنْبَدَادِنْ اِسْسُوعْ، اَرْ سَكِيلْنُ اَتْ نَغْنُ، وَلَائِيْ كَصُوضَنْتْ اَشْكُو اَرْ كُلُو تَعْجَابِنْ مَدَنْ غِ الْمُودْ نِسْ. ¹⁹ لَيْغْ تَلْكُمْ تَدْكَاتْ، اِفْغْ سِ بَرَا نِ تَمْدِنْتْ.

²⁰ لَيْدَ اَزْكَا زَرِينْ غِ اُغَرَاسْ، اَرْ تَتَّاينِ تَرَارْتْ لِيْ تَقْوَرْدْ غَمْنِ اِزْوَرَانْ. ²¹ اِكْتِيدْ بُطْرُسْ اَوَالْ نِ يَسُوعْ إِنَّايسْ: «سَمُوقْلْ اَسِيدِيْ! تَرَارْتْ لِيْ مِ تَدْعِيْتْ تَقْوَرْ». ²² إِنَّايسْ يَسُوعْ: «أَمَنَاتْ سِ رَبِّيْ. اَشْكُو لَحَقْ اَسْ اِلْيُونْ تَتِيخْ: اِغْ اِنَا كُرَا نِ يَانِ اِوْدَرَارْ اَدْ نِكْرْ تَضْرِتِنْ غِ لَبْحَرْ، اُورْ اِكِيْ شَكْ غِ وُولْ نِسْ، يَامِنْ اِسْ رَايِلِيْ اِلْلِيْ سِ اِنَا، هَانِ اِنِيْ سِ اِنَا رَادَاسْ يِلِيْ. ²⁴ غَانِ اَفْ اِلْيُونْ تَتِيخْ: كُولْ مَاتَضَالِبْ اِغْ اَطْرَلَامْ، اَمَنَاتْ اِسْ رَاتْ تَامِرْمْ، سَنِيتْ اِكَا وِنُونْ. ²⁵ اِغْ تَكْرِمْ اَدْ طَرَلَامْ، تَصَامِمْ اِوْتَا يُونْ اِسْكِرْنْ كُرَا، فِ اَدَأْوَنْ اِغْفَرْ بَابَاتُونْ غِ اِكْنُوانْ دَنُوبْ نُونْ اَلَا كَنِيْ. ²⁶ اِغْ اُورْ تَصَمَّاحْ اِوْيَاضْ اُورَادْ اُونْ اِصَامِحْ بَابَاتُونْ لِيْ يِلَانْ غِ اِكْنُوانْ اَلَا نَتَّانْ غِ دَنُوبْ نُونْ.

²⁷ اَصْنُونْدْ سِ اُورُشَلِيمْ. لَيْغْ اِيزِكِيْزْ غِ لَهِيْكَلْ، اَشْكَنْدْ دَارْسْ اِرِيَّاسْنُ نِ اِنْبَدَادِنْ دِ اِسْلَمَادِنْ نِ شَرْعْ دِ اِمْغَارْنُ. ²⁸ نَانِ اَسْ: «لَادَنْ نِ مِيتْ اَسْ اَتْسَكَارْتْ مِيَاد؟ مَادَاكْ اِفْكَانْ لَادَنْ اَدْ اِلْلِيْغْ اَتْسَكَارْتْ مِيَاد؟» ²⁹ اِوْاجِبْ يَسُوعْ إِنَّايسْ: «رَاكِنْ سَقَسَاخْ اَلَا نِكِينْ غِ يَاتْ تَغْوِسَا. وَجَبِتِيْ اُكَانْ اِنِيْخْ اُونْ لَادَنْ نِ مِيتْ اَسَا سَكَارْخْ مِيَاد. ³⁰ اِنَاتِيْ: لَمْعُومُدِيَا نِ يُوْحَنَا اِزْدْ اِكْنُوانْ اَدْ تَكَا نُغْدَ دَارْ مَدَنْ؟» ³¹ دُونْ اَرْ تَمْشِوِيرْنْ دِ اِنْكَرْ اَتِسْنْ اَرِتِتِينْ: «إِغْ اَسْ نَنَا: اِكْنُوانْ، رَايِخْ بِينِي: مَاخْ زَا اَسَرْسْ اُورْ تُوْمِنْ؟ ³² إِغْ اَسْ نَنَا: دَارْ مَدَنْ» اِكْصَاصِنْ مَدَنْ اَشْكُو اُومِنْ كُلُو اِسْ اِكَا يُوْحَنَا نِبِيْ اِحْقَاقْنِ. ³³ وَاجِبِنْ نَانِ اِسْسُوعْ: «هَانِ اُورْ نِسَنْ!» اِوْاجِبْ يَسُوعْ إِنَّايسْ: «اَلَا نِكِينْ اُورَادْ اُونْ اِنِيْخْ لَادَنْ نِ مِيتْ اَسْ اَسَكَارْخْ مِيَاد».

12

إِفْرِ وِيسْ سِينْ دِ مِرَاوْ

¹ اِنْكَرْ يَسُوعْ اَرْ سَرْسِنْ اِسَوَالْ سِ لَمْعَنَا، إِنَّايسْ: «إِنْكَرْ يَانِ اُرْكَازْ اِرْزوْ يَانِ اُورْتِيْ نِ وَضِيلْ، اِسْوُنْلْ اَسْدْ صُورْ، اِغْرْ لَمْعَصِرْتْ نِ وَضِيلْ اِبْنُو تَضَافْتْ، اِفْلتْ اِكْرَا نِ اِخْمَاسِنْ اِزَائِدْ اِمُودُو. ² لَيْغْ تَلْكُمْ لُوقْتْ نِ لَغْلَتْ، يَازْنُدْ يَانِ غِ اِسْمَكَانْ نَسْ اَنْ يَوِي تَصْغَارْتْ نَسْ غِ لَغْلَتْ نِ وَضِيلْ. ³ اَمْزَنْتْ اِخْمَاسِنْ لِيْ شَنْ اَسْ

أَكُورَايْ رَارِنْتْ إِسْكِرْنْ إِفَاسِنْ خُونِينْ.⁴ إِنْكُرْ يَازِنْ أَسْنَدْ دَاخْ إِسْمَكْ يَصْنِينْ، ثُونْ كِيسْ سْ أَزْرُو قَلْبِنْتْ كُرْفَصْتْ رَارِنْتْ.⁵ يَازِنْ أَسْنَدْ دَاخْ وَيَاضْ، نُغْنَتْ. يَازِنْ أَسْنَدْ وَيَاضْ فْ وَيَاضْ شَنْ أَكُورَايْ إِكْرَا نُغْنَ كَرَا.⁶ أُورْ سُولْ أَسْنَدْ إِعْمَا بِلَا يُوسْ لَيْ دَارْسْ إِعْرَانْ، يَازِنْ أَسْنَتْيَدْ غْ إِسْ إِكْرَا إِنَا: هَتِي رَادْ سَكْرِنْ سْ لَحْسَابْ نْ يُوي⁷ وَلَائِنِي إِخْمَالْسْ لَيْ نَانْ دْ إِنْكَرَاتْسْ: غُواْدْ أَيْكَانْ ولَيْ رَا يُوكُوسُو! أَرَأِيتْ أَتْ نِينْغْ، أَتْكْ تَكْسِيَتْ تِينْخ.⁸ أَمْزِنْتْ نُغْنَتْ لُوحْتِيدْ سْ بِرَا نْ وُورِتِي.⁹ مَارَا يِسْكِرْ بَابْ نْ وُورِتِي وَضِيل؟ رَادْ يَاشِكْ إِنْغْ إِخْمَالْسْ أَنْ، إِفْ أُورِتِي نْسْ إِوِيَاضْ.¹⁰ إِزْدْ أُورْ تَغْرِيمْ أَوَالْ أَدْ لَيْ يِتِيُورَانْ: أَزْرُو لَيْ أَكِينْ إِيْنَانْ، نَتَانْ أَسُولْ إِكَانْ إِخْفْ نْ تَغْمِرْتْ?¹¹ رَبِّي أَيْسْكِرْنْ مَيَادْ، إِكْ لَعْجَبْ غْ كَرْ وَالَّنْ نَخ!¹² أَرْ سِكِيلْنْ أَتْ أَمْزِنْ، أَشْكُو سْنْ إِزْدْ نَتَنْتِي أَفْ إِنَا لَمْعَنَا أَنْ. وَلَائِنِي كُصُوضْنْ غْ مَدْنْ، فَلَنْتْ إِلَمَا دُونْ.

¹³ أَزْنْ أَسْدْ كَرَا نْ لَفْرِيَسِينْ دْ لَنْصَارْ نْ هِيرُودُسْ أَتْ أَمْزِنْ فْ كَرَا نْ وَالَّ، ¹⁴ أَشْكِنْدْ دَارْسْ نَانْ أَسْ: «نَسِنْ أَسِيدِي إِسْ تَغْرَانْتْ، أُورْ تَكْسُوطْ يَانْ، أَشْكُو أُورْ أَنْسَكَارْتْ سْ أَدْمَالْونْ، وَلَائِنِي لَحْقْ أَسْ تَسْلَمَاتْ أَغْرَاسْ نْ رَبِّي. غَلَادْ إِنِي يَاخْ، إِسْ إِزْرِي أَنَّكَا ضَيْبِطْ إِقِيْصَرْ نَغْدَهْ أَهُو؟ إِزْدْ أَسْتَ نَكَا نَغْدَهْ أَسْتَ أُورْ نَكَا؟»¹⁵ يِسَّانْ يَسُوعْ تَكَنَّدْ نَسْنْ، إِنَّا يِسْنْ: «مَاخْ أَيْ تَجْرِابْ؟ أَوِيَاتِيدْ يَانْ أَدِيَنَارْ أَتْ زَرْخْ.»¹⁶ أَوِيَنْ أَسْدْ يَانْ أَدِيَنَارْ إِسْقَسَاتْ: «أَوِدْمْ نْ مِيتْ دْ تِيرَا نْ مِيتْ أَيَادْ كِيسْ إِلَانْ؟» نَانْ أَسْ: «وِينْ قَيْصَرْ!»¹⁷ إِوَاجْبَدْ يَسُوعْ إِنَّا يِسْنْ: «فَكَاتْ إِقِيْصَرْ أَيْلِي يِكَانْ وِينْ قَيْصَرْ، نَقْكِمْ إِرْبِي أَيْلِي يِكَانْ وِينْ رَبِّي». أَرْ إِلَمَا كِيسْ تَعْجَابْ وَلَيْ.

¹⁸ أَشْكِنْدْ دَارْسْ كَرَا نْ صَدُوقِيَّيْنْ لَيْ تِينِينْ أُورَادْ سُولْ نَكْرُنْ ولَيْ مُوتِينْ، سَقَسَانْتْ نَانْ أَسْ: «أَسِيدِي، يُورَايْخْ مُوسَى: إِغْ إِمُوتْ كَمَاسْ نْ كَرَا نْ يَانْ إِفْلَدْ تَمَغْرِتْ سْ أُورْ دِيدْسْ إِلِي تَرْوَا، إِلَّا فْ كَمَاسْ أَيْتَاهَلْ تَمَغْرِتْ أَنْ، إِفْلَدْ أَمُودْ فْ إِسْمْ نْ كَمَاسْ.²⁰ إِلِينْ دَارْتِخْ سَا نْ وَيِتْمَانْ: إِتَاهَلْ وَادْ إِزْوُورْنْ إِمَتْ، إِفْلَدْ تَمَغْرِتْ أُورْ دِيدْسْ إِلِي تَرْوَا.²¹ يِوَيِتْ وِيسْ سِينْ، إِكْ كَرَا أَلَا نَنَانْ إِمَتْ أُورَدْ إِفْلْ تَرْوَا. غَمْكَانْ دْ وِيسْ كَرَاصْ، ²² أَرْ تَدَانْ أَيْلِيَغْتْ إِوِينْ سَا وَيِتْمَانْ لَيْ حَتَّا يَانْ أُورَدْ إِفْلْ تَرْوَا. إِسْ إِكْرَا كُلُو تَمَتْ إِلَمَا تَمَغْرِتْ لَيْ أَلَا نَتَنْتَاتْ.²³ إِنِي يَاخْ إِغْدْ نَكْرُنْ مَدْنْ غْ لَمُوتْ أَسْ نْ لَقِيَاماً، مَانُوا كِيَتِسْنْ أَمْ رَاتِكْ تَمَغْرِتْ؟ أَشْكُو تَكَتِينْ تَكَأْ تَمَغْرِتْ إِسَا وَيِتْمَانْ لَيْ كُلُوتْنْ.²⁴ إِوَاجْبَدْ يَسُوعْ إِنَّا يِسْنْ: «هَانْ تَجْلَامْ، أَشْكُو أُورْ تَسْنِمْ أَرَاتِنْ نْ رَبِّي أَلَا لَجْهَدْ نَسْ.²⁵ أَشْكُو إِغْدْ نَكْرُنْ ولَيْ مُوتِينْ أُورَأَ سُولْ تَتَهَالْنْ أَلَا أَرْ سَتِهِيلْنْ، وَلَائِنِي أَرَتَكَانْ زُونْدْ لَمَلَيَّكَا غْ إِكْنَوَانْ.²⁶ أَمَا غْ لَجِهَتْ نْ ولَيْ مُوتِينْ إِسْ رَادْ سُولْ نَكْرُنْ نَغْدَهْ أَهُو، إِزْدْ أُورْ تَغْرِيمْ غْ وَرَأَا نْ مُوسَى فْ لَقِيَصْتْ نْ تَزْكَوَارْتْ، لَيِغْدْ إِسَاوْلْ رَبِّي سْ مُوسَى إِنَّا يِسْنْ: نُكِينْ أَيْكَانْ رَبِّي لَيْ يَتَّعَبَادْ إِبْرَاهِيمْ، دْ إِسْحَاقْ، دْ يَعْقُوبْ؟²⁷ أُورْ إِكِي رَبِّي نْ ولَيْ مُوتِينْ، وَلَائِنِي رَبِّي نْ ولَيْ دَرْنِينْ أَيْكَانْ. هَيَا إِكُوتْ مُنْشَكْ أَسْ تَجْلَامْ!»

أَرَاسْنْ إِسْقَلِيدْ يَانْ غْ إِسْلَمَادْنْ نْ شَرْع لِيغْ أَتْجِيَدْنْ. لِيغْ إِزْرَا يَسُوعْ إِفْكَائِسْنْ لُوجَابْ يَسْتَوَانْ²⁸
إِسْقَسَاتْ إِنَّايسْ: «مَانْ لُوْصِيتْ كُلو إِزْوَارْنْ غْ لُوْصِيَاتْ؟»²⁹ إِوْاجْبْ أَسْ يَسُوعْ: «تَادْ كُلو إِزْوَارْنْ غْ
لُوْصِيَاتْ إِكَاتْ: سَقْلِيدْ أَيْسِرَائِيلْ، سِيدِي رَبِّي يَانْ رَبِّي أَيْكَا.³⁰ حُبُو رَبِّي سِيدِيكْ سْ تَمَا نْ وُولْ نَكْ، دْ تَمَا
نْ إِخْفَ نَكْ، دْ تَمَا نْ إِسْوَنْكِيمْنْ نَكْ، دْ تَمَا نْ لَجْهَدْ نَكْ. خَتَّادْ أَيْكَانْ لُوْصِيتْ إِزْوَورْنْ.³¹ ثِلِي تِيسَنْ سَنَاتْ
زُونْدْ نَتَّاتْ إِكَاتْ: أَتْجُوبْ أَدْجَارْ نَكْ زُونْدْ إِخْفَ نَكْ. أُورْ سُولْ ثِلِي كُرَا نْ لُوْصِيتْ يُوْكَرْنْ سَنَاتْ أَدْ».³²
إِنَّايسْ أَسْلَمَادْ لِي: «تَغْرَأْنْتْ أَسِيدِي، لَحَقْ أَسْ تَتِيَتْ، أَشْكُو رَبِّي يَانْ أَيْكَا أُورْ إِلِي كُرَا نْ رَبِّي يَاضْنْ أَبْلَا
نَتَّانْ، دْ إِغْتْ إِرَا يَانْ سْ تَمَا نْ أُولْ نَسْ دْ تَمَا نْ إِسْوَنْكِيمْنْ نَسْ دْ تَمَا نْ لَجْهَدْ نَسْ، يِري أَدْجَارْ نَسْ
زُونْدْ إِخْفَ نَسْ، يُوفْ كُلو كَرَا يَجْدَرْ يَانْ نْ إِسْكُمُورْنْ دْ تَغْرَصِيَوْ».³⁴ لِيغْتْ إِزْرَا يَسُوعْ إِوْاجْبْ أَسْ سْ
لَعْقَلْ إِنَّايسْ: «أُورْنْ أَكْ تَكُوكْتْ فْ تَكْلِيدِتْ نْ رَبِّي». أُورْ سُولْ إِزْضَارْ يَانْ أَتْ سُولْ إِسْقَسَا غْ يَاتْ.³⁵
لِيغْ أَنْ إِسْلَمَادْ يَسُوعْ غْ لَهِيَكْ إِنَّايسْ: «مَمْنَكْ أَسْ تَتِيَنْ إِسْلَمَادْنْ نْ شَرْع لَمَسِيَحْ إِكَا مُؤْدَنْ دَأْوَدْ؟³⁶
دَأْوَدْ سْ إِخْفَ نَسْ إِنَا سْ لَوَحِيْ نْ رُوحْ لَقْدُسْ: إِنَا سِيدِي رَبِّي إِسِيدِي: كَأَوْرْ غْ أَفَاسِيْ إِنُو أَرْكِيغْ كِيْخْ
لَعْدُو نَكْ غْ دُو إِصَارَنْ نَكْ.³⁷ إِغْ أَيْقَرَا دَأْوَدْ سْ إِخْفَ نَسْ لَمَسِيَحْ سْ سِيدِي، مَمْنَكْ زَا أَسْ سُولْ إِكَا³⁸
لَمَسِيَحْ مُؤْدَنْ نَسْ؟» أَرَاسْنْ كُلو سَقْلِيدْنْ مَدَنْ لَيْنْ مُونِينْ سْ لَفْرَخْ.
أَرْتِنْ إِسْلَمَادْ إِنَّايسْ: «رَرَاتْ لَعْقَلْ سْ إِسْلَمَادْنْ نْ شَرْع لِي دَارْ إِغْرَا أَدْ زَكِيْزَنْ سْ إِقْشِبَانْ أَسْعَنِينْ³⁹
أَرَاسْنْ تَسُودُونْ مَدَنْ إِفَاسْنْ غْ لَاسْوَاقْ⁴⁰ إِعْرُو دَارْسْنْ إِغْ أُومَزْنْ إِدِيسْ إِزْوَورْنْ غْ إِكْرَاؤْنْ أَلَا زَرَادِي.
أَرْ شَتَّانْ أَيْدَا نْ تَدَكَلِينْ، أَرْ زَغْرِيفْنْ طَرْيَالَافْ أَتَنْ زَرْنْ مَدَنْ. غُويْدِ رَا فَلَاسْنْ إِتُوتْ لَحُوكْمِ إِسْقَانْ».
إِكِيُورْ يَسُوعْ إِنْكَبَالْ دْ صَنْدُوقْ نْ لَهِيَكْ، أَرْ إِسْمَقُولْ مَدَنْ أَرْنْ كِيْسْ تَلُوْحَنْ إِفَرِيَضَنْ. إِكُوتْنْ إِدْ بُو⁴¹
لَمْوَالْ لَيْنْ كِيْسْ لَوْحَنِينْ كِيْكَانْ دْ إِفَرِيَضَنْ.⁴² تَاشْكَدْ يَاتْ تَدَكَالْتْ أُورْ تَطَافْ يَاتْ، تَلُوْحَنْ سِينْ لَكْرُوشْ
لِي سَوَنِينْ يَانْ رُيعْ.⁴³ إِغْرِدْ يَسُوعْ إِيْمَحْضَارْنْ نَسْ إِنَّايسْ: «لَحَقْ أَدَأْوَنْ تَتِيَخْ، تَدَكَالْتْ أَدْ لِي أُورْ إِطَافَنْ
يَاتْ تَلُوْحَنْ أَكَارْ نْ أَيْلِينْ كُلو لَوْحَنْ وَيَاضْ.⁴⁴ أَشْكُو غُويْنْ كُلوْتْنْ أَيْلِي يَاسْنْ إِشَاصْنْ أَغْنْ لَوْحَنْ. وَلَائِنِي
خَتَّادْ أَيْلِي فْ تَلْكَمْ أَنْ تَلُوْحَنْ كُرَا دَارْسْ إِلَانْ نْ لَمْعِيشْتْ».

13

إِفْرِ وِيسَ كِرَاضْ دْ مِرَاوْ

¹ لِيغْ إِفُوغْ غْ لَهِيَكْ، إِنَّايسْ يَانْ غْ إِمْحَضَارْنْ نَسْ: «سَمُوقْ أَسِيدِي، مَتَا إِزْرَانْ أَدْ دْ مَتَا لَبْنِيَا أَدَا!»²
إِسَاوَلْدْ يَسُوعْ إِنَّايسْ: «إِسْ تَشْرِيَتْ لَبْنِيَا أَدْ مَقُورْنْ؟ هَانْ أُورَا كِيْسْ إِغْمَا أُزْرُو فْ وَيَاضْ أُورْ إِخْلِي».³
لِيغْ إِكَأَوْرْ غْ إِيْكِي نْ أُورِيرْ نْ تَرَيِينْ، إِنْكَبَالْ دْ لَهِيَكْ، إِسْقَسَاتْ بُطْرُسْ دْ يَعْقُوبْ دْ يُوْحَنَّا دْ أَنْدَرَأُوسْ لِيغْ⁵
كَانْ وَحْدُوتْنْ، نَانْ أَسْ: «مَلَاخْ مَنَاكُو أَرْ أَيْلِي مَيَادْ؟ دْ مَيْكَانْ تَمَارَتْ نْ إِغْ عَلَائِنْ أَيْلِي مَيَادْ كُلوْتْ؟»⁴

إِوْاجِبْ يَسُوعْ إِنَّا يُسْنْ: «سُكْسَائِتْ! هَانْ أَكْنْ أُورْ إِجْلُو يَانْ». ^٦ أَشْكُو گُوتْنْ وِلَيْ رَادْ يَاشْكْ سْ إِسْمْ إِنُو أَرْتِتِينْ: نَكْنِي أَيْكَانْ لَمْسِيْحْ! أَكَانْ جُلُونْ كِيْكَانْ دْ مَدْنْ. ^٧ إِغْ تَسْقَلْمْ إِيمَاغْنْ دْ لَأْخَبَارْ نْ إِمَاغْنْ أَدْ أُورْ تَكْصَاصْمْ، أَشْكُو إِقَانْدْ أَدْ إِلِيْنْتْ، وَلَائِنِي أُورْتَا إِلْكْمْ إِسْ إِكْرَا. ^٨ أَشْكُو رَادْ سُولْ إِنْكْرْ لَكْسْ فْ وَيَاضْ، تَتَكْرَدْ تَكْلِيْتْ فْ تَكْلِيْتْ يَاضْنْ، إِلِيْنْ إِدْ زِنْزَالْ غْ كُرَا نْ تَمْزَارْ، يِكْوْتْ لَازْ بِدْرَاسْ لَهَنَا. مَيَادْ أَيْكَانْ إِسْ إِزْوَارْ نْ إِنْكَازْنْ. ^٩ كَنِي ضُوفَاتْ إِخْفَالْنْ نُونْ. أَشْكُو رَاكْنْ أَوِينْ سْ لَمْحَكْمَاتْ، شَنْ أَوْنْ أَكُورَأَيْ غْ إِكْرَاوْنْ، أَوِينْكْنْ سْ لَكْدَامْ دْ إِكْلَدَانْ، فْ سِبَّتْ إِنُو، أَدَاسْنْ فَلِي تَفْكَمْ تُوكَا. ^{١٠} أَشْكُو إِقَانْدْ أَرْزَوَارْ تَلْكَمْ تَبْرَاتْ نْ لَنْجِيلْ لَكْنُوسْ كُلُوتْنْ. ^{١١} لَوْقَتْ نَاكْنْ أَوِيزْنْ أَوِينْكْنْ، أَدْ أُورْ تَاحَلْمْ غَمْنْ إِسْ إِزْوَارْ أَلَا توْسِيْمْ لَهَمْ إِمارَادْ تَتِيْمْ، وَلَائِنِي سَوَلَاتْ سْ إِلِيْلِي يَاوْنْ إِتِيْوْفَكَانْ غْ تَرِي يَانْ، أَشْكُو رُوحْ لَقْدُسْ أَيْسَوَالْنْ أُورْدْ كَنِي. ^{١٢} هَانْ رَا تَرِنْزْ تَكْمَاتْ تَيَاضْ تَفْكَتْ إِلْمُوتْ، إِزِنْزْ أَرْكَازْ يُوسْ، نَكْرُنْ تَرْوَا كَلْبَنْ غْ لَوْلَدَائِنْ نَسْ نَعْنَنْ. ^{١٣} رَاكْنْ كُلُو حَشَانْ مَدْنْ فْ سِبَّتْ نْ إِسْمْ إِنُو. وَلَائِنِي وَنَا إِصْبَرْنْ أَرْ إِسْ إِكْرَا نَنَانْ أَرَا يِنْجَمْ. ^{١٤} كُونَنَا تَزْرَامْ غَلِي سْ أُورْ إِخْصَا إِيْلِسْ أَلَا إِلَا كِيسْ لَخْلَا إِلَا إِلْمَا كِيسْ غَمْكَلِي سْ إِنَا نَبِي دَانِيَالْ، فَهَمْ أَوْلِي يِقَرَانْ. تَرِي يَانْ رَوَلَاتْ أَوْلِي لَائِنِي غْ تَمَزِرْتْ نْ لَيْهُودِيَا سْ إِدْرَارَنْ. ^{١٥} أَلَا وَلِيَنْ إِلَانْ غْ أَرْزُورْ، أَدْ أُورْ إِكْزْ سْ تَكْمِي أَلَا إِكْشِمْ سَرْسْ أَدْ كِيسْ يِسِي كَرَا. ^{١٦} وَلِيَنْ إِلَانْ غْ إِكْرَانْ، أَدْ أُورْ بُورِي تَغْرِضِينْ أَنْ يَوِي أَسْلَهَامْ نَسْ. ^{١٧} تَجْرَا غْ تِلِي أَسْنِينْ أَحْلِيَّغْ أَلَا تِلِي سَتْكِيَّنِينْ غْ أَسْقَانْ أَنْ. ^{١٨} طَرْلَاهِيتْ أَدَاوَنْدْ أُورْ تَاشْكْ تَرْوُلَا نُونْ غْ تَكْرُسْتْ، ^{١٩} أَشْكُو رَا تِلِي كَرَا نْ تَسَاسْتْ غْ أَسْفَانْ أَنْ أُورْ جُونْ إِلِي زُونْدْ نَسْ غَمْنْ لِيغْ إِخْلَقْ رِيَي دُونِيتْ أَرْ غَلَادْ، أَلَا رَا سُولْ تِلِي. ^{٢٠} دْ مَلَادْ إِسْ أُورْ إِزِيْكُرُولْ رِبِّي أَسَانْ أَنْ، أُورَرَا يِنْجَمْ حَتَّا يَانْ. وَلَائِنِي وِلَيْ يِسْتِي افْ إِزِيْكُرُولْ أَسَانْ أَنْ. ^{٢١} غَكُودَانْ إِغْ أَوْنْ إِنَا كَرَا نْ يَانْ: هَا لَمْسِيْحْ غِيدْ نَعْدَ هَتِينْ غِينْ أَتْ أُورْ تَامِنْ. ^{٢٢} أَشْكُو رَادْ نَكْرُنْ إِدْ لَمْسِيْحْ نْ ثُورْ دْ لَانِبِيَا نْ ثُورْ أَرْ سَكَارْنْ تَمَتَارْ دْ لَعْجَائِبْ، إِغْ أَفَانْ أَدْ جُلُونْ حَتَّا وِلَيْ يِسْتِي رِيَي. ^{٢٣} رَرَاتْ لَعْقَلْ، هَيْ زُورْخْ إِسَاوْنْ بِيَخْ كُريَّكَاتْ تَغَوْسَا. ^{٢٤} غْ أَسَانْ أَنْ، إِغْ تَرِي تَسَاسْتْ أَنْ، تَقُوكْتْ رَا تَلَاسْ، أَيُورْ أُورْ سُولْ رَا يِكَا تَقاوْتْ نَسْ. ^{٢٥} إِنْرَانْ نْ إِكْنَوَانْ رَادْ طَارْنْ، أَرْ تِيَّنَابِيَّنْ إِكْنَوَانْ أَلَا لَجْهَدْ لِي كِيسْنْ إِلَانْ. ^{٢٦} غَكُودَانْ أَرَانْ ثِرْنْ مَدْنْ يُوسْ نْ أَفَكَانْ يُوشْكَادْ غْ أَمْدُلو سْ لَمْجَدْ دْ لَجْهَدْ إِكْوَنْ. ^{٢٧} يَازْنْ إِلْمَا لَمْلَاهِيَّكَا نَسْ أَدْ سَمُونْ وِلَيْ يِسْتِي غْ كُوْرَتْ تَسْكُونْ وَكَالْ، غَمْنْ تَمَا نْ وَكَالْ أَرْ تَمَا نَسْ. ^{٢٨} لَمْدَاتْ لَمْعَنَا أَدْ غْ تَرَارْتْ: لَوْقَتْ نَا بِرْكَنْ إِسْكِيَّضِنْ نَسْ تَضِيَضْ إِفْرَاوْنْ، أَرْ تَسَانْمْ إِسْدَ يِكْمُورْ صَيِّفْ. ^{٢٩} غَمْكَانْ دْ كَنِي، كُونَنَا كُلُو تَزْرَامْ مَيَادْ إِلَا، تَسَانْمْ إِسْدَ يِكْمُورْ يُوسْ نْ أَفَكَانْ يِلِيدْ فْ إِمَاوَنْ. ^{٣٠} لَحَقْ أَدَاوَنْ تَتِيَخْ: أُورَرَا تَرِي تَسُوتْ أَدْ أَرْدَ كُلُو يِلِي مَيَادْ. ^{٣١} هَانْ رَادْ لَاحْ إِكْنَوَانْ دْ وَكَالْ، وَلَائِنِي أَوَالْ إِنُو أُورْ سَارْتْ لَاحْ.

أَسَانْ دْ تَسَاعِتْ أَنْ أُورِتْنْ إِسْنْ يَانْ، أُورِتْنْ سَنْتْ لَمَلَيْكَا غِ إِكْنَوَانْ أَلَا إِسْنَتْ بِوسْ نْ أَفْكَانْ أُورِتْنْ إِسْنْ أَبْلَا بَابَا.³³ ضُوفَاتْ تَوْرَزْمْ، أَرْطَرَلَامْ، أَشْكُو أُورْ تَسْنَمْ مَنَاكُو أَرَادْ يَاشْكُ أَزْمَزْ أَنْ.³⁴ زُونْدْ يَانْ أَرْكَازْ إِمُودَا إِفْلْ تِكْمِي سَنْ غِ دُو إِفَاسْنْ نْ إِسْمَكَانْ نَسْ، إِفْكُ إِكْرِيَكَاتْ يَانْ تَوُوري نَسْ أَسْتْ إِسْكَارْ، يُوصُو أَصَافْ نْ تِكْمِي أَيُّوُزْ.³⁵ هِيَ أَوْرَزَاتْ، أَشْكُو أُورْ تَسْنَمْ مَنَاكُو أَرَادْ يَاشْكُ بَابْ نْ تِكْمِي، إِزْدْ تَدْكَاتْ، نَغْدْ تُرْوَمْتْ نْ ضِيَيْضْ، نَغْدْ إِغْ إِسَاوْلْ أَفُولُوسْ، نَغْدْ إِغْ إِفَاوْ لَحَالْ.³⁶ هَانْ أَدْ أُورْ يَاشْكُ غِ تِرِي نَانْ غِ تِينْ أُورْ تَنَامْ يَاكْنَدْ تِكْمِ! ³⁷ مَيَادْ لَيِ سَاؤَنْ نِيَخْ أَرْتْ تَتِيَخْ إِكْرِيَكَاتْ يَانْ: أَوْرَزَاتْ!

14

إِفْرْ وِيسْ كُورْ دِ مِرَاوْ

¹ لِيغْ غَمَانْ سِينْ أَسَانْ إِلْعِيدْ نْ نَجَا دْ لَعِيدْ نْ سِينْ أَرْخُصِيَصْ، نَكْرِنْ إِرْيَاسْنْ نْ إِنْدَادْنْ دْ إِسْلَمَادْنْ نْ شَرْعْ أَرْ سَكِيلْنْ مَمْنُكْ تَغْضَارْنْ يَسُوعْ أَتْ أَمْرُنْ نَغْنَتْ.² وَلَائِنِي نَانْ: «أُورَا نِسْكُرْ مَيَادْ غِ لَعِيدْ، أَدْ أُورْ سَكِيرْنْ مَدْنْ رَازْأَا».³ لِيغْ إِلَا غِ بَيْتْ عَيْنَا إِكَلَوْرْ أَرْ إِشتَا غِ تِكْمِي نْ سَمْعَانْ أَنْجَدَامْ، تَاشْكَدْ يَاتْ تَمَغْرَتْ تَوِيدْ دِيدِسْ يَاتْ تَكْدُوتْ نْ تُوجُوتْ نْ نَارِدِينْ إِخْلَصْنْ، تُكْ تَادْ إِغْلَانْ، تَرْزَمْتْ تَقْيَيْدْ فْ إِحْفْ نْ يَسُوعْ.⁴ تَطِيرْ إِكْرَا نْ مَدْنْ لَيِ كَوْرِيَنْ غِينْ أَرْتِتِينْ دِ إِنْكَرَاتِسْ: «مَاخْ أَكَا تَصْخَصْرْ خَتَادْ تُوجُوتْ أَد؟⁵ رَاسْتْ يَدَلِلِي نَزِنْزِ سْ أَكَارْ نْ كَرَاطْ إِدْ مِيَا نْ أَدِينَارْ نِبْضُوتْ إِدَرَاوْشْ». أَكَانْ أَرْ طَرِيشْ تَمَغْرَتْ أَنْ.⁶ وَلَائِنِي يَسُوعْ إِنْايسِنْ: «أَجَاتِستْ! مَاخْ أَسْتْ تَهُولْم؟ أَفُوكِي أَكِيَكِي تِسْكُرْ!⁷ أَشْكُو دَرَاوْشْ لَانْ بَدَّا دِيدُونْ، دْ لُوقَتْ نَا تَرَامْ تَرْضَارْمْ أَكِيَسْنْ تِسْكُرْمْ لَخِيرْ. وَلَائِنِي نَكِينْ أُورْ بَدَّا دِيدُونْ لِيَخْ.⁸ تَمَغْرَتْ أَدْ تِسْكُرْ أَيْلِي مْ تُوفَا، تَرْوَارْ تَرْغَرْ دَاتْ إِنُو سْ تُوجُوتْ تُوْجَادْسْتْ إِتْمَضْلَتْ.⁹ لَحَقْ أَدَأْوَنْ تَتِيَخْ: إِنَّا غِ إِتِيَوْبَدَارْ وَوَالْ نْ لِنجِيلْ غِ دُونِيتْ كُلُوتْ، رَأِكِيسْ إِتِيَوْبَدَارْ أَيْلِي تِسْكُرْ تَمَغْرَتْ أَدْ أَلَا نَتَاتْ، أَرْ تِيدْ سِرْسْ تَكْتَائِنْ مَدْنْ».

¹⁰ إِنْكْرِيَهُوذَا لَسْخَرِيُوطْ، لَيِ يِكَانْ يَانْ غِ سِينْ دْ مِرَاوْ لَيِ إِدُو سْ دَارْ إِرْيَاسْنْ نْ إِنْدَادْنْ إِزِنْزِ لَمَسِيقْ.¹¹ لِيغْ سَقْلَدْنْ إِمَيَانْ فَرْحَنْ، قَلَوْلَنْ أَسْ أَدَسْ فَكْنْ إِقْرِيَصْنْ. إِدُو أَرْ إِلْمَا إِسْكِيلْ أَرْمَزْ أَدَسْتْنْ إِزِنْزِ.¹² أَسْ إِزْوَارْنْ غِ لَعِيدْ نْ أَرْخُصِيَصْ لِيغْ أَقْرَصْنْ إِتْفَسَكَا نْ لَعِيدْ نْ نَجَا، نَانْ أَسْ إِمْحَضَارْنْ نَسْ: «مَنِي تَرِيَتْ أَسَرْسْ نَدُو أَدَاكِنْ كِيسْ نِوْجَادْ إِمْنَسِي نْ لَعِيدْ؟¹³ يَارِنْ سِينْ غِ إِمْحَضَارْنْ نَسْ إِنْايسِنْ: «زِيدَاتْ سْ تَمَدِنْتْ، هَانْ يَانْ أَرْكَازْ يُوسِي يَاتْ تَبُوقَالْتْ نْ وَمَانْ رَاكَنْ إِنْمُقُورْ، صَفُورَاتْ.¹⁴ تِكْمِي نَا سْ إِكْشِمْ تَتِيَمْ إِيَابْ نْ تِكْمِي يَانْ: إِنْايكْ سِيدِي: مَنِيغْ إِلَا غِلِيَغْ رَادْ شَخْ إِمْنَسِي نْ لَعِيدْ نَكِينْ دْ إِمْحَضَارْنْ إِنُو؟¹⁵ هَتِي رَايُونْ إِمْلْ يَانْ أَمْصَرِي مَقُورْنْ، إِسَآ، إِنْكَدَآ. غِينْ أَغْ أَيْخَنْ تَوْجَادْمْ.¹⁶ فَغَنْدْ سِينْ إِمْحَضَارْنْ لَيِ أَشْكَنْدْ سْ تَمَدِنْتْ، أَفْنِينْ أَيْلِي سَاسْنْ إِنَّا إِوْجَادْنْ إِلْمَا إِمْنَسِي نْ لَعِيدْ نْ نَجَا.

¹⁷ لِيْغْ تَلْكُمْ تَدْكَاتْ، إِمُونْدْ يَسُوعْ دْ سِينْ دْ مَرَاوْ لِي. ¹⁸ لِيْغْ كَأوْرْنْ أَرْ شَتَانْ، إِنَّايسْنْ يَسُوعْ: «لُحَقْ أَدَاوْنْ تَتِيخْ: يَانْ كِتُونْ رَايِّ إِزْنَرْ، غُوانْ أَرْ أَكَانْ دِيدِي إِشْتَا!» ¹⁹ إِغْمَا لَحَالْ غْ إِمْحَضَارْنْ نَسْ نَكْرْنْ أَرْتْ سَقْسَانْ يَانْ سْ يَانْ، أَرَاسْ تَتِينْ: «إِزْدْ نَكِينْ؟» ²⁰ إِنَّايسْنْ: «يَانْ غْ سِينْ دْ مَرَاوْ أَدْ أَيْنَگَا، هَتِي أَرْ أَكَانْ دِيدِي إِسْضُوصَنْ غْ أَرْكُو.» ²¹ يَوْسْ نْ أَفْكَانْ رَايْمَتْ غَمْكَلِي فَلَاسْ إِتَيُورَانْ غْ وَرَاتْنْ نْ رَبِّي، وَلَائِنِي تَجْرَا غْ أَرْكَازْ لِي رَا يَزْنَرْ يَوْسْ نْ أَفْكَانْ! يُوفْ أَسْ مَلَادْ إِسْدَ أَكْ أُورْ إِلَولْ!»

²² لِيْغْ أَشْتَانْ، يَسِيدْ يَسُوعْ كَرَا نْ أَغْرُومْ إِسْكَرْ فَلَاسْ رَبِّي إِيْضُوتْ إِفْكَاسْنْتْ إِنَّايسْنْ: «أَمْرَاتْ شَاتْ، هَانْ غُواَدْ أَيْنَگَا دَاتْ إِنُو». ²³ يَسِيدْ يَانْ لَكَاسْ إِسْكَرْ فَلَاسْ إِفْكَاسْنْتْ، سُونْنْ كُلُو گِيسْ. ²⁴ إِنَّايسْنْ: «غُواَدْ أَيْنَگَا إِدَامَنْ إِنُو لِي گِنِينْ وَيْنْ لَعَهْدْ لَجَدِيدْ، وَلِي رَا يَنْغُلْ فْ سَبَّتْ نْ كِيْكَانْ دْ مَدَنْ.» ²⁵ لُحَقْ أَسَابِيُونْ تَتِيخْ: أُورْ سُولْ رَادْ سُوكْ غْ لَغْلَتْ نْ وَضِيلْ، أَرْ أَسْ أَنْ لِيْغْ رَادْ سُوكْ تِينْ لَجَدِيدْ غْ تَكْلِدِيتْ نْ رَبِّي». ²⁶ أَرْ تَزْرِيرْنْ أَرْ تَالْغُنْ رَبِّي فَعْنْ سْ أُورِيرْنْ نْ تَرِيَيْنْ.

²⁷ إِنَّايسْنْ يَسُوعْ: «رَايِّ كُلُو تَقْلُمْ ضَيْيِضْ أَدْ، أَشْكُو إِتَيُورَانْ غْ وَرَانْ رَبِّي: رَادْ أُوتْخْ أَمْكَسَا، مَزْرِنْتْ وَوْلِي.» ²⁸ وَلَائِنِي إِغْدْ نَكْرُخْ رَاكِنِينْ زُوُورْخْ سْ لَجَلِيلْ» ²⁹ إِنَّايسْ بُطْرُسْ: «هَانْ إِغْكْ كُلُو فَلنْ مَدَنْ، نَكِينْ أُورَكْ فَلَخْ!» ³⁰ إِنَّايسْ يَسُوعْ: «لُحَقْ أَسَابِيُوكْ تَتِيخْ: غَسَادْ سُولْ غْ ضَيْيِضْ أَدْ، إِغْ تَا أُورْ إِسَاوْلْ أَفُولُوسْ سَنَاتْ تَوَالْ، رَايِّ تَنْكِرْتْ كَرَاطْ تَوَالْ». ³¹ إِتَغِي بُطْرُسْ غْ وَوَالْ نَسْ إِنَّايسْ: «مَقَارْ يَيْدْ إِقَانْ أَدِيدِكْ مَتْخْ أُورْ رَاكْ نَكْرُخْ!» غَمْكَانْ أَسَاسْ كُلُو نَانْ غَوِينْ يَاضِنْ.

³² أَشْكَنْدْ سْ يَانْ إِكْرْ إِسْمَ نَسْ جَشِيمَانِي، إِنَّايسْنْ إِيمْحَضَارْنْ نَسْ: «كَوْرَاتْ غِيدْ، أَرْدْ ثَالَخْ».

³³ إِمُونْ دْ بُطْرُسْ دْ يَعْقُوبْ دْ يُو حَنَّا، إِمِيكْ سُتْ إِلَمَّا تَكْشِمْ تُوَدَا إِخْصَرْ لَخَاطِرْ نَسْ. ³⁴ إِنَّايسْنْ: «إِحْرَنْ بَهْرَا وُولْ إِنُو أَرْ لَمُوتْ، كَوْرَاتْ غِيدْ تَوْزَمْ!» ³⁵ إِمَتِينْ يَانْ إِمِيكْ إِسْجَدْنَ فْ وَكَالْ أَرْ إِطْرَلَّا إِغْ إِتِيَافَا أَتْ تَزْرِي تَسَاعَتْ أَنْ، ³⁶ إِنَّا: «بَابَا، وَأَبَابَا! تَزْضَارْتْ إِكْرِيَغَاتْ تَغَوْسَا، سِتِينْ فَلِي لَكَاسْ أَدْ نْ إِنْكَازْنْ.» وَلَائِنِي أَيْلِي أَيْلِي تَرِيتْ أَورْدْ أَيْلِي رِيخْ». ³⁷ بِورِيدْ يَفْتَنْدْ كِنْ، إِنَّايسْ بُطْرُسْ: «وَأَسْمَعَانْ إِزْدْ إِسْ تَكْنَتْ؟ أُورْ أَكْ تَزْضَارْتْ أَنْتَوْزَتْ حَتَّا يَاتْ تَسَاعَتْ؟» ³⁸ أَوْوزَاتْ أَرْطَلَامْ، أَدْ أُورْ تَكْشِمْ إِنْسَاسْتْ. أَشْكُو رُوحْ أَرْ إِتِرِي أَيْسَكْرْ أَفُولُكِي مِشْ دَاتْ تَضَعَافْ». ³⁹ إِمَتِينْ دَاخْ إِرْأَلْ يَالِسْ إِوَالْ لِي وَلِي. ⁴⁰ يَضُودْ دَاخْ يَفْتَنْدْ كِنْ، أَشْكُو قَنْتْ وَالِنْ نَسْنْ سْ إِصْصَنْ، أُورْ سُولْ سَنْ مَاسْ رَائِسْ وَاجِنْ. ⁴¹ يَاشْكَدْ تِيسْ كَرَاطْ تَوَالْ إِنَّايسْنْ: «غَلَادْ كَنَاتْ تَسُونْفُومْ! صَافِي! تَلْكُمْ تَسَاعَتْ! هَا يَوْسْ نْ أَفْكَانْ رَا يَتِيمَازْ سْ كَرْ إِفَاسْنْ نْ إِمْعَصِينْ.» ⁴² نَكْرَاتْ أَنْدُو! هَا وَلِي رَايِّ إِزْنَرْ يَازِدْ!»

⁴³ أَرْ نِيتْ سُولْ إِسَوَالْ يَسُوعْ، سَدْ يُوشْكَا يَهُوذَا، لِي يَكَانْ يَانْ غْ سِينْ دْ مَرَاوْ لِي، إِمُونْ دْ يَانْ أَكْدُودْ إِكُوتْنْ نْ مَدَنْ أَسِينْدْ سَيْوَفْ دْ إِكُورَائِنْ، صَرْفَنْتَنْ إِرِيَاسْنْ نْ إِنْدَادْنْ دْ إِسْلَمَادْنْ نْ شَرْعْ دْ إِمْغَارْنْ نَسْنْ.» ⁴⁴

وَلَيْ رَاتِ إِزْنُزِ إِفْكَائِيسِنْ يَدَلِي يَاتِ تَمَتَارْتِ إِنَّايسِنْ: «وَلَيِ مِرَادْ سُودْنَخْ نَتَانِ أَتِ إِكَانِ، أَمْرَاتِ تَوِيمَتْ تَلِيمَنِ دِيدَسِ». ⁴⁵ تَرِي يَانِ نَيْتِ أَغْدِ يُوشَكَا يَهُوذَا إِدُو دَارِ لَمَسِيحِ إِنَّايسِنْ: «سِيدِي! وَأَسِيدِي!» إِسُودَنِ أَسِنْ. ⁴⁶ كَيْنِ نَيْتِ سَرْسِ إِفَاسِنِ نَسْنِ أَمْرَنْتِ. ⁴⁷ إِسْفَدِ يَانِ غِ وَلِي حَضْرُنِينِ غِيْنِ سِيفِ نَسِنْ، يُوتِ سَرْسِ إِسْمَنْغِنِ أَرِيَاسِنِ إِنْبَادِنِ إِبِي يَاسِ أَمْرُونِغِ.

إِسَاوَلْدِ يَسُوعِ إِنَّايسِنْ: «زُونْدِ إِغْدِ تُفُوغُمِ سِنْ أَمْخَارِ تَوِيمَدِ سِيُوفِ دِ إِكُورَائِنِ أَيِ تَامِرْمِ! ⁴⁸ لَيْخِ بَدَّا بِدِيُونِ غِ لَهِيَكِلِ كِرِيَكَاتِ أَسِنْ أَرِ سَلَمَادَخِ، أُورِيِ زَا تُومَرْمِ! وَلَايِنِي مِيَادِ إِلَّا فَادِ إِكْمَلِ أَيِلِي يَنِيُورَانِ غِ وَرَاتِنِ نِ رَبِّي». ⁵⁰ فَلَنْتِ كَلُو إِمْحَضَارْنِ نَسِنْ رُولَنْ. ⁵¹ إِصْفُورَتِينِ يَانِ أَعْزَرِيِ أُورِ إِلِسيِ بَلَأِ يَانِ لَزَارِ، أَمْرَنْتِ كَرَانِ إِعْزَرِينِ غِيْنِ. ⁵² إِرُورِ إِفَلاسَنْدِ لَزَارِ لَيِ يَلِسَا، إِسْكَرِ حَرْضِيَضِ.

أَوِينِ يَسُوعِ سِنْ دَارِ أَرِيَاسِنِ نِ إِنْبَادِنِ، غَلِيغَنِ كَلُو مُونِ إِرِيَاسِنِ نِ إِنْبَادِنِ دِ إِسْلَمَادَنِ نِ شَرْعِ. ⁵³ إِصْفُورَتِينِ بُطْرُسِ غِ تُكُوكِتِ سِنْ وَاكِسِنِ تُكْمِيِ نِ أَرِيَاسِنِ نِ إِنْبَادِنِ، إِكَالُورِ غِ كَرِ إِمْخَزِنِينِ أَرِ إِرْقَأِ غِ دَارِ لَعْفِيتِ. ⁵⁵ إِرِيَاسِنِ نِ إِنْبَادِنِ دِ أَكْرَأَوِ كُلُوتِ أَرِ نِيَتِ سَكِيلِنِ كَرَانِ تُوكَأِ فِ يَسُوعِ أَتِ نَغْنِ، مِشِ أُورِتَنْتِ أَفِينِ، أَشْكُو إِكْوَتِ مَا فَلَاسِ إِفَكَانِ تُوكَأِنِ زُورِ، وَلَايِنِي أُورِدِ مَشُوشَكَنْتِ تُوكَأِ نَسِنْ. ⁵⁷ كَرَانِ مَدَنِ فَكَانِ فَلَاسِ تُوكَأِنِ زُورِ، أَرِتَنِينِ: ⁵⁸ «هَتِي نَسَقَلِدِ أَسِنِ إِنَّا: رَادِ خُلُوخِ لَهِيَكِلِ أَدِ لَيِ يَتِسْكَرْنِ سِ إِفَاسِنِ، بُنُوخِ وَيَاضِ لَيِ أُورِ إِتَبِينِ سِ إِفَاسِنِ غِ كَرَاصِ أَسَانِ». ⁵⁹ وَلَايِنِي حَتَّا مِيَانِ أُورِدِ فَلَاسِ مَشُوشَكَنْتِ تُوكَأِ نَسِنْ. ⁶⁰ إِنْكَرِ أَرِيَاسِنِ نِ إِنْبَادِنِ إِبِيدِ غِ تُرُومَتِ نِ أَكْرَأَوِ إِسْقَسَا يَسُوعِ إِنَّايسِنْ: «إِزْدِ أُورِ إِكَرِ رَأِ تَوَاجِبَتِ سِ يَاتِ؟ مَنَا تُوكَأِ يَادِ فَلَاكِ أَكَانِ غُويِدِ؟» ⁶¹ وَلَايِنِي نَتَانِ إِفَسا، أُورَاسِ إِوَاجِبِ سِ يَاتِ. إِسْقَسَاتِ دَاخِ أَرِيَاسِنِ نِ إِنْبَادِنِ إِنَّايسِنْ: «إِزْدِ كِيَنِ أَيِكَانِ لَمَسِيحِ يَوْسِنِ رَبِّي لَيِ نَتَعَبَادِ؟» ⁶² إِنَّايسِنِ يَسُوعِ: «نَكِيَنِ أَتِ إِكَانِ. هَانِ رَأِ سُولُ تَزْرُمِ يَوْسِنِ نِ أَفَكَانِ إِكَالُورِ غِ أَفَاسِيِنِ رَبِّي لَيِ دَارِ لَجَهْدِ، يَاشْكُدِ فِ اُمَدْلُو نِ إِكْنَوَانِ». ⁶³ إِنْكَرِ أَرِيَاسِنِ نِ إِنْبَادِنِ إِبِي تِيمَلِسَا نَسِنِ إِنَّايسِنْ: «مَامِ سُولُ نَرَا إِنَّكَانِ؟» ⁶⁴ هَتِي نَسَفَلَدْمِ إِلْجَهَالْتِ نَسِنِ، مَاسِنِ كِيَسِ نَتَامِ؟» حَكْمَنِ كَلُو فَلَاسِ إِسْدِ إِرُورَا لَمُوتِ. ⁶⁵ نَكْرَنْدِ كَرَا كِيَتِسِنْ أَرِ فَلَاسِ سُوفُوسِنِ، أَرَاسِ دَالَلِنِ أُورِدِمِ نَسِنِ أَرْتِ كِيَتِنِ سِ تُوكِمِينِ أَرَاسِ نَتِينِ: «تَكَشَافِ». أَرْتِ كِيَتِنِ وَضَافَنِ سِ إِمْرِيقِنِ.

لَيْغِ إِلَّا بُطْرُسِ غِ إِزْدَارِ نِ تُكْمِيِ، تَزْرِيدِ يَاتِ تُويَا نِ أَرِيَاسِنِ نِ إِنْبَادِنِ، ⁶⁷ سِ تَزْرَأِ بُطْرُسِ أَرِ إِرْقَأِ، تَسْمُوقَلِ كِيَسِ نَتَايِسِنْ: «أَلَا كِيِ تَكِيَتِسِتِينِ دِ يَسُوعِ أُونَّا صِرَا!» ⁶⁸ إِنَاكَرِ إِنَّايسِنْ: «أُورِ سَنْخِ أَلَا فَهْمَخِ مَاسِنِ أَتَتِتِتِ!» إِفَعْدِ سِ أَعْكَمِيِ، إِسَاوَلِ أُفُولُوسِ. ⁶⁹ تَزْرَتِ دَاخِ تُويَا لَيِ، نَتَايِسِنِ إِولِي لَانِينِ غِيْنِ: «هَانِ حَتَّا غُواَدِ إِكَأِ كِيَتِسِنِ!» ⁷⁰ إِنَاكَرِ دَاخِ. إِزْرِيِ يَانِ إِمِيكِ، نَانِ أَسِنِ وَلِي حَضْرُنِينِ إِبُطْرُسِ: «أُورِ كِيَسِ شَكِ إِسِ تَكِيَتِ يَانِ كِيَتِسِنِ، أَشْكُو أَلَا كِيِ تَكِيَتِ كُو لَجَلِيلِ، حَتَّا أَوَالِنِكِ إِرْوَاسِ نِسِنِ!» ⁷¹ أَرِ إِتَعَالِ أَرِ إِتَكَلَّا

إِنَّا يَسِّنْ: «نُكِّيْنْ هَانْ أُورْ سَنْخْ أَرْكَازْ نَا لَيْ فَأَتَسَوَالْمْ». ⁷² إِسَاوْلْ أَفُولُوسْ غْ تَسَاعْتْ أَنْ تِيسْ سَنَاتْ تَوَالْ، إِكْتِيدْ نِيتْ بُطْرُسْ أَوَالْ لَيْ سَاسْ إِنَّا يَسُوعْ: «هَانْ إِغْ تَا أُورْ إِسَاوْلْ أَفُولُوسْ سَنَاتْ تَوَالْ، رَايِ تَتَكْرُتْ كُرَاطْ تَوَالْ». لِيغْنِيدْ إِكْتِيَ أَرْ يَلَّا.

15

إِفْرِ وِيسَ سَمُوسْ دْ مَرَاوْ

¹ زِيكْ صِبَاحْ، مُشَوَارْنْ إِرْيَايَسْنْ نْ إِنْبَدَادْنْ دْ إِمْغَارْنْ دْ إِسْلَمَادْنْ نْ شَرْغْ دْ أَكْرَاوْ كُلُوتْ، كُرْقَنْ يَسُوعْ أَوِينْتْ إِحَاكْ بِيلَاطْسْ.

² إِسْقَسَاتْ بِيلَاطْسْ إِنَّا يَسِّنْ: «إِزْدْ كِيْنْ أَيْكَانْ أَكْلِيدْ نْ وُدَائِنْ؟» إِوَاجْبَدْ إِنَّا يَسِّنْ: «عَمْكُلِي سْ تَتِيتْ». ³ زَائِدْنْ إِرْيَايَسْنْ نْ إِنْبَدَادْنْ أَرْ إِلْمَا بَهَرَا تَشْكَانْ سْ يَسُوعْ. ⁴ إِسْقَسَاتْ دَاخْ بِيلَاطْسْ إِنَّا يَسِّنْ: «إِزْدْ أُورْ أَكْ رَأْ تَوَاجْبَتْ سْ يَاتْ؟ سَفَلْدْ مَنْشَكْ نْ تُوكَأَفْلَاكَ أَكَانْ!» ⁵ وَلَائِنِي يَسُوعْ أُورَاسْ دَاخْ إِوَاجْبَدْ سْ يَاتْ أَيْلِيْغْ إِضْرْ لَعْجَبْ بِيلَاطْسْ. ⁶ أَرَاكِيدْ بِيلَاطْسْ إِسْمِيَارْ أَسْنْ يَدَلِي أَدَسْنْ إِتَّورْزُومْ لَعِيدْ أَرْ لَعِيدْ إِيَانْ غْ إِحْجَاسْنْ نَا رَانْ. ⁷ يَلِي يَانْ أَرْكَازْ إِسْمْ نَسْ بَارَابَاسْ إِتَّكْرُفْ نِيتْ نَتَانْ دْ إِسْمُونْ نَسْ غْ لَحْبَسْ أَشْكُو إِنْغا رُوحْ لَيْغْ تَتَكْرُرْ كَرَا نْ زَرَّا. ⁸ كَنْ وَلِينْ مُونِينْ تَغُوِيَتْ أَرْ تَضَلَّابْ بِيلَاطْسْ أَدَسْنْ إِسْكُرْ أَيْلِي يَدَلِي إِسْكَارْ. ⁹ إِوَاجْبَدْ بِيلَاطْسْ إِنَّا يَسِّنْ: «إِسْ تَرَامْ أَيُونِينْ رِزْمُخْ إِوَكَلِيدْ نْ وُدَائِنْ؟» ¹⁰ أَشْكُو إِسْنْ إِزْدْ إِسْتْ كَا حَسَادْنْ إِرْيَايَسْنْ نْ إِنْبَدَادْنْ غَانْ أَفْ أَسْتِينْ إِوِينْ. ¹¹ سَنْكِرْنْدْ فَلَاسْ إِرْيَايَسْنْ نْ إِنْبَدَادْنْ وَلِينْ مُونِينْ أَيْسِنْدْ إِرْزُمْ بَارَابَاسْ. ¹² إِوَاجْبَدْ دَاخْ بِيلَاطْسْ إِنَّا يَسِّنْ: «مازَا تَرَامْ أَتْ سَكْرُخْ إِوَلِي مْ تَتِيمْ أَكْلِيدْ نْ وُدَائِنْ؟» ¹³ كَنْ دَاخْ مَدْنْ تَغُوِيَتْ أَرَاسْ تَتِينْ: «صَلْبَتْ!» ¹⁴ إِسْقَسَاتْ بِيلَاطْسْ إِنَّا يَسِّنْ: «مَانْ لَمَعْصِيَتْ إِسْكُرْ؟» زَائِدْنْ غْ تَغُوِيَتْ نَسْ أَرَتِينْ: «صَلْبَتْ!» ¹⁵ يَرِي بِيلَاطْسْ أَيْسَرْضُو مَدْنْ لَيْنْ مُونِينْ، إِرْزُمْ أَسْنْدْ بَارَابَاسْ، إِشْ أَكُورَايِي يَسُوعْ، إِفَكْ أَسْنْتْ أَتْ صَلْبَنْ.

¹⁶ أَوِينْتْ إِعْسَكْرِينْ سْ وَأَكْنِسْ نْ تَكْمِي لَيْ يَكَانْ لَقْصَرْ نْ لَأَحَكَامْ، سَمُونَدْ كُلُو تَرَبُوتْ أَنْ نْ لَعْسَكْرْ. ¹⁷ لَسْنْ أَسْ يَاتْ تَمَلِسِيتْ تَرَكَاغْتْ، ثُطَانْ يَانْ تَأْجَنْ إِسْتَانْ كَنْ أَسْتْ فْ إِحْفْ. ¹⁸ نَكْرُنْ أَرْ فَلَاسْ تَسْلَامْنْ أَرَاسْ تَتِينْ: «سَلَامْ فَلَاكْ أَيْكَلِيدْ نْ وُدَائِنْ!» ¹⁹ أَرْتْ كِيْتْنْ غْ إِحْفْ سْ يَانْ أَغْنِيَمْ، أَرْ فَلَاسْ سُوفُوسْنْ، أَرْ سُوَارْنْ فْ إِفَادَنْ نَسْ أَرَاسْ تَسْجَادَنْ. ²⁰ لَيْغْ كِيسْ شَبْعَانْ تَضَصَّسا، كَسْنْ أَسْ تَمَلِسِيتْ لَيْ تَرَكَاغْتْ لَسْنْ أَسْ تَنِينْ سُوفَغَنْتْ إِلْمَا أَتْ صَلْبَنْ. ²¹ يَوِيدْ أَغْرَاسْ يَانْ أَرْكَازْ إِكَادْ إِكْرَانْ إِسْمْ نَسْ سِمعَانْ الْفِيَرَوَانْ، إِكْ بَابَاسْ نْ إِسْكَنَدَرْ دْ رُوفْسْ، سَعِينْ أَسْ أَنْ يَسِّي صَلْبَبْ نْ يَسُوعْ.

²² أَوِينْتْ سْ غِلِي مْ تَتِينْ «جُلْجَثَا»، لَيْ مِ إِكَا لَمْعَنَا نَسْ لَمَكَانْ نْ «تَقْفَلَّا». ²³ فَكْنْ أَسْ كَرَا نْ شَرَابْ إِلْخَلْصَنْ دْ لَمُورْ أَتْ إِسُو، يَكِيَتْ. ²⁴ لَيْغْتْ صَلْبَنْ بَصُونْ تِيمْلَسَا نَسْ كِنِينْ فَلَاسْنْتْ أَصْغَارْ: مَارَا يَسِّي

كُريگات يان؟²⁵ إِكْ لَحَالْ تِيسْ تَرَاطْ سُوَابِعْ غْ زِيكْ صِبَاحْ لِيغْتْ صِلْبِينْ.²⁶ أَرَانْ غْ يَاتْ تَلْوَحْتْ: «أَكْلِيدْ نْ وُدَائِنْ»، إِكْ مَيَانْ سَبَّا لَيْ فَتْ نَعَانْ.²⁷ صِلْبِينْ دِيدْسْ سِينْ إِمْخَارْنْ، يَانْ غْ أَفَاسِيْ نِسْ دْ يَانْ غْ أَزْلَمَاضْ نِسْ.²⁸ إِكْمَلْدْ أَلَيْيِي سْ إِنَا وَرَّا نْ رِبِّي: «كَانْتْ دْ يَانْ غْ وَلِيْ فُوغِينْ أَغَرَاسْ». وَلِيْ زِرَيْتِينْ غِينْ أَرْتْ رِكْمَنْ، أَرْ سَمْسُونْ إِخْفَاؤْنْ نِسْنْ أَرْتِتِينْ: «بِيْهْ أَوْدِي! أَوْلِي رَايْخُلو لَهِيْكْلْ إِنْوَتْ غْ كَرَاصْ أَسَانْ!³⁰ فُوكُو إِحْفْ نْكْ تَكُورْزْدْ غْ صِلْبِيبْ!»³¹ غِمْكَانْ دْ إِسْلَمَادْنْ نْ شَرْعْ دْ إِرْيَاسْ نْ إِنْدَادْنْ أَرْكِيسْ صِصَانْ أَرْتِتِينْ إِيْنْكِرَاتِسْ: «إِجْتَحْمْ وَيَاضْ وَلَايْنِي أُورْ إِرْضَارْ أَيْجَتْجَمْ إِحْفْ نِسْ!»³² أَوَا إِكْزِيدْ غَلَادْ لَمَسِيحْ أَكْلِيدْ نْ إِسْرَائِيلْ غْ صِلْبِيبْ، أَتْ نَزَرْ أَنَامْنْ!» أَرْتْ رِكْمَنْ سِينْ لَيْ دِيدْسْ تَصِلْبِينْ أَلَا نَتْتِي.

³³ لَيْغْ تَلْكِمْ تَرْوَمْتْ نْ وَاسْ، ضَرْنَتْ تَلَاسْ فْ وَكَالْ أَنْ كَلُوتْ أَرْ تِيسْ كَرَاطْ سُوَابِعْ غْ تَدْكَاتْ.³⁴ لَيْغْ تَلْكِمْ تَسَاعْتْ تِيسْ كَرَاطْ، إِكْسْ يَسُوعْ يَاتْ تَغُوِيَّتْ مَقُورْنْ إِنَا: «إِلْوِي، إِلْوِي، لِمَا شَبَقْتِي»، إِكْ لَمْعَنَا نِسْ: «رِبِّي، رِبِّي، مَاخْ أَدِيْ تَقْلَتْ؟»³⁵ لَيْغْ أَسْ سَقْلَنْ كَرَا غْ وَلِينْ حَضْرِنْ، نَانْ أَسْ: «هَتِنْ أَرْ يَقْرَأْ إِلَيْا!»³⁶ يَازِلْ يَانْ كِيْتِسْنْ إِعْمَرْ كَرَا نْ لُبُونْجْ سْ لُخْ إِسْتَعِيَّتْ غْ يَانْ أَغْنِيمْ، إِفْكْ أَسْتِينْ أَتْ إِسُو إِنَّايسْ: «أَجَاتْ أَنْثَرْ إِسْ رَادْ يَاشْكْ إِلَيْا أَنِيدْ إِرْوَكْزْ».

³⁷ إِكْسْ يَسُوعْ يَاتْ تَغُوِيَّتْ مَقُورْنْ إِفْغَتْ رُوحْ.³⁸ إِيْضُوْ أَسْتَنْلْ نْ لَهِيْكْلْ فْ سِينْ، غَمْنْ أَفْلَا أَرْ إِزْدَارْ. لَيْغْ إِزْرَا لَقَائِدْ نْ مِيَانْ لَيْ بَيِّدِنْ غْ لَكْدَامْ نِسْ، غَمْكَلِيْيِي سْ إِكْسْ تَغُوِيَّتْ إِفْوَغْتْ رُوحْ إِنَّايسْ: «أُورْ كِيسْ شَكْ إِزْدْ يَوْسْ نْ رِبِّي أَيْكَا غَوَادْ!»⁴⁰ إِلِينْتْ كَرَا نْ تَمَغَرِينْ أَلَا نَتْتِي أَرْدْ سَمُوقْلَنْتْ غْ تَكُوكْتْ، تِلِي گِيْسِنْتْ مَرِيمْ أَولْتْ مَجْدَلَا دْ سَالَومَا دْ مَرِيمْ مَاسْ نْ يَعْقُوبْ مَرِيزْ دْ يُوسِي. خَتِيدْ نِيتْ أَتْ إِصْفُورْنْ أَرْتْ سَنْصِيفِنْتْ لَيْغْ إِلَا غْ لَجَلِيلْ، إِلِينْتْ كِيسْ تَيَاضْ كُوتِتِينْ لَيْدْ دِيدْسْ إِوْتِينْ سْ أُورْشَلِيمْ.

⁴² لَيْغْ تَلْكِمْ تَدْكَاتْ، لَيْغْ اَتْحِيَالْ إِوَسْ نْ سِبَتْ،⁴³ يَاشْكْدْ يُوسُفْ أَرْأَما لَيْ يِكَانْ يَانْ غْ إِنْمُغُورْنْ نْ أَكْرَاوْ يِلِي فَلَاسْ لُوقْرْ، إِكْ أَلَا نَتَانْ يَانْ غْ وَلِيْ تَقْلَنِينْ سْ تَكَلْدِيَتْ نْ رِبِّي، إِزْعَمْ إِكْشِمْ سْ دَارْ بِيَلَاطْسْ إِضَالَبْ أَسْ دَاتْ نْ يَسُوعْ.⁴⁴ إِضْرِ لَعْجَبْ بِيَلَاطْسْ غْ لَمُوتْ نْ يَسُوعْ أَشْكُو تَحَرُو. إِغْرِ إِلَقَائِدْ نْ مِيَانْ لَيْ يَسْقَسَاتْ إِنَّايسْ: «إِزْدْ إِكْوَتْ مَنْشَكْ أَيَادْ إِكَا إِمُوتْ؟»⁴⁵ لَيْغْ يُومَزْ لَأَخْبَارْ نِسْ دَارْ لَقَائِدْ نْ مِيَانْ لَيْ، إِفْكْ لَادْنْ إِيْوُسُفْ أَيَّسِي دَاتْ نْ يَسُوعْ.⁴⁶ إِسْغَدْ يُوسُفْ كَرَا نْ لُكتَانْ، إِرْوَكْزْ دَاتْ نْ يَسُوعْ غْ إِكِيْيِي نْ صِلْبِيبْ إِكْفَنْتْ إِكْتِينْ غْ يَانْ لَقْبِرْ إِتْغَرَانْ غْ أَزْرُو، إِسْكُونِيَّدْ يَانْ أَزْرُو إِقْنْ سَرْسْ إِمِي نْ لَقْبِرْ لَيْ.⁴⁷ مَرِيمْ أَولْتْ مَجْدَلَا دْ مَرِيمْ مَاسْ نْ يُوسِي أَرْ نِيتْ تَنَائِنْتْ غَلِيْغْ تِينْ إِكَا.

إِفْرُ وِيسَ سُضِيصَ دْ مَرَاوْ

^١ لِيغْ إِزْرِي وَاسَّ نْ سِبْتَ، تُسْعَدْ مَرِيمْ أُولَتْ مَجْدَلَا، دْ مَرِيمْ مَاسَّ نْ يَعْقُوبْ، دْ سَالُومَا، كَرَا نْ تُجُوتِينْ أَسْرَسْنَتْ زَغْرُنْتْ دَاتْ نْ يَسُوعْ. ^٢ زِيكَ صِبَاحْ نْ وَاسَّ إِزْوَارْنْ غْ إِمَلَاسَ، لِيغْ حَرَادْ تُوكِي تَقْوَكْتْ، أَشْكَنْدَنْ سْ لَقْبِرْ. ^٣ سَقْسَانْتْ إِنْكَرَاتْسَنْتْ: «مَارَأِيْخْ إِسْتِيْ أَزْرُو فْ إِمِيْ نْ لَقْبِرْ؟» ^٤ لِيغْ سُمُوقَنْتْ أَنْيِنْتْ أَزْرُو إِسْمُوتِيْتْ كَرَا، مَقَارْ بَهْرَا إِمْقُورْ. ^٥ لِيغْ كَشْمَنْتْ سْ إِفْرِيْ نْ لَقْبِرْ، أَنِينْتْ يَانَّ أَعْزَرِيْ إِكَّاوارْ غْ أَفَاسِيْ، إِلْسَا كُلُّو مَايْمُلُونْ، إِكْصَاصَنْتْ. ^٦ إِنَّايسِنْتْ: «أَدْ أُورْ تِكْصَاصَمْتْ! أَرْ تِسْكِيلْمَتْ يَسُوعْ أُونَّاصِرَا لِيْ تِتَصَلِّبْنْ. هَانَ إِنْكَرْدْ! أُورْ إِلِيْ غَيْدْ. هَا غَلِيْغْ تِيدْ سَرْسَنْ. وَلَائِنِي زِيدَامْتْ تِتِيمْتْ إِمْحَضَارْنْ نَسْ، تِتِيمْتْ إِبْطَرْسْ: هَانَ رَا أَكْنِينْ إِزْوَارْ سْ لَجَلِيلْ، غِينَّ أَغْ رَاتْ تِزْرَمْ غُمَكْلِي سَاوْنْ إِنَا». ^٧ حَرُونْتْ فَغَنْدَرْ رُولَنْدَ غْ لَقْبِرْ تَسِيَّنْتْ تِشْطَاحْتْ تِلْفَنْتْ كُلُّو. مِشْ أُورْتْ نِينْتْ إِيَانَّ أَشْكُو كَصُوضَنْتْ.

^٨ لِيغْ إِنْكَرْ يَسُوعْ زِيكَ صِبَاحْ غْ وَاسَّ إِزْوَارْ غْ إِمَلَاسَ إِزْوَارْ إِسْدَ إِبَائِنْ إِمْرِيمْ أُولَتْ مَجْدَلَا لِيغْ إِسْوَفْغْ سَا لَجْنُونْ. ^٩ تُدوْ أَتِينْ تِي إِوْلِي تِيْنِ دِيدْسْ كَنِينْ، تَفْتِينْ أَرْ أَلَانْ أَرْ سُغُويُونْ. ^{١٠} لِيغْ سَفَلْدَنْ وِلِي إِسْ إِدْرْ لَمَسِيْحْ، سَفَلْدَنْ إِسْتْ تِرْرَأْ، أُورْتْ أَوْمَنْ.

^{١١} مَائِزِرِي مِيَادِ إِبَائِنْدَ غْ صِيفْتْ يَاضِنْ إِسِينْ غْ إِمْحَضَارْنْ لِيغْ كَانَ أَغْرَاسْ فَغْنْ سْ بِرَّا نْ تِمْدِنْتْ. ^{١٢} مَائِزِرِي مِيَادِ إِبَائِنْدَ غْ صِيفْتْ يَاضِنْ إِسِينْ غْ إِمْحَضَارْنْ لِيغْ كَانَ أَغْرَاسْ فَغْنْ سْ بِرَّا نْ تِمْدِنْتْ. ^{١٣} أَصْنُونْدَ كَسْنْ لَأَخْبَارْ إِغْوِينْ يَاضِنْ، وَلَائِنِي أُورْتْنْ أُومَنْ أَلَا نَتِي.

^{١٤} إِسْ إِكَّرَا كُلُّو إِفَغْدَ إِلْمَا سْ يَانَ دْ مَرَاوْ لِي گَاوْرَنْ نِيتْ أَدْ شَتَّانْ، أَرْتْنْ إِطْرِي فْ لِيمَانْ لِي گِيسْنْ أُورْ إِلِينْ دْ تَغَارْتْ نْ وُلَاؤْنْ نَسْنْ، أَشْكُو أُورْ أُومَنْ وِلِيَتْ ثَرَانِينْ لِيغْدَ إِنْكَرْ. ^{١٥} إِنَّايسِنْ: «زَائِدَاتْ أَرْ تِبْشَارْمْ سْ لِنْجِيلْ إِمْدَنْ غْ دُونِيتْ كُلُوتْ. ^{١٦} وَنَا يُومَنْ إِعْمَدْ إِنْجَمْ، وَنَا أُورْ يُومَنْ إِتُوتْ فَلَاسْ لَحُوكْمْ. ^{١٧} دْ وِلِي أُمَنِينْ رَائِسِنْ أَوْسِنْتْ تِمَتَارْ أَدْ: رَادْ طَائِنْ لَجْنُونْ سْ إِسْمَ إِنُو، أَرْ سَوَالْنْ سْ تُتَلَكِّيَنْ لَجَدِيدْ، ^{١٨} أَرْ تِسِينْ إِلْكَمَاضِنْ، إِغْ سَوَانْ كَرَا نْ أَشْتَشِي أُورَأَتِنْ إِضْرُو، أَرْ سَرُوسْنْ إِفَاسِنْ نَسْنْ فْ إِمْضَانْ جِيَنْ».

^{١٩} لِيغْ إِلْمَا سَرْسَنْ إِساوْلْ سِيدِيَّتْخْ يَسُوعْ، إِتِيُورْفَاغْ سْ إِكْنَوَانْ، إِكَّاوارْ غْ أَفَاسِيْ نْ رَبِّي. ^{٢٠} فَغْنْ إِلْمَا إِمْحَضَارْنْ لِي أَرْ تِبْشَارْنْ غْ كُرِيَّكَاتْ تَسْكَا، يَاوْسْ أَسْنْ سِيدِيَّتْخْ أَرْ إِصْحُو أَوَالْ نَسْ سْ تِمَتَارْ لِي سَرْسَنْ إِسْكَارْ.